





THE J. PAUL GETTY MUSEUM LIBRARY





THESEUS
GRACIA
INDICATION



THESAURUS
GRÆCARUM
ANTIQUITATUM
VOL. II.

THESEUS
GRÆCUM
ANTHONY
V. L. II

THESAURUS GRÆCARUM ANTIQUITATUM,

IN QUO CONTINENTUR

EFFIGIES VIRORUM AC FOEMINARUM ILLUSTRIMUM,
Quibus in Græcis aut Latinis monumentis aliqua memoriæ pars datur,
& in quocunque Orbis Terrarum spatio ob historiam, vel res gestas,
vel inventa, vel locis nomina data, ac doctrinam meruerunt cognosci;

ITEM VARIARUM REGIONUM MIRANDA,
Quæ celebrata apud antiquos sævisque & ære expressa occurrunt, omnia ex
veris sincerisque documentis petita, & pro serie temporum disposita;

ADJECTA BREVI DESCRIPTIONE SINGULORUM,
Quæ aut in eorum vita aut in horum proprietate spectabilia percipi &
intelligi refert; ubi variis occasionibus nummi, lapides, inscri-
ptiones, etiam auctorum loca explicantur & emendantur.

VOLUMEN SECUNDUM

Memorabilia primorum veræ Historia sæculorum complectens

AUCTORE

JACOBO GRONOVIO.



VENETIIS,
Typis BARTHOLOMÆI JAVARINA.

M. DCC. XXXII.

SUPERIORUM PERMISSU, AC PRIVILEGIO EXCELLENTISS. SENATUS.

SPECIAL OVERSIZE

N

5610

G87

v. 2

THEZAVRUM GRÆCARUM ANTIQUITATUM

IS DUO CONTINET

PRIMUM VETERUM AD FORMAM HÆC
PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC

PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC

PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC
PRIMUM IN GRÆCIS AD FORMAM HÆC

IS DUO CONTINET

PRIMUM VETERUM AD FORMAM HÆC

PRIMUM IN GRÆCIS AD FORMAM HÆC

PRIMUM IN GRÆCIS AD FORMAM HÆC

PRIMUM IN GRÆCIS AD FORMAM HÆC

PRIMUM IN GRÆCIS AD FORMAM HÆC

PRÆFATIO.



ISI scirem tibi, quisquis spectatum accedis, cognitum fatis esse, cui labori partem hujus temporis mei dederim, non cunctarer rursus verba ad te facere tanto libentius, quo propius ad exitum bona iterum exantlata parte accedo. Verum & omnia aperui, nec progressa opera quidquam mutavi. Eodem tenore congerere ac per tempora, loca, homines, divisa antiquitatis quædam sæcula cognoscenda vel magis conspicienda præbere, atque ideo facinora interdum vel regionum huc pertinentium monumenta describere perrexī. In quibus non profero, nisi quæ mea sunt. Nam vitas singulorum scribere, hoc est, retexere, quæ millies evomuerunt alii, non est ratio mea; & ab eo tantopere absum, ut puras relinquere paginarum partes satius duxerim, quam talibus neniis aut me aut tempus aut chartam fatigare; tibiue, mi lector, suadeo, ut eas ex puris & genuinis fontibus petas. Sed neque id animo habui. Ut vere oculis nostris spectarentur, quæ ab antiquis in hoc genere prodita ad ætatem nostram perennarunt, manerentque inviolata & illæsa, & hinc aliquid disceremus antea incognitum, id est institutum meum, idque adjuvare tento. Quid quæso tristius & indignius est hoc sæculo Thaletas tam audaci & improba fronte ita venditari similesque? Neque tamen adeo aride vultus contempler, ut non facta quædam, etsi pauca, utique tamen unica admirationem merita & totum virum sola non minus ostentantia, quam leonem unguis, duntaxat delibem; interdum quoque largius tangam. Sed etiam in his opem nonnunquam ab aliis haurire & potui & debui. Neque enim hæc congeries sine Fulvio, Caninio, Causæo, Sponio, aliisque horum æmulis commode coivisset. Isti & labore & ætate præcesserant. Ut similis labor in his regionibus exstaret, nequiverunt contemni, quum conferrent bene magnam symbolam. Sed ubi ab illis opem petivi, pariter grate profiteri non omisi; quæ mihi relicta erant, quam potui cauto judicio adgressus annexui & pro viribus explicare conatus fui. Famam mihi spero ipsam & Homerum & Columnam Rhegiam & universam hujus operis continentiam fore testem. Nec vitio veritas non Italica tantum, sed & Romana referri ad antiquitates Græcas. Aliter non potuisset labor illa per sæcula consummatus ire, & in quarumcunque terrarum vultibus utique apparet manus Græcæ artificium. Hoc ad illa corripienda judicavi sufficere. Quid enim opus est tangere, quod res ipsa patefacit? Principia hujus voluminis indicavit exitus prioris: terminum quoque ejus justo

modo sacratum deprehendes. Neque enim valuit ille oportuniore metatione defigi, nec divisio commodior institui, nisi ut is non descenderet nec ad vicina nobis procurreret trans ætatem Magni Alexandri. Immo hæc epocha ut post Trojam conspectissima metam huic spatio monstrare debuit. Sed satis belle ita cecidit, ut eorum quæ ex illis sæculis in hanc notitiam veniunt, numerus probo calculo centuriam expleret. Hinc colligis, quam finis ille quem monstravi, sit ex ipso volumine natus, non a me destinatus, decentior dubium ad hanc formam, an ad præcedentis partis convenientiam & similitudinem. De eo autem plane non satego; utinam modo fructum quem cupio asferre studiis queat, & tam jucunde alios delectet contemplatio, quam mihi suavis fuit vel colligendi vel interpretandi cura! Hoc voveo & finio.



ORDO IMAGINUM HUIUS VOLUMINIS.

1. **F**AMA.
2. MENSIS.
3. **U**LYSSES.
4. NAUPLIUS.
5. NAUSICAA.
6. CIRCE.
7. SIRENES.
8. LEANDER.
9. HERO.
10. CODRUS.
11. MARO.
12. PERGAMUS JUNIOR.
13. ARETHUSA.
14. ALPHEUS.
15. CRYNAS.
16. ACRAGAS.
17. PATREUS.
18. HOMERUS.
19. IDEM.
20. IDEM.
21. IDEM.
22. HESIODUS.
23. DIDO.
24. CARANUS.
25. FAUSTULUS.
26. ROMULUS.
27. AMPHINOMUS ET ANAPIAS.
28. EGERIA.
29. BYZAS.
30. THALES.
31. SOLON.
32. PITTACUS.
33. ALCÆUS.
34. SAPPHO.
35. ANACHARSIS.
36. BATTUS.
37. PHERECYDES.
38. STESICHORUS.

Vol. II.

39. ATTUS NAVIUS.
40. PYTHAGORAS.
41. ANACREON.
42. SIBYLLA.
43. ——— CUMANA.
44. ——— MANLIA.
45. ——— PHRYGIA.
46. MALCHUS.
47. CHARONDAS.
48. ZALEUCUS.
49. ARCHYTAS.
50. MILO.
51. COLUMNA RHEGIA.
52. L. JUNIUS BRUTUS.
53. MUTIUS SCÆVOLA.
54. MILTIADES.
55. CYNÆGIRUS.
56. HERACLITUS.
57. DEMOCRITUS.
58. HIPPOCRATES.
59. THEMISTOCLES.
60. PINDARUS.
61. CIMON.
62. SOPHOCLES.
63. EURIPIDES.
64. ZENO ELEATES.
65. ATHENARUM ET HERACLEÆ CON-
 CORDIA.
66. SOCRATES.
67. ALCIBIADES.
68. ARISTOPHANES.
69. LYSIAS.
70. CRATEUAS.
71. HERODOTUS.
72. THUCYDIDES.
73. MOSCHION.
74. LEODAMAS.
75. ARISTOMACHUS.

* ij

- | | |
|------------------------------|------------------|
| 76. C. MARCIUS CORIOLANUS. | 89. M. CURTIUS. |
| 77. L. DOMITIUS AHENOBARBUS. | 90. ARISTOTELES. |
| 78. L. QUINTIUS CINCINNATUS. | 91. XENOCRATES. |
| 79. C. SERVILIUS AHALA. | 92. THEOPHRASTUS |
| 80. IDEM. | 93. DEMOSTHENES. |
| 81. ISOCRATES. | 94. ÆSCHINES. |
| 82. EUCLIDES. | 95. PHOCION. |
| 83. PLATO. | 96. EPICURUS. |
| 84. ARISTIPPUS. | 97. MONIMUS. |
| 85. ASPASIA. | 98. MENANDER. |
| 86. M. MANLIUS. | 99. PHILEMON. |
| 87. ANTISTHENES. | 100. POSIDIPPUS |
| 88. DIOGENES CYNICUS. | |



FAMA.



F A M A
capite alate.

F A M A .



F sic pars prior pro temporum lapsu & ordine aggeravit illa, ad quæ meditanda & proferenda tacentes antea Musas excitavit cithara sua Apollo. Sic enim rem natam esse Horatio ¹ auctore discimus & id quidem non illepide. Propterea festis verbis illam salutantes, ac Musarum, ut sic loquar, sæculis posthac valere dicturi, & semper ista post tergum relicturi secedamus inde in hac clausula, verissima certe: ΜΟΥΣΑΔΩΝ ΟΔΕ ΜΥΘΟΣ ². Aliud nunc templum ingredior vestigaturus, quid ætas, vetustatem illam Græciæ primam & compositis fabulis non sane claram satis sequens, in donariis ac tabulis bonæ fidei illic suspensum servet, ac hos oculos queat reficere. Neque enim poeticas Musas jam sectari licet modulationis cantu sonoras non bene liquido (qui quantum distat ab incognito ?) verum Famam, vocalissimam istam & simplici planoque sermone, capita, locaque & res gestas narrando populos ac sæcula elapsis proxima replentem. Est quidem ita, ut unusquisque sibi sit fama, nec dubitavit scribere Silius

*Hic Ƀ fama vetus nunquam moritura per ævum
Curtius. — —*

Attamen peculiarem eam agnoverunt antiqui: hanc poetæ particulatim descripserunt. Itaque etiam in urbe eadem, unde studia nostra & humanitas processit, Athenis potuit mereri non modo aram, sed & sacrificii celebritatem; nec modo appellationem Deæ, sed maximæ Dearum ³, tum ex aliis causis, tum notabiliter ex negotio, quod pro divino agnoscendum consenserunt, audita Athenis eodem die, quo acciderat, victoria Græcorum ad Mycalen de Persis. Ab isto tempore credita non in verbo ac solo nomine, sed in re & opere esse. Et quidni? quum & Spei filiam esse nonnulli ⁴ dixerint. Itaque quum hoc agerem, ut sic agnitam ab antiquis, sic descriptam, sic cultam circumspicerem, an & corpus ac speciem alicubi reperire possem; vidi Harduinum scribere ex Antonini Pii nummo ΑΡΤΙΑΔΩΝ in collectaneis Pyrrhi Ligorii spectari famam alatum, pedibus etiam alatis, tubam inflare. Mirum nisi sub hac figura ac descriptione aliud quid lateat, quodque ad Sirenis similitudinem pertineat. Quis enim antiquæ Famæ tubam attribuit? Quare ad hujus templi, quod meliori tempori consecratum eo, propylæum

Vol. II.

I

1. Lib. i. ode x.

2. Apollon. Rhod. lib. iv. vers. 1381.


3. Μεγίστης Θεῶν apud Æschinem in Timarch.

4. Sophocles in Oedip. Tyr. 162. χρυσίας τέκνον ἐλπίδος ἀμβροτὴ φαμα.

læum julte riteque exornandum gratulari censui benignæ uber-
tati gazæ Brandenburgicæ , unde sic adjutum me esse reor , ut
compos hujus propositi fierem . Ejus enim effusa in commune no-
strum liberalitas suggessit hoc caput nequaquam Orithyæ Ama-
zonis , aut Musæ , (quæ quidquid etiam illic concursetur , nec di-
citur uspiam in capite gessisse alas , & quum alas sumpsit ob vim
Pyrenei , posuit eas sueto loco) sed Famæ . Hæc enim utpote lo-
quelis spargendis accipiendisque unice destinata , instrumentis mo-
do ac membris in capite inveniendis utitur , quorum summa est ,
ut possit *multiplici populos sermone replere* , prout determinat divinus
vates , etiam pedes & plumatum corpus in ea considerans , sed
quod utrumque illi relinquimus . *Volare & loqui* proprium Famæ
est , idque in ea ab primis inventoribus indigitatum fuit , prius
quidem Herodoteo ¹ specimine posteris significante , posterius au-
tem ubique obvium jactantibus antiquis monumentis . Itaque
quum in hoc capite sint ea , quæ ad Famam requiri debent , e-
volare illam & ore ad fausta hujus voluminis auspicia uti voveo .
Est quidem simile caput in gente Julia Burfionum , & in Goltzii
Magna Græcia Metapontinorum ; sed quum id præterea vel sit
laureatum vel diadematum , hoc simplicius præferendum censui .

1. Libro IX. cap. 99. Ἰσοι δὲ σφί φημιτε ἰσέπτατε ἐς τὸ στρατόπεδον πάν, καὶ χειρὸν ἐφάνη ἐπὶ
τὸ χιματώγῃς χεῖμερος .





M E N S I S.



AM olim quidem ista temporis distinctio erat nota, & tum Minervæ proventum signabant tertio lunæ die, quam Graii nostri TRITOMHNI^ΔA dicebant, tum Apollinem septimo, Dianam sexto ejusdem die genita numina celebrabant. Sed & Herculem quarta luna genitum audierant & tantum non quotidie iterabant. Sed quum is tunc ab luna, prout ex loquutione apparet, dependeret, cujus etiam nomine continebatur: ad hæc sæcula reservari a me Mensis debuit, quæ sola eum, quod scio, suppeditant, & quidem memorabili visu, prout ex Antiochia Pisidica eum produxit excellens nuper in veranda hac moneta Patinus, idque sub nomine Afcæi, ut Strabonis indicio constat, satis digno, quod animadvertatur hic collocatum. Melius fuisset ac maluissem ex Europæ sensu ac reliquiis eum consecrari. Etiam notum est singulorum mensium habitus vel ænigmata in Calendario Cæsareo Viennensi exhiberi. Sed notabilia admodum indicia ad hunc oculos meos converterunt. Ne enim dicam de Phrygio pileo & luna illustrante humeros collumque, etiam Victoria coronante, gallus gallinaceus a nobis adspiciendus venit, quippe proprie mensē significans, & non Januario soli comes apponendus, ut sit in isto, quod citavi, calendario, sed omnibus omnino reliquis. Cl. Patinus ex loco Æliani notat eum Latonæ in deliciis fuisse, quod ei parturienti adfuerit, & quod etiam nunc parturientibus adsit, eisque faciles partus efficiat. Id tantopere placuit Vaillantio, ut etiam nummo isto ter exhibito sub Antonino Pio, Severo & Caracalla (quorum prior ille in grandiore formam conversus est, duos minores appositos ob minutam differentiam hic vides) in Severiano annotet *libro 5.*



de Var. hist. quum locus ille sit petitus ex libro *IV.* de animalibus cap. 29. At nihil ea narratiuncula ad mensis formam confert. Immo unice id mensi appositum ornamentum illustrat Jamblichus libro ¹ de vita Pythagoræ cap. 18. ubi inter philosophi monita prodit quoque fuisse, ut prohiberet gallum gallinaceum præcipue al-

Vol. II.


2

bum

1 Μὴδὲ ἀλεκτρούνα λαλῶν διώκειν. ἐκείνης γὰρ ἱερὸς τῷ μύθῳ· διὸ καὶ σημαίνουσιν ὧραν.

bum persequi: quippe qui ageret mensis sacrum supplicem. Itaque
& hunc albo colore stetit in templo Antiochiæ supponimus.
Quæ eadem causa est, ut mensi Januario, principi scilicet reli-
quorum mensium in calendario, cuius memini, attributus exstet.
Itaque spectes licet Mensē, qualem Ovidius scribit stetit in
regia Solis, eumque stipavisse utrimque cum Die & Anno & Sæ-
culis & Horis, tunc quum illuc escenderet Phaethon, ut constet
me scire, quod primum dixi, jam antea notum mensē fuisse.





U L Y S S E S .



ic converso tempore, Græcorum ad Trojam castra navalia deferere, & cum reliquiis redire in patriam oportet, in quibus præcipue & unice salutandum se offert magnum decus suorum & consilium Ulysses, spectator omnium nec minus græte omnibus spectatus. Qui bipater, & ut creditum, Sisyphi perinde ac Laertæ opus ex matre Anticlia, & ante bellum & in ipsa expeditione dederat incredibilia sapientiæ simul & astutiæ experimenta, adeo ut vix quidquam famæ memorandum effecerint Græci, quod non maxime & plusquam pro virili promovit ac profligavit iste. Unde fortasse quis judicet potius vel in primo apparatu vel certe in ipsa Troja debuisse hanc magnam & venerabilem imaginem produci. Sed non juvant nos bella; mores hominum cognoscentem terrasque & aperientem ultra quam ætatibus præteritis contigerat, verius sequimur; præsertim quum quæ relicta nobis est similitudo ejus, Ulyssen non apparantem bella, non productum ab Palamede, non armatum, sed ne quidem navigantem exhibeat; verum exhaustis longinquis erroribus non poetica modo narratione indicatis, sed probabiliū monumentorum fide roboratis, qualis mendicantis imitatu & erroneis defectas vires baculo sustinentis venit ad suos. Nec tamen petimus Ithacam. Ripa Rheni nobis grata est, ubi situm Asciburgium suo etiam tempore incolæ testatur Tacitus¹, & quæ res nostra est, ab hoc Ulyssæ *constitutum nominatumque acrimiprion*, ut quidem fideli studio ex MS^o annotat B. Rhenanus. Et quæso quam sudant viri docti? ita quidem ut post conjecturas bona fide incertissimas denique ex editionibus totam eam vocem expellant, ferme consensu, quasi id liceat. Quod qui permittunt, quid vident in illo Asciburgio, quo præsentia Ulyssis per ista loca innuatur? Utique nihil nisi aliquid Græci in ea voce residet a quolibet Græco forsan illuc devectum, non Ulyssæ. Innuat autem Tacitus memoriam Ulyssis ibi consecratam esse tum in ipsius nomine, tum in patris, tum etiam in avi, quam primo nunc ponit. Itaque hæc Ulyssis memoria jubet, ut reddamus & ipsi & Tacito verum *Arcisiprion*. Ea Græca vox est, eam literæ ipsæ suppeditant, ea in avi nomine custodit Ulyssis transitum. ΑΡΚΗΣΙΟΥ ΠΡΙΩΝ, prout ex Polybio l. i. cap. 85. in Africa sic locum novimus, & alium in Asia minore prope Sardes², (neque enim libet ambigere exemplo Cafauboni ad Strabonis librum xiv) ut

Vol. II.

3


dignus

1. De moribus German. cap. 3. Ulixem quidam opinantur longo illo & fabuloso errore in hunc Oceanum delatum, adiisse Germaniæ terras, Asciburgiumque, quod in ripa Rheni situm bodiæque incolitur, ab illo constitutum nominatumque: aram quin etiam Ulixi consecratam, adjecto

Laertæ patris nomine, eodem loco olim repertam.

2. Et hæc duo loca notata sunt. Sed egregie in libro Judith III. 9. Καὶ ἦλθε κατὰ πρὸς-σωπον Εσδραλὼν πλησίον τῆς Δαυαίας, ἢ ἐστὶ ἀπέναντι τῆς περὶ τῆς μεγάλης τῆς Ιουδαίας.

dignus sit, qui in Europa etiam audiat. Hujus vero effigiei vel statuæ lineamenta duxi ex nummo gentis Mamiliæ, ab omnibus plane tractato & inspecto, ab multis etiam edito, sed in quo ficuti reliquorum, ita vel maxime desideravi curam ac diligentiam Fulvii Ursini perinde ac Patini, ita caput hoc referentium, quasi nulla nota fuisset Ulysses agnoscendus. Sed quum & ipse quatuor exemplaria ejusdem nummi possiderem, reliquos nonnihil detritos, quartum egregie integrum, ex hoc manifeste Græcam faciem ac crebra lanugine obductam agnovi, qualem non dubito quondam conspectam fuisse ab Hieronymo in Ulyseio, ut vocat, & notatum fuit Steph. Pigio ad annum DCXIV. tum ab Hier. Alexandro ad tabulam Heliacam, tum ab Henr. Valesio ad Ammianum Marcellinum. Cætera cui non notus Ulysses?



N. AUPLIUS.

Palamedis Filius Atreus.

NAUPLIUS.



UM Ulyssæ ergo sequimur etiam redeuntem in terras suas classem Agamemnonis plenam spoliis Trojanis, sed pleniorē gloria, tantopere ac tamdiu Græciæ expectatam. In quo reditu nihil memorabilius ei contigit, quam quod prope Eubœæ Cœla, & ejus promontorium Capharea in exitabilem naufragii pestem incidit, ventis quidem

(nam & illi pepulerunt in scopulos) sed magis astu regis Nauplii, qui fletum & clamorā naufragorum vota audiens, quo perditos perderet magis, facem inde dicitur extulisse, ubi periculofiora adhuc erant brevia. Narratio est notissima. Ad hanc formam insistit ipse monti, innitens sinistra columnæ, capillos ventis jactantibus in eam partem, quo flammam quoque deferunt. Itaque quum nummum ab Buthrotiis cūsum explicare nequiret Nonnius, tantum scribens *quidam monti insistsens, una manu columnæ innititur, altera facem gestat*, Harduinus etiam negligeret; assiduus in hoc genere vir nuper in spicilegio antiquitatis Nauplium sane probabiliter proposuit, tum ex ipso statu, tum quia Helenus admonitu suo Pyrrhum eripiens communi Græcorum stragi meruit Buthroti regnum. Hoc pacto *regnataque vati Buthrotos Phrygio* potuit memoriam Nauplii ad gloriam ejus servavisse, quibus alia non inamœna addi quisque videre potest. Itaque eo nomine hunc ignigerum hoc ordine collocavi. Sed dubitare cogor, quia & Higinus & Aufonius & Servius illic allegati distincte facem vel faculam notant, ΦΑΝΟΝ Scholiastes Lycophronis, quum ipse ΛΑΜΠΤΗΡΑ, quæ utraque vox largæ significationis illam quoque, ut notum, admisit. Itaque licet in hac statua vir ille doctus etiam agnoscat habitum figuræ præferentis facem, utique non est fax, sed olla vel testa, ex qua ignis ejicit flammam; prorsus qualis apponitur Nymphis in nummo Apolloniatarum, qualis in nummo ΣΤΡΑΚΟΣΙΩΝ apud Parutam tabul.36. quem mox adjectum vides. Tum neque



Heleni nummus hic est, sed Buthrotiorum sub Aulisco, qui de Nauplio & Heleni monitu vix somniasse videntur, nedum ut conceperint regem hac ratione ignes gerentem, quod fieri vix po-

tuit . Præterea cur fingetur Nauplius sic nudus huc ascendisse , præsertim tantis commotis ventis ? Certe ita quoque Lynceum informare possemus , qui ex quinquaginta fratribus unus superstes ¹ ex Lyrcea urbe , quum esset servatus , ignem levavit , ut scribit Pausanias libro 11. eaque historia tam potuit placuisse monetario Buthrotiorum , quam facile Nauplius ex Eubœa illuc transfertur . Utique Lycophroni dicitur vigili adfidens fraudi ² . Ne dicam hunc esse & fingi juvenem ac glabrum . Omnino statua videtur instar phari posita in Acrocerauniis scopulis , qui infames audiebant , & quibus vicina admodum erat urbs Buthrotus , ubi requirebatur ideo hujusmodi specula , quia erat brevissimus inter Italiam & Epirum trajetus : & forsan hic par fabula concipi posset fuisse , qualis in Hellesponti angustiis de Leandro & Hero narratur . Sed melius est adhærere vero . Nempe quum in montibus illis Cerauniis non esset portus , sed quieta statio , prout eam appellat Cæsar eandem nactus , eam Buthrotii videntur hoc signo denotavisse , ut serviret nautis . Itaque non in Goltziano tantum nummo ea effigies exstat ; sed etiam ut suspicor in nummo thesauri Regii , quem edidit Vaillantius tom.I. pag.19. ubi ille militem facit , ac diplomata tenentem , pariter his interpositum , ut cuique pateat conspectus . Itaque & hoc etiam nomine meretur ista statua hic constitui .

1. Όταν ἡ νῆα ἀνισώθῃ , πυρὸν ἀνέχετ' ἐν τῷ θέν .

2. Pag. 68. ἀγρύπνη προσκαθήμενος τέχνη : cum

Scholiastes pag. 168. scribat περί τῆς Καθηρέα ποιήσας φάρον , ὑποστέφοντας αὐτὸς ἀνείλε .





NAVSICAE

Vixit hospitae aeterna.

NAUSICA A.



UM sic igitur in maritimam stragem elabitur Græca classis, & hic illic dissipatur, vel longissimus error contigit Ulyssi, ut solus ille volumine integro Homeri enarrari meruerit. Itaque plurima emensus & periculis creberrimis defunctus, hanc quoque fortunæ contumeliam subiit, ut miserrime destitutus, fracta navi vix nudus enataverit in Phæacum insulam; cuius regi Alcinoο, ob pomaria ac silvas supra fidem uberes inter poetas clarissimo, quum filia esset Nausicaa, magno Ulyssis bono contigit, ut lavandi ergo non diu post illa descenderet ad litus. Unde nudus illi occurrens & vix foliis aliquot tectus opem ab pietate ejus impetravit, ut & palliolum aliquod ipsi injiceretur, & ad regem deductus liberali hospitio frueretur. Quæ res & Alcinoο memoriam æternam nomenque ipsum contulit, & Nausicaæ faciem quoque custodire Græcis cura fuit, adeo ut ab altero continentis Græciæ latere item insulares Mytilenæi ex Lesbo legantur hoc nummo, in Itinerariis ac Miscellaneis Sponii & Wheleri prolato, eam posteritati cum altera item puella cive sua Sappho commendavisse hoc in ordine spectandam.





CIRCE

venefica et incantatrix circa Latium


C I R C E.



PPONENDA huic est etiam Circe, quæ etsi Pasiphaes & Ætæ soror, tamen tunc demum inclauit, quum ex fuga promontorio Italiæ occupato vel instituit vel invenit & colligere docuit herbas efficaces illic nascentes. Unde quamvis vestigia sui sparserit per alias quoque regiones, his tamen mansuram perpetuo notam ingessit ipso suo nomine istam sedem maritimam signans, quam antea ΑΙΑΙΗΝ quoque vocatam fuisse videtur innuere Apollodorus lib. I. Ubi quum ad plurima quotidie machinanda incubuisse videatur, non tamen alia pars vitæ ejus æque illustris, quam quum vel risus commovit in fociis Ulyssis, vel ipsum quoque defigere sic potuit, ut illecebras ejus amaret. Itaque hic quoque progeniem fixit, testante id Stephano de Ardea, aliis de Telegono Tusculi conditore. Et certe ad incantationes illas profuerunt quoque serpentes, & Medæ renovaturæ senectam non defuisse dicitur ab Ovidio

Squamæa Cinyphii tenuis membrana chehydri.

Quod argumentum opinor esse eos secutos, qui in Romanis Antiquitatibus hanc imaginem pro Circe venditarunt. Id quod sane periculi & aleæ plenum videtur, quum non aliter Salus Dea in monumentis infinitis spectetur, quam tenens serpentem, quem cibare videtur sinistra pateram gestante. Quam sane hæc effigies potuit exhibuisse.






SIRENES

tres in litore canentes Ulyssē
ad audiendum appellente.

SIRENES.



ULTIS quidem forsā ſæculis ante jam in ſaxo ſuo degebant Sirenes, utpote vel æquales Muſis, quibuſcum certaviſſe cantu leguntur, vel ex earum aliqua (Melpomenen plurimi, ſed alii Terpſichoren tradunt, nonnulli Calliopen) natæ, ut proxime ad eas accedant, etiam Higinio eas ad Proſerpinæ raptum referente. Quidquid de his etiam Argonautæ jactare voluerunt, omnino quem venerari debemus ob eas palam cognitæ, Ulyſſes eſt, qui ſolus potuit earum cantus audire, ita ut non ad deſidendum illuc appelleret, ſed præterveheretur, & quum poſtremus omnium cantantes eas audiviſſet (quippe poſt quem aſſidue conticuerunt non amplius viventes) ſimul doctrinam earum per populos ferre, ſimul faciem earum magno rerum ſuarum præconi Homero informare. Quod ut aliis etiam fieret, & noſtro propoſito inprimis faverem, ipſas tres (in hunc enim numerum conveniunt omnes, etſi variantes nomina) egregie proſus ex monumento veteri Romano in gaza Muſei Puteani exhibitæ nuper & vulgatas huc applicui, quo & numerus ipſe conſtaret, & apparerent *pluma pedesque avium*, cum gererent tamen *virginis ora*, ac pariter tibiis, (ſic enim loquitur Servius, non *tibia*, ut video temere ex illo plus quam ſemel citari, etſi ita unam inſlent in nummo) cithara, voce modulantes concordiam ſuam. Omnia hæc ſæpe & per complures, qui Homerum ſequuti ſunt, conſenſu tradita, ſed non tam bene diſtincta, quin identidem cum aliis marinis monſtris fuerint conſuſa, unde frequens hæc monitionum in novellis ſcriptis materia, ut nequaquam hodie ſcribi ab ullo poſſe ſperarem in Thurinorum nummo caſſidem Minervæ ſic ornari, ut illic conſpiciatur *Triton aut Sirene*. Id quoque in his ſingulare notari oportet, quod etiam amiculo aliquo ſint veſtitæ, quo carent omnes aliæ, quas ex nummis



habemus , quarum primam dederunt in gente Petronia ; duas
præbent memoriæ Brescianæ, etiam nonnisi singulis tibiis instru-
ctas . Quia tamen in hac antiquitatis illius memoria non ipsas
modo Sirenas contemplamur , sed & præternavigantem Ulyf-
sen, quem modo genuinum inspeximus; nulla videtur invidia ,
huc coacervari etiam , quidquid aliud de Ulyssæ ad audiendam
Sirenum cantantium sapientiam parato ad manum est , quod
omne simul accipe.





LEANDER.



PERSEQUUTUS tempora , Trojani tandem belli reliquias accessionesque omnes consummavi , ut ad continentem memoriam nunc liceat magisque securam accedere . In qua tamen occurrunt etiam nonnulla , quorum certa temporis assignatio perit ; qualis est amatoria narratio Leandri & Herus , enimvero celeberrima & per sacratissimos etiam vates Maronem Nasonemque dedicata , quum tamen ætas negligatur , nisi quod exemplis modo amantium vetustis connumerentur . Id tamen utique supponi oportet tunc accidisse , (si quidem accidit ,) antequam nimia navigationum frequentia Helle-spontus noctu & interdiu trajiceretur , ut perquam exiguo intervallo ab rebus Trojanis absit . Nam post eas evenisse clamat certe Ovidius , quum in amatoris epistola mentionem injicit & Dædali & Endymionis & Andromedæ Colchorumque , prout ab amata proferuntur tum Jason , tum quoque Idæus adulter ; imo etiam *celer Eleo carcere missus eques* illic nominatur ; ut inde sic sibi hos amores notos esse fateatur , qui post bellum Trojanum contigerint . Quæ quocunque numero sint , & quanquam ex talibus accurata temporis notatio deduci continue non debeat : sequor tamen , quum alii obiter istud amoris commercium scriptis suis inferere captantes nullam suspicandi de ætate facti præbeant animam ; atque firmiore fide ac certiore loco hanc faciem ostentare ignorem , publico præbitam ab Ful. Ursino ex gemma amethysto , ubi Joh. Faber ne tangit quidem hanc unice necessariam partem , sicut nec alii lexicorum sartoires nummorumque illustratores notissimis ac vanissimis defungentes . Hoc igitur qualecunque , sed antea inauditum amoris specimen ab illis tamen aliisque , verum singulari exodio ab ingenio Musæi venustatem poeseos adipisci meruit , cujus quidem & ipsius ætatem ad ultima Romanorum tempora rejicere allaborant . Ita præcedit Casaubonus , sequitur Marshamus cum reliquo grege . Ego quidem in MS. Oxoniensi , cui aderant simul nonnulla scholia , inscriptionem hanc legi , ΜΟΥΣΑΙΟΥ ΤΟΥ ΓΡΑΜΜΑΤΙΚΟΥ ΤΑ ΚΑΘ' ΗΡΩ ΚΑΙ ΛΕΑΝΔΡΟΝ , prout etiam in pluribus se legisse manuscriptis codicibus testatur Leo Allatius de Patria Homeri , ubi & acerrime hunc Musæum excipit , & Stephanum quoque ejus inscriptionis spectatorem citat . Hæc hæctenus . Debuit igitur huic tempori contigisse natator ille , quem vides capite prominulo , properantemque , ut ex ipsius ore eum considerabat Martialis , & hinc ingenti pectoris impetu superantem & scindentem fluctus , adeo non timentem ¹ aquas , & in medio Helle-sponto inter undas & nocturnas nebulas colligentem illas spu-

Vol. II.

8

meas

¹ ipse dicit apud Musæum

Οὐ τρομέω βαρὺ χεῦμα τένην ματαιόμηνος δυνήν


Οὐ βράμον ἤχεντα βαρυδύποιο θαλάσσης .

meas guttas ¹ capillis (qui sunt ideo notabiles ; quod in num-
morum ec̃typis ubique sic eos exhibent , quasi minime summi-
fos habuerit) madidis & humore pendentibus ita , ut oculos
recta ejiciat ad allucentem e regione facem , ubi tandem anhe-
lantem ² eum est amplexura Hero .

1. Α'φροσύμης παρθενίας .

2. Α'δμείοντα .





HERO.



N hujus virginis conspectum ipsa Veneris festa Sesto celebrata solenniter Leandrum istum duxerunt. Etiam quum sine mora potentissimæ illius Deæ epiphania & invicta auspicia isti extraneo junxerint hanc sacerdotem suam, sed quæ Leandro ipsa Dea videbatur, aut quædam huic proxima¹, certe Gratias vel centum risu oculi unius exhibens²; nostri etiam muneris fuit illam huc apponere. Nec enim intelligo, cur eam omittere placuerit Ursino aut Fabro, cujus verba non debent hic desiderari. (Eystat apud Fulv. Ursinum nobilis quædam gemma, in qua cernitur turris Græcis insculpta literis, quæ indicant illam esse Sesti turrin, unde Hero puella venientem ad se noctu ex opposita Abydo Leandrum ad lumen laternæ, tanquam e specula sdectare consueverat. In qua item gemma *Cupido* sculptus est, tubæ sonitu, quasi lucantem Leandrum excitans; expresso ibidem altero Cupidine, qui navem quandam in ipsis maris vorticibus ex litore Sesti Abydum versus ad excipiendum Leandrum dirigit, quasi ad illud Ovidii carmen respiciens *Ipse gubernabit residens in puppe Cupido*) Certe merebatur Hero ista æque locum ac Leander, qui quum ab illis vocetur Heros, hæc non minus Heroidis nomen adipisci debuit, vel Ovidio auctore inter Heroidas eam reponente, & restitutam faciem. Et credimus libenter in gemma sic nostram Hero illis conspectam fuisse; sed quam proxime ad nummos illa accedit, quos ad inspiciendum id, quod illi suppresserunt, grate accipi-



mus ab aliis, unde discimus non privatos tantum gemmis, sed & Abydenos³ publica moneta eam honoravisse, habitu exsequentis, ad quod versuti amoris instinctu eam formaverat Leander. Insistit igitur turri suæ, & quod quidem mireris nuda, quum tamen ΕΛΚΕΣΙΠΕΠΛΟC dicatur Musæo, tanquam ignoverint Leandro

Vol. II.

9

fuo

1. Κύπρι φίλη μετά Κύπριν.

2. Πολλὰ δ' ἐκ μελέων Χάριτες ῥίον. οἱ δὲ παλαιοὶ Τρεῖς Χάριτας ψάσαντο περικύμαιας δὲ τῆς Ἥρης Ὀφθαλμὸς γελῶν ἑκατὸν χαρίτεσσιν ἐπέθηκε.

3. Sic toto corpore exstante ex aquis effingentes

illum nummo ætate Severi Alexandri cursu, si fideliter expressus est. Alterum dedit Patinus sub Caracalla pag. 308. et si faciem non præferat, & inscriptio sit rupta & confusa, quam Harduinus facit ΑΛΩΠΙΩΝ.

suo Abydeni, & ipsi nobiles cultu Veneris, manifesto πορνῆς cognomento, ut ex Pamphilo nos docet Athenæus libro XIII. Hi, inquam, Abydeni sic ignoverunt civi suo, quem vicerit tanta corporis venustas, non aliter ac si ipsi quoque illam quotidie videre sic cupivissent. Sed non laternam dextra elevat, ut scribit Faber, quam potius ἄλκνον, ut appellatur Musæo. Verum nec sinistra vacat, quippe & ipsa elevata ferme indicat tacitam & internam ejus latitiam ex accedente jam, certe conspecto Leandro.



C O D R U S
Regum Athenis ultimus

C O D R U S.




UPIO enim gratulari & favere Canino hanc faciem publicanti ex nummo, qui ad notam urbis ac monetæ gerens infixam noctuam, Athenas satis manifeste designare videbatur, ut sustineret credere præstantissimum ita regem ab se conspici. Et certe admodum hanc fidem affirmat, quod quum decernentes hunc fore regum suorum ultimum multiplici honore cives eum & magnifica memoria extulerint, pecuniæ quoque publicæ sanctitate recordationem ejus custodivisse videantur, quum utique vellent Codrum esse nobilissimum quotidiano etiam sermone¹ id asseverantes, non tantum ex hoc facto, quo mortem adeptus est, sed etiam ipso genere. Nam hoc quidem ita exornarunt, ut ad ipsum Deucalionem repeterent, inferentes simul Nestoris fratrem Periclymenum ab Hercule occisum non sine admirabili fabularum jactantia. Sic scilicet magna solatia paternæ mortis circumspiciebantur filiis. Itaque ne diu quidem post & ipsa nobilitate Athenarum jam abolita, dubitavit Leucippe² fastidium suum in Terfandro significatura jungere vel Croesi divitias vel Codri nobilitatem. Præcipue tamen in literas relatus est ob vitam gloriosissime patriæ impensam, quum & illam & omnia regio nomini se debere judicaret; cujus fides ut sine ulla caligine exstaret, signatus publica demonstratione fuit locus ad Ilissum fluvium, ubi Peloponneses Codrum regem occidunt; sic opinor loquente Pausania³, ut significet postero tempore eam rem velut vivam monumentis certis expressam illic exhiberi. Nec potest esse dubium, quin exornata passim statuis ejus fuerit Attica, cujus conservator fuisse agnoscebatur hic Codrus. Ita certe eum appellat meus Cicero, divina scripta illo magno nomine perinde insignire, & quidem frequenti appellatione lætus, ut adeo ex hac congerie omitti non debuerit post Cecropem & Theseum; utinam modo verus! Neque enim sola noctua potest pro idoneo haberi indicio, quum eadem signaverit quoque Olympiæ urbis monetam.

1. Per proverbium Κόδρου δ' ἡγερέστερος.

3. In Atticis pag. 34. Δείκνυται δὲ καὶ ἐνθα Πέλο-

2. Achilles Tatiuss vi. 387. καὶ δὲ καὶ μύλει, εἴτι πορνήσιοι Κόδρον καὶ Μελάου βασιλεύοντα Ἀθηναίων ἐστὶ καὶ Κόδρου δ' ἡγερέστερος, εἴτι Κροίσου πλουσιώτερος. κτείνουσι.



M A R O.



ON audeo ulterius rejicere originem nobilissimæ urbis in Thraciæ maritima parte, ut ponit satis laxè Plinius, quum & alii & Stephanus ¹ Ciconum genti adtribuant, Maroneæ scilicet, quanquam Homeri adhuc ætate velint nonnulli Ismaron appellatam ex Odysseæ decimo, quod vix est necessum; quippe etiam Eustathio notante Ismaron vel Ismaran esse urbem Ciconum prope Maronean. Sed quum Maronis mentionem in urbis ejus appellatione faciant plurimi, sane diversum statuunt & tempore & genere vitæ. Nam ut alii commilitonem ipsius Bacchi tradunt; sic non adeo præcipientes alii describunt Evanthis filium, Oenopionis nepotem, atque ita Bacchi pronepotem, ut ex hoc stemmate, quod probamus, non procul ab hac ætate ² possit dissidere vel urbis exordium vel vita hujus herois. Ejus quidem memoriam & faciem liberali manu Cl. Seguinus indulgit, satis probabili & luculenta moneta, etsi vetustate corrosam & conjecturam difficilem judicet editor. Scilicet ipse pietate erga Bacchum & regionem fuerat insignis; hinc vicissim incolæ istorum locorum honorantes & uvarum, præcipue illarum, unde colligeretur vinum dulce, institutorem memorarunt, & templo coluerunt, Eustathio agnoscente & *ΗΡΩΝ & ΙΕΡΩΝ*. Ita nempe contigit apud illos, ut qui coluere, etiam mox colebantur. Apparet igitur & pulcher, ac omni modo dulcis vultus, ut vina ipsa in eo agnoscas: & *lateri cervina sinistro Vellera dependent*, quo potius sodalem in orgiis posteriori tempore, quam in choro Bacchi comitem intelligas. Itaque idem iste Maro magis ex vivo ac vero spectandus datur in nomismate altero Maronitarum, quod editum est in Goltzii Græcia, sed prorsus non ex fide, si meum adhibeas, (nec enim præstem an conveniat cum illo in Museo sociorum Harduini) quod hic expressum apposui.



¹. Neque enim quum ille scribit *ἐν τῇ ἐν Θρηάκῃ χερσονήσῳ*, ponit in Chersoneso Thracia, ut eum vituperat Vossius ad Melam pag. 129. nec ullus Stephani interpretum ita vertit. Nec Stephanus videtur somniavisse de Thracia Chersoneso, sed voluisse observare aliud in Geographia observari so-


litum, nempe *ἐν τῇ Σαμοθράκῃ νῆσῳ*. Id enim observavit quoque Scylax, id Scymnus Chius, & alii.

². At Vossius ad Melam pag. 132. præfacta per-
vicacia scribit; *Cum Maro tot seculis Homero sit antiquior*. Sic ille affirmare sustinet.

Non enim illa, quæ gestat humero sinistro, paulatim coeunt, ut finguntur in Goltziano, sed diversa eodem spatio manent; nec characteres similes in eo exstant, sed quales cernis. De eo igitur sic notat Nonnius: *ab aversa parte idem Deus nudus, cum botro in dextra, in sinistra Thyrsus cum pelle quadam videtur gestare*, manifesto typorum lapsu, quum voluerit auctor *thyrsos*. Sed quo thyrsos? Simplex Baccho sufficiebat. Nihilominus duo distincta exprimuntur. Sed thyrsi plane non sunt, nec quidquam in superiore parte ad thyrsum accedens: Nec mirum. Sunt enim duo vitiginea virgulta, vel stolones, quorum cultura monstrata produxit eximiam illam uvam quam dextra ostentat hic ipse Maro. Is enim ibi intelligitur celebratus ab Maronitis ob opera illis præstita, quibus favor Bacchi accessit, ut bene provenirent.



PERGAMUS JUNIOR.



UNC quoque post everſa antiqua Pergama poſcit locum Pergami urbis conditor, longe alio & magis juvenili vultu, quam prior. Hic igitur vigenſ ætatis flore Pergamus *ab Canino ex nummo Pergamenorum* ſex literis tantum notato & aliis ignorato deſumptus ab eodem ex Pausaniæ Laconicis & Atticis ſignatur Pyrrhi & Andromachæ inter tres minimus filius, quæ mortuo marito, mox & altero Heleno, in Aſiam circa Teuthraniam cum hoc Pergamo redierit, iſque interfecto Ario dominus regionis ejus factus urbem a ſe cognominaverit; cui alteram gloriæ cauſam præbuit Æſculapius in hac urbe pergulam ſuam medicam conſtituens, quam Lucianus in Icaromenippo *ΙΑΤΡΕΙΟΝ* appellat. Sic traducitur Hecſtorea Andromache per regiones ſimul & viros, ut ne pereat ex fama nomen Pergami, de quo ſic omnia diximus.






ARETHUSA.




N hoc crepusculo veræ historiæ tangi quoque debet antiquitatis narratio, si poetas & fabulosam ei ad-textam venustatem adhiberi & considerari oportebit, non modo annis bella Trojana antecedentibus inferenda, sed vel primis omnino temporibus adsignanda, & ipsi Cereri, ipsi Proserpinæ raptui & Dianæ per Græciam venatibus contigua & æqualis. Hæc

est illa admirabilis vel magnitudine vel alvei non per terras, sed medium mare acti secreto & incognito ductu, vel piscium multitudine scaturigo aquarum in Ortygia insula prope Syracusas, illuc ex Peloponneso deducta per Dianam & Arethusa appellata. Sed non regit nos ista levitas, quam ut inter delicias ingeniorum habere licet, incorruptæ veritati tamen ubique adhærendum est. Liceat poetis tam maturo tempori eam innectere. Liceat aliis plurimis, etiam Marshamo pag. 168. Chronici Canonis eam producere sine ulla notatione temporis, tantum ut jactet opes & possideri ab se nummum tritissimum antiquariis. Certe quum Arethusa passim conjungat sibi Ortygiam, inde colligitur jam Græcum sermonem per colonos Græcos illuc fuisse importatum, utque adeo posset dicere, *Advebor Ortygiam* ¹. Insuper tota fabulationis de aquis ex Peloponneso venientibus fides pendet ab documentis ex urbe Olympia & per ludos Olympicos factis, quando vel turbata fuisse aqua ejus per immolationes densas creditur, vel patera ab Olympionica in Alpheum conjecta ibi emerfisse. Omnia veri temporis indicia. Propterea si nec cum Archia ipso nec post paulo invecta supponi debet; certe non multis ante eum annis illustrare hanc terræ partem antea satis ignobilem & monstris infestam cœpit, & a nobis in hanc seriem redacta. Quum enim placuisset Syracusanis jam ditescens inventum, ad nostram usque notitiam censuerunt venditare in nummis suis faciem puellarem variis modis ornamentisque, in ampla Parutæ copia mirabiliter conspicuis, instructam & præsertim cirris distinctissimis caput circumdatam vel amictam, plerumque etiam delphinis quatuor vel tribus cingentibus, ut videtur, ad naturam aquæ significandam, quæ esset marina ac marinos pisces aleret, nec tamen amitteret dulcedinem: dulcis enim aquæ fontem esse testantur. Cerne igitur istud caput, quod quum alloqueretur Ceres, ipsa Nympha ex alto fonte sustulisse scribitur, *viridesque manu siccata capillos* multa narravisse; cujus frons etsi sit simplex, & ipsa neget formæ famam sibi ullo tempore petitam, digna tamen *quæ possit formosæ nomen habere*.

¹. Ovidius lib. 5. Metam. 640.





ALPHEVS
in Arethusae fontem illabens.

ALPHEUS.




ED nihil actum, nisi audiatur causa fugæ, ut Peloponnesiacam Elin, regionem omnino perjucundam, & Nymphis utique gratissimam, voluerit Arethusa aeri & terris & luci adsueta, non aquis & obscuro fundo, profugere, & Siciliam qualemcunque illam, certe modo Polyphemos efferentem sequi.

Alpheus is est genius fluvii, quem ingressa nuda nymppha ex continenti inflammavit amore sui. Et sicut tunc non modo secutus fuit eam adhuc puellam fugientem per terras, sed & mutatam in amnem per undas marinas; ita sequatur etiamnum Arethusam suam Alpheus, quum & alveus ejus hodieque exstet, & effigies, vel maxime admirabili, sed tamen decente forma, studiis eam imputante Farnesiano palatio¹. Nam & virili vultu eum factum videmus, prout ab Heræensibus fingi solitum scribit doctissimus Ælianus², quem in nummo urbis Olympiæ idcirco etiam Nonnius (falso enim hanc suspensionem sibi tribuit Harduinus) videre se suspicabatur: & ut fabulæ corpoream expressionem stupeas, recta se trajicit & quasi jaculatur per delphinum, piscem maritimum, ut mox dixi, atque adeo maris ænigma, idque ita, ut corpus suum sibi retineat. Patet ergo, quemadmodum veteres intellexerint ac conceperint Alpheum quoque perinde ac Arethusam, Peloponnesiaco litori infusum non se consociare pelago, sed subter maria terrasque depressum in Siciliam mittere alveum, ibique se rursus attollere, ut loquitur antiquitas apud Pomponium Melam: quæ nobis elegantior videtur, quam universus ille petaurus ex Chaldaicis suspensionibus, quas præstigiator Pœnus in illam insulam transmisisse a nonnullis fingitur.

1. In quo videtur aberravisse Caninus, scribens pag. 73. Nel Palazzo di Farnese v'è di bianco marmo scolpito un Delfino, che con dui giri della coda stringe e ravvolge Amore, tenendolo solle-

vato con le piante in alto. Melius jam consideraverant id marmor editores Antiquitatum.

2. Libro 11. Var. hist. cap. 33. *ὅν τις ἀνδρὸς*.





CHRYSAS

genius et fluvius Siciliae.


C R Y S A S .




EQUE vero ex hac insula egredi decet, nisi peregrinis istis & advenis omnibus honore habito pariter memoria indigenæ colatur forsân æque sancto cultu ab vicinia habiti, licet non etiam pari magnificentia, qua Syracusani apud Ortygiam illos conspicuos fecerunt. Tanto etiam justiore indicio parvum hoc numen quondam commemoramus, quanto graviore caligine omnia apud theologos Siculos vel Græcos aliquando narrata nunc premuntur & obscurantur, nulla parte vel causa hodie apud eos residua. Unde videri posset quoque rejiciendus ad tempora, quæ illum celebrare in chartis voluerunt. Sed quum jam nunc is in Sicilia fluat, & si non Assorinis, certe alveo suo apud accolas sit laudatus cultusque, dicatur sane statim **C R Y S A S**. Is enim est, dictus etiam Diodoro & Ciceroni in Verriana quarta, sed ita, ut adspirationem inferant literæ primæ, quod jam multi post Ursinum Orteliūque notaverunt, quum nummus ignoratus Goltzio, & ab primo Paruta publicatus edat nomen ejus **C R Y S A S**, Assorinis hanc acriorem pronuntiationem magis amantibus. In quo patet aberratio Cluverii, quum in nummo **ΧΡΥΣΑΣ** adscriptum nomen Græco caractere sine adspiratione literæ **X** testatur; sicut eadem fide Fazellus scribit eadem numismata caput hominis cum Græcis literis **Assoron** exprimentia reperiri. Et Paruta edidit, & Ursinus citavit Latinis literis **C R Y S A S**, quod quum confirmet nummus, qui modo in manum venit inclito nostro de Wilde, non est, ut in eo hæstemus; eumque idcirco ad-



jeci, ut quantacunque appareat diversitas. Certe etiam in Vibii Sequestri editione Aldina **MDXVIII.** exhibetur *Crysas*, non *Cbrysas*, quod nunc exemplaria recentiora obtinent, ac secure ex iis citat Cluverius. De hoc amnis præside multas fuisse ad reverentiam ac festivam lætitiæ narrationes dubitare non licet, quum tam insignia specimina adeo extollant Assorinorum erga eum pietatem, ut ferme eum pro janitore Cereris Hennæ venerati sint. Neque enim hic Deos agnoscimus, aut templa respicimus.






A C R A G A S .



ic enim quoque jam fluit , ut satis multa docent monumenta , & ab urbis , cui paulo post nomen suum dedit , incolis vel celeberrimam nactus est gloriam , non opum modo coacervatione & magnificentia fabricarum , sed ostentatione quoque statuarum , quibus vultu pueri formosi ¹ eum velut semper decorum (rem ei ætati congruam !) jactaverunt . Et iste quidem vultus sic exhibitus fuit ab Goltzio , ut venustatis augendæ causâ , quod opinor , monili circumdatum gerat collum , unde sceminam spectari putans , suspicabatur esse caput Damaratæ Theronis filiæ , unde Damarateus nummus dictus fuerit , non utique hic ipse , ut nuper immerito aliquis eum insectabatur (sciebat enim optime pretium istius nummi & expressit , nempe quinquaginta litrarum fuisse) sed ut idem quoque caput minori nummorum generi incudi posse crederet , quod solum servatum fuit , quum pretiosius evanuerit . At Parutæ fides rejicit hoc ornamentum qualecunque , certe non tanti habendum , ut ideo sexus mutetur in Acragante ab omnibus Græcis scriptoribus , quos Cluverius alique contulerunt , viriliter considerato , seu fluvium ipsum seu fabulosa de eo cogites ; quod indubitabile reddit ipsorum Agrigentinarum fides & auctoritas Æliano innixa . Multo magis abest , ut Pindari Scholiastes favente Lucina possit procreare heroida isto nomine , quam ex nullo scriptore cognovit aut legit , quum ipse etiam lyricus manifeste ipsam alloquatur urbem , non Urbis præsidem vel Nympham vel Heroida vel Reginam respiciat . Utinam modo aliquid superesset ex antiquis illius urbis tabulis , & audire liceret enarrationes , quas quin habuerint de isto fluvio affatim lepidas , quis dubitet ?

¹ Παιδὶ ὀπαίῳ εἰκασμένῳ, ait Ælianus .





PATRAEVS

Patrenlium urbis in Achaja conditor.

P A T R E U S .




PORTUIT ista qualiacunque huic intervallo adferre, quo nullum opportunius videbatur aperiri, prout dixi, & alioquin liceat has interim delicias quoque sectari. Revertor ad historica Codro annexa, cujus tempore Lacedæmonem tenebat Agis alter ab Eurysthene. In hanc igitur ætatem conferre præclaram istam & per ipsas Sibyllas prædictam memoriam nos jubet Pausanias, qua locus jam olim & diu nobilis prima per Peloponnesum satione frumenti, etiam ipsius Triptolemi vomere venerabilis, nomine Aroe, ab urbe tunc imposita magis cognosci cœpit, Patræque ab conditore appellatæ hanc Achajæ regionem fecerunt illustrem. Hic ille Patreus est, cujus ideo & sepulchrum illic in foro, & in porta illud aperiente simulacrum, novit Pausanias, ut inde constet vel Patrensis populi in conditore pietas, vel custoditæ apud illos frontis ejus veritas. Ea quidem fuit puerilis. Sed non dubitandum, quin posita fuerint plura etiam ætatis robustioris, ad quorum unum cusa fuerit hæc moneta, quam ex Thesauro Palatino libens petii. Quippe nullo prætextu poterat hæc undecima (neque enim intelligo, cur in Thesauro Brandeburgico ex illo stemmate expellatur Areus¹ dicente Pausania, Agenorem patrem Preugenis fuisse filium Arei) suboles Lacedæmonis hinc omitti, ubi poscente ratione temporis, suo ordine locaveramus auctorem generis, cui tanto minus erat hic inficiandus, quod & ipse ejusdem ingenii, maluerit instauranda & amplianda urbe, quam evertenda inclarescere. Sed & alia virtutis documenta ab eo fuisse edita, quorum exstiterit apud Patrenses memo-



ria, declarat averfa ejus nummi pars, quam idcirco apposui.

¹ Αγλῶσις δὲ ὁ πατὴρ τοῦ Πραγμένους Ἀγρεῖος παῖς καὶ τοῦ Ἀμπύκου &c.





H O M E R U S.




ic urbium luminibus quum splendere paulatim inciperent regiones Græcæ , fieri non potuit , quin par nitor simul infunderetur quoque animis incolarum ; in quibus aut ipsa ætate , aut certe ingenii magnitudine excelluit HOMERUS . In hoc quum & mens ad cogitandum se accingens stupeat , & verba ullam partem æquantia tantum decus non succedant ; atque etiam omnia , quæ de eo a nobis dici possunt , ab aliis jam sint pleno modio profusa , satis erit a nobis tangi sola hæc monumenta ejus , quæ colligo . Quorum primam tabulam , vides impleri ab sacro & venerabili capite poetæ , sed quem consensu omnium consciscente esse regem poetarum , etiam artifex voluit apparere diadematum , perinde ut in sequentis tabulæ imagine & nummo Antonini . Nam quod in nummo Amastrianorum quoque talem eum exhibeat Bellorius , error est , si fides habeatur Ursini primæ editioni . Accedit vultus sanequam exercitatus , & multitudine rugarum altitudinem continuæ meditationis declarans ; interim æquitate & universo tractu sane etiam venustus , coma quidem & barba prorsus ad gratiam crispa reverendus . Itaque hic robustus etiamnum & vigeus supponatur junctissima cum Musis habere concilia , & deditus esse divino vel Iliados vel Odysseæ operi . Sed ne prorsus hæc prima admiratio unici poetæ abiisse sine conspectu nostro videatur , judicavi faciem muliebrem huic annexendam , quam ex Canino huc transtuli . Existimat bonus ille vir , quum in ipsa scul-



ptura existent literæ KP , & quia in sermone Italico interdum subtrahi potest adspiratio ; hinc quam Polyænus appellat *χρῆταμην* , eam hic videri posse cœlatam . Hinc posuit illic narratiunculam Polyæni Italice versam , & quod Græci nomen per *χρ* inchoabant , pro eodem habitum putat , ac si per *KP* scribere nobis liceret . Nihil quidem illo jocosius aut levius . Itaque considerans hanc faciem cum parergis , quæ partim in postica literis *KP* constant , partim ante pectus crescente velut lauri ramo , dubitare incepti an non esset ipsa Critheis , *κρίθις* , divini Homeri mater , & nonnullis Nympha appellata , & singulari casu faciens eum

Melefigenam , ut & matris ingenium non rude ad has optimas artes fuisse videatur , & ex matre istam fecundam venam traxerit , quam tangit quoque Allatius de patria Homeri cap. XII.



HOMERVS

Smyrna, Rhodus, Colophon, Salamis, Chios, Argos, Athenæ.
Orbis de patria certat Homereia.
Apud Carduacum, Paphlagoniam.

HOMERUS.



CCEDO ad secundam, quam vides me petiisse ex designatione Fulvii Ursini, qui Hermen istum literatum & capite truncatum, & paulo antea ab Achille Statio editum cum Herma Menandri, primus junxit non incommode cum imagine Homeri integra poplitum tenus. Unde non intelligo, qua fide prodat Allatius de patria Homeri pag. 25. Gerartum Fal-

kemburgium esse, qui notis in Nonnum primus publica verit medios ejus versus. Scripsit hic, ut apparet ex epistola ad Sambucum, anni 1569. mense secundo. Achilles Statius præfatur ad Perrenottum anni 1568. mense octavo. Itaque licet tunc Antverpiæ scriberet Falkemburgius, quasi sciat, illa tunc nondum a quoquam publicata; sane eo ipso tempore & antea jam æri incisa erant Romæ, utique eodem tempore publicata. Quin etiam Ursinus oram supremam & imam ornavit ex re nummaria & gemma quinque Homeri vultibus, ex quibus nescio cur duos tantum in suprema tabella retinuerit Ursini imitator Bellorius ita, ut primi capitis lineamenta infandum in modum sint detorta, & nihil Homerikum retinuerint. Neque enim Homero tale tuber inter superciliorum confinia super nasum tribuitur ab ullo monumento, quo tamen insignem eum fieri vides, ut potius Daci alicujus persona videatur; utique, quod jam dixi, nec diadema illud agnoscitur ab Ursino, etsi norim Chifletiano nuper cælo restitutum, cuius fidei arbiter non sedeo. Integram tamen tabulam Bellorio ob certas causas reliqui. Sed ut nihil hinc abesset, simul relatam veram ex Ursino faciem nummi, cui Meles a tergo ponitur, & tria illa, quæ is




omisit, item Ursiniana, hic apposui, addito quarto ex specimine Morelliano tab. XXI r. Simul refero vultum poetæ ab Leon. Augustino editum, alterumque quem Casp. Gevartius Romæ quondam designa-

vit ex Urfini nomismate æreo; denique tertium sedentis habitu ab Leone Allatio productum, nuper & ex Thesauro Palatino; quos in fine annexui, utpote non manuum ac graphiorum decora, sed Homerum quærens. Unde nec attingo id, quod in imo Smyrnenſi, prima sedentis imago manu dextra tenet, alio calamum vel palmam (quippe & figuram longe aliam præſtant) interpretante, Bellorio ramum vel acroterium. Patavinum enim Homerum in theſauro Geneſeyæ Pariſinæ reconditum hinc abigo, quum nec ipſe nec interpres ejus quidquam huc conducant. Vera aut ſaltem ab antiquis data vultus Homericæ lineamenta petimus, quæ quam maxime ſpectabilia in majore iſta ſtatua, exprimente eum jam graviorem annis, ac curis aliquo modo extenuatum & exeuſum fatente; unde ſi tu, ſpectator, conceperis, quas ille & reliqui poetæ Muſas ac Deas appellaverint, teque ad iſtud exemplar exegeris, omnino ſatis ſuperque profeceris, eriſque aliquando ΑΥΤΟΔΙΔΑΚΤΟΣ, vel ΜΟΥΣΟΠΑΤΑΚΤΟΣ. Sed audiamus Urſinum; ita Fabro carere poſſumus. „Homerus quibus parentibus ortus, quibusve temporibus floruerit, incertum eſt: variant enim inter ſe Græci ſcriptores, qui hæc curioſius conquiſierunt; nec in tanta opinio- num varietate, quid potiſſimum ſequamur habemus. De patria quæque inter nobiliſſimas Græciæ civitates contentio fuit. Chios igitur, qui Homerum civem eſſe ſuum dicerent, ejus imaginem ſuis nomif- matibus impreſſiſſe tradit Ariſtoteles lib. 11. Rhetor. & Julius Pol- lux lib. x. Smyrnæos autem, quod prope Meletem Smyrnæ fluvium natum eſſe confirmarent, non modo nomifmata Homeri imagine ſi- gnafſe, ſed delubrum etiam ejus, Homerium dictum, in oppido dedi- caſiſſe ſcribit Cicero in oratione pro Archia poeta, & Strabo lib. xi. Itaque Amaſtrianorum in Ponto civitas, Smyrnæorum, ut o- pinor, colonia, non aliam ob cauſam in altera nomifmatis parte Me- letem ipſum fluvium impreſſit. Pauſanias in Phocicis ſcribit, pro fo- ribus templi Apollinis Delphici fuiſſe Homeri ſtatuum æream, ſu- perimpoſitam columnæ, in qua inciuſum eſſet Apollinis reſponſum, quod ipſi Poetæ, de patria ſua ſciſcitanti, editum narraretur. atque hic idem ſcriptor in rerum Eliacarum lib. 1. Homeri ſtatuae, in Jovis Olympici templo poſitæ, meminit. Ipſam autem Homeri imaginem fictam fuiſſe ab antiquis ſcribit Plin. lib. xxxv. c. 11. Aſinius quoque Pollio, cum in Bibliotheca illa nobili, quam de manubiis Romæ primus aperuit, ſcriptorum imagines collocaveſſet, Homeri, quod ve- ram non haberet, fictam poſuiſſe dicitur. Itaque Ælianum in villæ ſuæ Bibliotheca, quam via Oſtienſi Romæ ſtruxerat, hujusmodi quandam Homeri imaginem collocaveſſe credendum eſt. quem nos Ælianum eum eſſe exiſtimamus, cujus de animalibus, & varia hiſto- ria Græce ſcripti extant libri. Ejus autem Græca de Homero epi- grammata ita in Latinum convertit Laurentius Gambara Brixianus.

*Hoc multa ſimulacrum, hoſpes, quod conſpicias arte
Cælatum, eſt tanti Mæoni effigies.
His lumen Muſarum ingens, cuiusq; orbis Homerus
H. oum ceciniſſe, cælicolæque genus.
Claraque Graiægenum celebraviſſe juſſa; ſuoque
Carminē lux illis ille ſecunda fuit.
Quod natale ſolum fuerit mihi, quique parentem,
Æliane, baud cecini, nunc tibi vera cœnam.*

*Ipſe mihi patria eſt orbis; ſed ditor Homerus:
Quodque cano, diſſat Calliopeja mihi.
Quo paſſo te immortalē fecere Camanæ,
Fœmina ſi in lucem te dedit æthercam?
Simmortalis eras, curnom divine Poeta
Inter mortales te poſuere homines?
Verum ego nunc novi: partim te maximus orbis
Eſſe hominem, partim te putat eſſe Deum.*





H O M E R U S.



TERTIAM prorsus mihi vindico . Nam quum nummus hac moneta venisset in opes Goltzii , Nonnius Jovem cogitavit puræ hastæ innixum , ita tamen ut negaret facilem explicatu esse . Sed mox Harduinus nihil ab suspitione intactum ralinquens scribit ; *Apollo radiatus , & Jupiter , Herculesve aut Neptunus , vel Æsculapius potius cum baculo , arâ inter utrumque Deum posita ; id quod Deos esse illos præfides custodesque insula argumento est .* Sic universum fere istud cælum in hunc unum nummum devocatur , sed per inconditas modo suspiciones . At nuper diligentius inspecta hæc moneta videbatur Heroem Benevolum ostentare , cujus fabulam in Chio narravit Nymphodorus Syracusanus apud Athenæum lib. vi. pag. 265. Sed certe non ubi quis credit oraculo , propterea Apollini junctam statuam meretur ; nec quia per somnum creditur apparuisse & ferorum machinationes detexisse , hinc eosdem Deo fâtidico honores meritis supponi debet . Nam id quidem sæpe in historia veteri contigisse legimus ; certe nec Jovi solennia instituta sunt , quod apparuit in somno T. Atinio , sed ludi semel instaurati . Etiam oraculum id potuit Chiis contigisse ab alio numine , ut nihil isti qui suum peculiare heroum modo habuisse dicitur , sit cum Apolline . Unde ipse quum delectarer usu Goltzii insularum , non dubitavi statim in eo conspici Homerum , positum Apollini ad latus & ad communem aram , ut qui ad eam sacris operaretur , utrumque pari honore mactaret . Hanc conjecturam justissime subjicit mos veterum continuus in honorando alicujus merito . Neque enim aliunde venit in mentem Romanis , ut medico Antonio Musæ , cujus opera ex ancipiti morbo convalescerat Augustus , statuam ære collato juxta signum Æsculapii statuerint , apud Suetonium cap. 59. Hinc Sabinam Deabus interpositam , hinc Pertinacem Herculi & ipsum in Hercule adjunctum apud Tristandum videmus . Hanc interpretationem quoque vel ipsum caput , prout expressit Goltzius , docuerit , perinde densissima coma obsitum , perinde pingui admodum barba vestitum . Et sane hanc Homeri majestatem , qua cum ipso Apolline comparatus fuit , plane mirari nos non decet , quum non aliud fecisse Argivos , qui solenne sacrificium parantes advocabant velut hospites Apollinem & Homerum , scribat Ælianus 9. Var. 15. ille ipse , cujus mentio creditur ab Ursino facta in versibus Hermæ Ho-

Vol. II.


20

me-

merici . Caterum ut ubicunque Homerus ac majestas ei ab Græcis nostris merito adscripta conspici potest, vel me vel alio monstrante cernatur, adferendum huc cenſeo nummum itidem Goltzianum (& cui non plane dispar editur in Theſauro Pa-



latino pag. 241.) ab Naxiis cuſum cum ſimili Herma ; quem ignorantibus aliis, nonnulli volunt libidinis indicem eſſe . Sane non ſic ſtatuerunt antiqui philoſophos caſtosque Muſarum cultores ita venerari ſoliti . Immo eſt memoria noſtri grandis Homeri, tum alia ad ejus reverentiam indicans, tum ſepulturæ monumentum, unde Martianus Capella libro vi. Naxon dixit Homeri ſepulchro venerandam . De bibace ſene nunc loqui tempus non videtur . Haſta quidem illum non minus ornate in hoc habitu conſecrat auguſtumque facit, quam eadem illi jam conſecrato additur in marmore Columnenſi, ad quod nunc aggregior .



HOMERUS.



H vero quum & hic & ubique conspici mereatur, tum in explicationem sui impendēt facile libros & vel uberrima commentaria. Sed ne ab instituto discedam, brevibus omnia peragam. Est enim in hoc marmore duplex Homeri thronismus; qui sic conficitur, ut non modo sit augustus in sede illa, ubi partes eruditionis versantur, sed etiam culmine montis receptus Musas se ipso inferiores videat. Ibi igitur sedet non in templo, ut dixere aliqui, sed inter velaria Homerus dextra volumen, sinistra hastam tenens, coronatus ab imagine Terræ, ut ubique coronatus & coronandus significetur; adstante alato Tempore & duo volumina ostentante, propter quæ ipsa coronam accipit; stipantibus latera ejus Iliade gladium in vagina ferente, item Odyssea aplustre elevante, quæ emblemata ultro se satis explicant. Quin etiam hæ patri non ut filiæ adfident, sed confirmant sellam ejus & fulcrum; idque ad reverentiam insidentis ingeniculatæ. Mures scabello appositi sunt, quos aliquid arrodere non video, nec in hoc sacro loco vel actu locus invidiæ. Quod si Batrachomyomachia innueretur, cur ranæ quoque non conspiciuntur? Subest aliud: & sive mures sunt, sive glires, per eos licet colligere captam Trojam præbuisse occasionem divinis illis operibus: ad quam explicationem faciunt, quæ viri docti protulerunt de Smintho & Apolline Smintheo. Sequitur Ara, cui tamen antestat fabularum Genius *ΜΥΘΟΣ* tanquam camillus, ferme cinctu & habitu Gabino, respiciens & rogans Homerum, ut horam adolendi dicteret, liquorem adfusurus. Adstat & Historia sacrificantium prima libans aliquid thuris, solo pollice & indice digito tenens; utpote primas in utroque opere partes possidens. Adstat etiam bos, ut videtur, dictus *ΚΑΜΗΑΙΤΗΣ*, si audire placet Suidam, a quo nec abludit Aristophanis *ΙΤΑΙΑΤΞΗΝ*, etsi non de bove; vel ipsi vel Musis sacrificandus ex ritu Pythagoræ apud Ciceronem 3. Nat. D. 36. Sequitur Poesis duas faces elevans ita, ut ultra velum flamma promineat vel ad solennitatem sacrificii, vel ut extra stantibus scintilla aliqua hujus sacri, quod in operto vatum est, alluceat. Sequuntur Tragœdia & Comœdia, dextram promittentes vel in agnoscenda divinitate Homeri; vel in faciendis jam votis ad statuam & aram ejus, ut in utroque multa exempla præbentur in nummis antiquis, ut ita manu & voce venerentur, prout loquitur Suetonius Claudio cap. 12. qui sic explicandus. Verum Tragœdia altior, quam Comœdia; etiam Tragœdia habitu virili, quum ista mulieris, quod præclare explicat Lucianus in Saltatione. Sed & manifeste Comœdia in exomide, ut vocat Festus. Sequitur Natura averſa & pueri

ruli in formam lascivientis & ex quatuor adstantibus puellis proximam aut monstrantis aut arripientis, quæ & omnes pulchræ & sibi pariter similes dissimilesque, ut in eis ita ostendat hoc habitu suo naturam artificiose ambulantem, ut ait Cicero lib. i. i. Nat. Deor. cap. xi. Harum prior & eminentior est Virtus, ad similem consensum atque etiam præ admiratione, quum ubique se mirabiliter servatam ab poeta sciat, manum tollens; illamque in eadem serie sequitur Memoria, quidquid adest, tacite tranquilleque adspiciens, & quidquid fit, in capitis reposito abdens seque vel maxime viguisse in heroe isto conscia. Ante istas duas ratione tabulæ ac cælaturæ sic exigente, postremam velut portionem hujus thiasii faciunt Fides, digito attingens labia, ut multi sic occurrunt, brachioque sinistro, cujus manu etiam tenet volumen, fidei velut tabulas complexum, circumdat cervicem Sapientiæ, etiam ut Virtus velatæ, atque adeo junctæ se invicem confirmant continentque, quum etiam Sapientia tenere videatur volumen sinistra, dextra superiori pectori sic admota, ut mentum fere illi innitatur; ita scilicet re apud Homerum constituta, ut fidem maximam & Trojanis & vetustioribus rebus præbuerit, sed sapientiæ suæ, quæ & ipsa maxima fuit, innixam; quæ quidem omnia vocabula quantopere pertineant ad Homerum, patet ex una illa Maximi Tyrii dissertatione, quæ quidem est præstantissima ac numero sexta & decima. Hæ igitur omnes longo ordine majestatem Homericam testantes, solenne festum ejus comitantur, cantantque,

ES NUMEN, ET TE MUNDUS ÆTERNUS TENET.

Hæc ita quum inferius in communi Græciæ eruditione agantur, majora in sublimiori parte apparebunt. Primo enim illic, quum Homerus non contentus Græcis etiam satiari voluerit doctrinis Ægyptiorum, occurrit Ægyptius, quem doctorem suum celebravit Homerus; unde ibi in basi statutus conspicitur, ab tergo & superne appositam sibi habens literam Ægyptiam, de qua multi egerunt. Ab eo progrediens Homerus juvenis (eum enim esse colligas facile ex hoc juvenili & accubante altius senili vultu, convenientissimo utroque) cum carminum volumine venit in Nympharum antrum, in cujus ingressu dedicata est cithara vel lyra, egregie & ex prisco ritu, ut constat & de Syringe narratur ab Achill. Tat. vii. 475. ¹ vel quasi sacra, perinde ut Apollinem dicunt in antro Bacchi citharam cum tibiis dedicavisse teste Diod. Sicul. i. 59. ² vel ex communi more, quum ab paxillis suspensas fuisse citharas, ut prompte possent arripere, aut quod instar donarii in aliquo ædium loco dedicarent, scribat Scholiastes Pindari pag. 12. ad oden 1. ³ Ibi præter arcum & pharetram est & pileum

1. Ανάκειται δὲ σύριγξ, ὀλίγον ἔνδον τῆς σπηλαίας θυρῶν.


2. Τοὶ Ἀπόλλωνά φασιν εἰς τὸ ἀντρον τῆς Διονύσου πύλῃς κίθάρην καὶ πῶς αὐτῆς ἀναθέενται.


3. ἐπὶ παλαιῶν ἔκειντο αἱ κίθάραι καὶ τὸ ἐπίμυς εἶναι εἰς τὸ ἀναλαβεῖν, ὥστε ὡς ἀνάθημα εἶναι τοῦ πατρὸς οἴκου ἀνάκειται.

leum & zona , non aliter quam Cato dicebat Polybium sicut Ulyssen velle rursus in Cyclopi antrum ingredi , oblitum illic & pilei & zonæ ¹ . Adstat fœmina manu dextra volumen tenens , sinistra pollice fides citharæ pulsans , quæ non potest alia esse , quam fœmina vetusti temporis erudita , ex cujus scrinio supponitur didicisse non pauca Homerus , sive illa sit Daphne aut Sibylla Tiresiæ filia , teste Diodoro Siculo iv. 68. sive Helene aut phantasia , quas collegit Allatius de patria civis sui cap. iv. Unde satis patet constituisse inter veteres fœminæ adjutorio usum fuisse Homerum . Ille igitur sic formatus denique tendit ad Mufas , & per singulas vadens , salutata per ordinem Calliope , Urania , Terpsichore , Erato , Melpomene , Thalia , Euterpe , Polyhymnia , Clio , ita denique nondum cælo , (id enim Diis datum , & Claudius jubebatur cælo intra dies xxx. excedere , Olympo intra diem tertium apud Senecam , unde hæc ΑΦΙΕΡΩΣΙΣ quoque dicenda potius ex nummo Cari , quam ΑΠΟΘΕΩΣΙΣ) sed insidet Olympo , diadematus , involutus limo , hastam quoque tenens pro divinitate , quam in illo adspicientes urbes posuerat circa statuam ejus sedentis Ptolemæus Philopator apud Ælianum 13. Var. 22. Ita per Mufas progressus est ad istud culmen , quod suspicerent

— *Heliconiadum comites , quorum unus Homerus
Sceptra potitus , eadem aliis sopitus quiete est .*

1. Τὸν Πολύβιον , ὡς περ τὸν Οδυσσεύα βάλει· θείν , τὸ πῖλιν ἐκεῖ καὶ τὴν ζώνην ἐπιλεῖν·
οὐαὶ πάλιν εἰς τὸ τοῦ Κύκλωπος σπήλαιον εἰσελθόντων .





H E S I O D V S

Musarum Sacerdos, quem in Georgicis Virgilius est imitatus.

Apud Fulvium Ursinum in marmore.

H E S I O D U S .




ic igitur notus Homerus; nec minus bona nota tamen etiam Hesiodus, quocunque ille temporis discrimine (neque enim meum est in digitos mittere annos, quos inter utrumque elapsos non tenui varietate ab aucto-ribus poni legimus) utique ex omnium arbitrio gloria illi vicinus. In quo ante omnia agnoscere debe-
mus, quod scribit Plutarchus in Numa, fuisse ali-

quem honorem huic ab dæmonio tributum post mortem ob carmina vel intercessione Musarum. Unde est, ut licet militari viro potuerit videri Helotum poeta, quum Homerus Lacedæmoniorum esset; tamen tanta temporis intervalla nec ingenium ejus ex memoria, nec versiculos ex usu etiam præstantissimorum hominum deleverint. In utroque placuit illa infinita dulcedinis indoles. Hinc illa tam commen- data tranquillitas faciei. Sed quanto magis composita & emollita stu- diis mens ita in ipso carmine mirabiliter mitigato patefieri voluit? Nempe apud Hesiodum ista divisio meditationum, ut separatim mo- res, Deos, origines, aliaque tractaret, quæ Homerus fervidior omnia potuit conjungere, ut animadvertit Maximus Tyrius. Itaque & unus forsan est, qui vel Cumæum vel Ascraeum carmen eo usque potuit at- tollere. Nec mirum, quum etiam ab eo solo inter omnes cives potue- rit laurus comedi. Unde etiam contigit, ut in Deorum cœna dicantur Musæ surgentes cecinisse ante omnia aliquid Theogoniæ Hesiodeæ, ut scribit Lucianus, etsi contumeliose ridiculus, sic tamen etiam verus. Scilicet in templo ipsis sacro, quod sæpe visebant pro majestate sua, versus non alios nisi solos Hesiodeos, teste Pausania, amabant. Quid mirum igitur, si non modo meritis, ut in locis publicis conservaretur vultus ejus per statuas & clypeos, sed etiam ab privatis omni favore ac laude coleretur, etiamnum superstes sit gemmis incisus ac hermis, de



quo genere tres Hesiodi vel faciem vel nomen referentes, ad nostram

ætatem incolumes hic exponentur , prout eas collegerunt viri
hac de causa laudandi , quorum ingeniis quoque laudem hujus
poetæ committo ac proprio cujusque experimento.



DIDO

Caethaginis Genetrix.

D I D O.



EC est illa magna imago, quam quod Tyrii quantum in ipsis fuit, non sint passi omni ex parte sub terras ire, sed vel pulcherrimi monumenti conspectu adfervarint, gratulari fas est. Hoc enim beneficio etiam post rogum licet intueri Didonem, non fruentem regno, nec otio deditam, sed instantem attendentemque ingenti operi, quo fabrorum pars portæ molem ac minas cælo educit, altera fossam ferit. Illa non credens alterius manibus oculisve ipsa præsens superstesque præter sceptrum quoque periticam, ut videtur (scipionem appellat *Vaillantius*, unde hæc area petita est) vel mensuram ad dimetienda opera adhiberi solitam manu tractare non dubitat, ut virilis animi sceminam exegisse acerbe, quid susceptores locandorum mœnium facerent, scias. Unde solam quoque illam sic statuerunt nullo adjutore succinctam. Etiam quo pateat unde venerit, apposita est concha, Tyrii muricis perpetua ostentatio. Itaque licet ignaro & invito fratre fugerit ex Tyro, & lauta divitiarum parte patriam simul fraudaverit; denique tamen agnita est Didonis magnanimitas, & tum vigens etiamnum Tyrus permisit ab Carthagine Herculi suo decimas ferri, ad cognationis suæ jura eam pertinere judicans, tum postea jugo multiplici deposito, sub Cæsaribus memoriam nobilissimæ migrationis varie extulit, ut ex sex disparibus ac diversis modo ob additas literas, modo ob figuras monetis apparet. In quibus & migrantem vario modo cernimus, & mox senatorum præparata agmina velut signum ab ipsa accipientia ex prætoria navi; mox etiam leges ponentem novo in Africa constituto senatui, sed non togato; apparet denique spectaculo exposita Herois inter illam Syriacam concham & navem, attingens ostentansque ramos palmæ, quasi



hanc ipsa secum ex Syria evectam Africæ intulerit, æque ut nomen
Vol. II. 23 patris

patris Mutgo, quod petatum ex antiquioribus inter Latinos servavit Trogius & inde Justinus sagacissime in eo restitutus. Cujus veritas ut affirmetur, sicut olim Bongarsius testatus fuit adesse sibi codicem, in quo corrupte *rex multo Tyro*, unde alii segnes librarii totam vocem omittere maluerunt, legebatur; sic hodieque in vetustissima membrana Medicea legitur, quod ab illa communi codicum tribu, unde vulgo turbatur iste scriptor, non corrigitur, expectari nequit. Quippe exinde infedit Africa ista appellatio, ita ut Maximus Madauri testetur memoriam coli *Mygdonis* vel *Migginis*, ut quidem citant viri docti, quum verum sit *Mygdonis*. Neque dubito id ipsum nomen restitui debere in Jamblico de vita Pythagoræ cap. 27. ubi citatur ΜΙΑΤΙΑΔΗΣ Ο ΚΑΡΧΑΟΝΙΟΣ. Id enim ipsum fuit ΜΥΤΤΙΑΔΗΣ. Et hæc igitur laudatissima scæmina, & si venia datur, Mytgias, ut sero etiam tempore ad eos quos deseruerat conciliata fuit, sic propagatam in hos usque annos sui mentionem hanc habeat.



C A R A N U S.



hoc istud illustre etiam sæculum est, cui contigisse legimus exordia & prima incrementa gloriæ, quam sibi acquisivit ista ignobilis & inter vicinos barbaros admodum coarctatæ exiguitatis regio, ut ego opinor, olim Cetia appellata. Sed quæ coalescentibus paulatim gentibus & robore virtutis aucta, Græciæ tam semper liberæ, mox & universæ Asiæ antehac nonnisi suos reges expertæ, servitutem injunxit. Ad eam rem testatur historia satis placuisse Caranum ex Herculis posteritate; qui Argis atque ita capite & præcipuo Græciæ loco egreslus, & hinc quoque Græci sermonis plura secum vestigia importans, illam syllabam MA, sæpius ita principio vocum apud Græcos præpositam, nomini quod illic reperiebat præmittens, Macedoniam emisit. Neque enim ambigere licet de illa istius appellationis vetustate, cujus pignora omnino prævalida in monumentis veteribus colligimus. Hujus igitur Carani vultum in hoc nummo, quem solerti felicitati & munificentiæ Clarissimi Amici mei Jacobi de Wilde inscribimus, spectari mihi imaginor. Ipsa faciei simplicitas & lineamenta nihil Apollineum præferentia, ipsi comarum cinni circa cervicem aliquid bona fide vetustum indicantes, huc me trahunt; ac præsertim aversa nummi moneta, quam



vides, caput collumque capræ tantum non frænata ostentans, certissima adfirmatione memoriam Carani frontemque demonstrat. Is enim sicut capras secutus ex oraculo, urbem Ædesiam ab hac memoria Ægeas appellavit; sic religiose postea observavisse dicitur, quocunque agmen moveret, ante signa vel easdem vel ex eis prognatas capras habere, ut has regni auctores etiam deinde omnium cœptorum veneraretur duces. Nec ejus superstitionis lex cum Carano videtur defecisse, sed continue potius stirpem ex illis aluisse, non utique quo præirent agmen, prout sub Carano, sed ut capras has alerent liberas & feriatas seu fortunæ seu memoriæ hujus originis. Huc enim deducere nos videtur nummus Goltzianus Philippi, in quo sic caprarium pecus resedisse, ut loquitur Solinus,

linus , ideoque hic appositum cernimus , non utique sub Carano , sed ad ostentationem simul religionis ac magnificentiae Philippi , isto adhuc tempore ut bene meritas capras in latis ac securis pascuis nutrientis . Is igitur Caranus est , qui magnam multitudinem Græcorum ut Justinus , Peloponnesiacam , ut Solinus , circumducens denique huc delatus , primus vestigia Græci moris ac linguæ invexit , quum antea quidquid observarent , potius derivatum esset ex continenti propagatione majorum , qui ex Asia in eum tractum confluxerant . Talis quum fuerit Caranus , nihil mirum , si dictus quoque fuerit αρχαῖος , quo nomine appellatur ab Dione Chrysostomo & ab Higino fab. 119 observante Valesio ad Peiresciana Excerpta , is ipse , in quem narratio Carani & caprarum ab eis confertur ; ut non tam pugna & contrarietas ex fabulando , quam ex attributo cognomine descriptio ejusdem hominis esse videatur .



FAVSTVLVS
Romuli et Remi educator.

F A U S T U L U S .




ic igitur posita imperiis futuris origine, & Africa quidem nitorem afferente Tyria amicitia, rursus Græciam poliente hinc Carani transitu, inde Lycurgi per idem tempus legislatione, omnibusque incipientibus eniti in aliquod decus; nobilius quid peragendum majusque destinabatur Italiæ prope diem circa Tiberim visuræ novam urbem priores

omnes non modo laude superaturam, sed & subacturam imperio. Cujus auctorem Romulum quum fabulatio jactet ab hoc Albani Regis pastorem Faustulo servatum & educatum fuisse, operam illi quoque navare non erit indecorum. Nec obstare illi debet vilitas generis aut muneris, quum jam adscitus sit Endymion pari vitam campestrem studio sectari narratus. Neque tamen omnes expostiti utique ab pastoribus reperiuntur; potestque sufficere exemplo & notabilitati casus illius unus Mithradates conservato Cyro non diu post hanc ætatem. Nihilominus in historia Romuli quum ita famam habeat hic senex, ne ei invidemus, vel duntaxat ut narrationi communi satisfaciat, qua geminos ille animadvertit sub lupa nutrice stratos. Itaque hoc Faustulo rem literariam donatam locupletatamque ab Museo Romano ex gemma Barberini Theauri libentes didicimus & huc transtulimus. Sed dum bene considero, permultum ambigo an vel rite spectatus sit vel appellationem acceperit. Neque enim aut convenire huic homini videtur pendula & laxa vestis, qualemcunque eam vocare placet; aut ab Romanis fuit attributa, siquidem vere mentem urbis Romæ, indubitabili nummorum fide ad posteros proditam, inspicere oportere censebimus, quod omnino fas est. *Istic* igitur quum liquide conspi-



cuus ille sit, locus ei attribui hic debuit tanto magis, quod nescio cur & Ursini Romana Familiarum Romanarum editio & Patini Parisina eum exhibeant similiter aperto capite, quum manifestissimum sit in nummo pileum. Non tamen ut obumbraret totam ejus frontem aut collo velut torto eam penitus averteret, prout ediderunt in Nummis Croyanis, & ex illis petiverunt temere admodum alii; sed clare satis exstaret, prout in hoc exem-

plo cernis . Rursus superior corporis pars omnino nuda , inferior
sola subligaculo , ut credere oportet , pelliceo ex more pastorum
velata . Talem Roma novit hunc Fostlum , quem historici tamen
consensu in literas contulerunt Faustulum , varietate magna , at-
tamen vix probabili . Sed nunc spectare Faustulum Romuli &
Remi in historia custodem sufficiat .



ROMULUS.




UM inter commissos modo ludos Olympiacos, cursu suo ordinem & numerum tempori daturus, loquimur fundatores urbium & imperium, debuit intervenire pastoria humilitas, quum narrationum delicæ res futuras longe amplissimas tam sordidis adjumentis & initiis infuscent ac deprimant. Verum non qui ex fluviis servati dicuntur, utique in iis submergendi periculum sustinuerunt. Nihilominus macæ laude ista Faustus! Verum mentio illius fieri nequivit, quin eam statim sequerentur infantis, quem ab illo nutritum tenuit fama (neque enim de eo ulterius adseverare sustinet Livius) & fata, quæ jam prima in ætate peragi cœperunt, & vultus magnificentiam in eo celebratam præferens. Hunc Romulum nobis dictitat natio scriptorum. Neque enim Græcas antiquitates ita persequendi ratio est, ut Italicas inde exigeremus; sed ut quidquid Græcæ artis auxilio ad nos venit, conferremus. Hunc igitur Romulum post argenteam monetam introductam spectare potuerunt Romani in statua Capitolina togata, uti testatur Asconius, non etiam tunicata. Unde quum postea per Memmios sit elegantissimo nomismate excusus, placuit tanto attentius ei simulando operam dare, quanto licentius ab vera ejus facie deviarunt hodiernæ chartæ. Perperam cælatores nummorum Croyanorum auctis in immensum laureæ foliis, cirros barbæ ab mento & aure dependentes demum infra os incipiunt; perperam frontis supra nasum exstans tuber affingunt, & hinc editio posterior Flori. Ab his quum caverit Fulvius Ursinus in Familiis Romanis, quatuor aut summum quinque paria foliorum modo exhibens; Gallæus in Antverpiana editione Illustrium Imaginum non cavet immensa licentia istud sertum jactans, etiam initia lanuginis dependentis ordine recto, qui ori respondet, concipiens. Patinus multiplicatis male foliorum paribus ad septena, tres lanuginis intortæ cirros recte altius extollens tres ori exæquat; sed non frontem, non oculos, non nasum cura debita dignatus fuit; atque omnes sive gratiam, sive indolis acumen & lætum decus monstrantem venustatem, sive majestatem quoque perdunt; ne dicam Chinenfi & ingrato tractu setas barbæ demittentem Flori editionem. Sed & Torrentium in notis ad Suetonii Domitianum cap. 10. dum voluit accuratus esse, ut est in multis, omnino artificis frustrata fuit manus, tranquilli segnisque ingenii notis refertum vultum cælans. Nec ab hoc fuco immunis est dissertationum ad Juliani Cæsares pagina xiv. ne de aliis dicam, quinque tantum in barba spiras agnoscens, & tempora inter oculi canthum ac crines hiantem immensum spatium aperiens. Aliter illum

vidit Roma in funere Drusi, quod imaginum pompa illustre præter Ænean etiam conditorem urbis Romulum spectandum dedisse testatur Tacitus lib. iv. annal. cap. 9. Aliter unicus ille Memmianus nummus, quem exhibere exactissime conatus fui, cujus certe supremam partem pro vera firmat Plutarchus ¹, dum Romulo & lauro redimitum caput tribuit & comatum. In isto igitur vultus hujus apparatu plane persevero testorque contemplari quædam Ægyptiaca, partim Syriaca, & perspicacissimæ mentis ostentantisque magnificentiæ, tum ardentis vehementiæ in suscipiendis ac perficiendis rebus indicia, quæ miror cur Sponius maluerit in illis pestiferis humanæ libertatis oppressoribus, Cæsaribus Romanis spectare, quam in singularibus Dei donis, in quibus vel eximie præstare hunc Romulum censeo. Nam ubi Romulus togatus fuerit spectatus Matthiæ Freder. Beckio in monumentis Judaicis fatenti Romulum alias togatum conspici, nullus intelligo.

1. Δάφνη δὲ ἐπέβατο τῷ κεφαλῇ κομῶσαν.





AMPHINOMVS et ANAPIS
Pii fratres

AMPHINOMUS ET ANAPIAS.



AM occupabatur Græcorum, quos antiqua famæ suæ illecebra sollicitabat, coloniis frequentibus Sicilia, & quo minus etiam Catana per Naxios illic poneretur, vicinia Ætnæ detertere non potuit. Ipse ignis augere fecunditatem ipsius terræ creditus, invitavit adeo, ut proxima etiam & primo crateris mugitui subiecta loca insidere cuperent.

Abundantiam commeatum & affluentem annonæ Catanensis opulentiam sicuti hinc facile scias: ita dum non cessat tamen Ætna indulgere aliquando naturæ suæ, simul quoque consternatas accolentium mentes nunc ipso fremitu, nunc oppressu & superventu igneorum rivorum colligas. Aliquot vices, quibus gravior & horridior vomitus vastavit ac conspuuit adjacentia, in tempora digestas publicavit Cluverius. Unum maxime annotatum fuit exemplum, quo omnibus inde ignem concipientibus & hominibus quidquid poterant convasantibus ad migrandum, etiam dicuntur deprehensi esse mater paterque cum duobus filiis, ita ut incendiis circumdati nec se nec quidquam ex fortunæ præsidii liberare viderentur posse: quando unica pietas mentes filiorum, de solis parentibus ut satagerent, occupans, viam quoque & exitum incolumem, tunc adjuvantibus diis, postea etiam semper plaudentibus Catanensibus, patefecit. Excesserunt enim, & imbecillem quoque ætatem ex flammis divinitus hebetatis vel casu retroactis & quasi ultro cedentibus secum transtulerunt in securum, tanta popularium admiratione, ut abhinc velut insigne præcipuum urbanæ virtutis argento publico ad hanc formam istos parentum bajulos ostentaverint. Ea dolenda posteris & historiæ invidia est, quod nec Catanenses moneta nec scriptores, qui tam hilariter id amaverunt mandare chartis, ætatem notare curaverint, ut factum modo constare voluerint, de sæculo tantæ pietatis conscio parum solliciti. Hinc & Cluverius fatebatur incertum esse, quo tempore id factum fuerit; tantum ante Alexandri Magni ætatem contigisse colligit. Propterea nos quoque nunc vagari coacti perinde ac in natatione Leandri, voluimus tamen id primis Catanæ incrementis attribuere, quum & Pii Fratres & Campus Piorum nulla non memoria apud Catanenses jactata & consecrata fuerint nomina.





EGERIA DEA VEL NYMPHA


Numae Regis consilium .


EGERIA.



OMULI vultum ob justas causas admisimus in hoc theatrum, ut opinor; nec ut Regem, sed conditorem tantæ dominationis veneramur ex lege, quam huic operi diximus. Cæterorum Regum vel apud Romam vel extra Italiam vultus ubique publicatos & fere per adulationem chartis certatim datos non patiar moram ullam facere. Itaque quum sub

Numa magnum fuerit nomen Egeriæ pro cælo suo colentis vallem Aricinam & Camœnarum lucum, adeo quidem, ut Deam salutent Livius (cui mox etiam Numæ conjux dicitur, ut & Ovidio, qui simul vocat Nympham) ac Florus; immo sine ea ad multitudinem imperitam & rudem prorsus nulla futura fuissent consulta regis supersticiosa; spectari meretur, qualem eam vel ipse Numa honoraverit simulachro, seu populo Romano genius quidam dictaverit. Hanc igitur inter ornamenta *Palatii Farnesiani* locatam, & per tot casus servatam non minore numine, quam accensus servatrici Deæ in eadem valle quondam Virbius, hic quoque grate exponimus, ut satis perite ab viris doctis nomen ei impositum agnoscimus. Apparet enim in hac partim crine soluto vatis quoddam instar, partim scribentis species sive illa fata dicam, sive Romanis injungenda sacra, prout ea deinceps ipse Rex Pontifici suo exscripta exsignataque attribuisse dicitur ab Livio, indigitamenta Pompiliana aliis dicta. Scribit autem volumine explicato in genu, non pluteo aut quocunque alio mensæ auxilio ad fulciendum subiecto, sive ut inde nemoris destituti & plane non instructi umbram spectator supponat, seu ut veterum perinde ac nostrorum modo ad subita se parantium, nunc ita usu etiam frequentantium in eo consuetudinem commemoret. Quippe veteres sic genibus magis adfuefactos fuisse docet Pet. Lambecius libro II. cap. VII. Bibliothecæ Cæsareæ. Quid enim opus erit circa auctores narrationesque aut ludicra suspicionum ex ipso vocabulo jam Varrone præeunte discurrere? Sunt omnia in proptulo.






BYZAS HEROS
Byzantii conditor .

B Y Z A S.





oc excipieñdum tempus & heroi isti attribuendum fuit , quum non sustinerem unius Diodori Siculi auctoritate Argonautas illi æquævos facere ; qui si jam in his locis Byzanta reperissent cum populo cui imperaverit , & unde urbi mox nomen , certe etiam navigatio per Euxinum non fuisset tam sollicita ; nec amplius concurrissent Symplegades . Sed fragilitas ejus narrationis inde patet , quod in reditu demum dicantur illic Byzanta invenisse , quum prima vice prænavigantes nihil notabile ab hoc Bospori latere offendissent . Multum abest , ut cum Stephano retrogrediamur ad ætatem Ius . Quoniam ex Græca historia constat non diu post hoc sæculum magni fuisse eam urbem momenti , non ob suas vires , sed situs opportunitatem ; atque ita ante Græcorum potentiam videatur condita quidem fuisse , sed solo pelamidum ac thynnorum (Tacitus rhombos annumerat) piscatu incolas exhilarans : sequor Eusebium ad Tulli Hostilii dies & Olympiadem xxx. initia ejus referentem , sive tunc & ipse Byxas vixerit , seu urbs esse & dici cœperit , postquam aliquamdiu antea heros ille in hoc tractu jam innotuisset . Certe simulatque aucta fuit Græcorum potentia , apparuit quoque singularis ex situ opportunitas ; quam quisquis occuparet , is tum vectigalia ex frumenti (Græcum enim incolis non sufficiebat) Sarmatici ac Scythici circa Pontum cataplo ac falametorum vectura pro lubitu colligere poterat ; tum annonæ caritate quoslibet ad Ægæum mare populos vexare . Hic tantopere desiderarunt possessionem ejus & Lacedamonii , & Athenienses , ac postea Philippus Macedo . Non enim ut uteretur receptaculo copiarum mari ac terra , quam causam censuit Justinus , eam hic tentavit , sed ut Græciæ fauces fame premeret . Itaque nec potest ambigi , quin sicut post alios Græcos Lacedamonii , mox quoque Athenienses illic coloniam statuerint , quod ex aliis , quam nobis supersunt , auctoribus clare cognoscens Ammianus libro xxii. cap. 8. vocat Atticorum coloniam . In quo non erat , quod cunctaretur Henr. Valesius , aut interventu Milesiorum id suspicaretur ab Ammiano dictum . Ista enim ratione omnes Milesiorum coloniæ jam fierent Atticorum . Certe quum eam occupavit Alcibiades , & tanto tumultu oram Helleponti ac Propontidis commovit , omni ope hanc Byzantinam sedem confirmasse & patriæ suæ adjunxisse etiam per novos colonos videtur . Inter hæc semper retinens prisçi nominis , jactare simul hunc conditorem (dignus enim est , qui ita vocetur , nec Faber ad Urfinum meruit propterea reprehendi ab Canino) suum Byzanta etiam sub Romanis non destitit , & venerabile istud caput denique propagavit ad Christianos , multos urbem fertili solo secundoque mari

haberi ab barbaris ac non minus cæcis , quam fuerunt quondam
in adverſa terra Chalcedonii , deſcentes , alios ridentes , dum con-



fortem ſanguinem ſitiunt . Quod noſtrum opus eſt , hujus faciei
lineamenta petita ſunt ab manu Gallæi in Illuſtrium Imaginibus
Antverpiæ editis , naſi ſpatio paulatim velut per faſtigium cre-
ſcente uſque ad imam partem , ita ut hæc notabili tandem exceſ-
ſu promineat . Sed quanto discrimine hinc abit Canini exemplar ?
ut ipſe videas , hic appoſui , naſo ſcilicet circa mediam partem
plane non ſic verſus faciem reducto , ſed ſerme protuberante , aut
certe rectum ductum ſervante , de quo arbitrari nequeo , quum
ipſos nummos inſpicere mihi non contingat .





THALES MILESIUS

vir Sapientum primus


Apud Achillem Maficium

T H A L E S.



AM ex multis apparuit, quam præclaro ausu intenderit se Græcorum cura ad poliendum orbem suum, regionesque & urbes & aquas partim cognoscendas, partim fundandas atque etiam augendas & paci dicandas; &, quum placuisset quidem jam antea coire in societates, vitam quoque per varia inventa adjuvandam. Verum omnia hæc continebantur in eis, quæ circa erant & oculis quotidie obversantia totos eos in se desigebant. Longinqua aut etiam superna, atque omnia illa, in quæ penetrare solius mentis erat opus, ut ignota, sic inculta relinquebantur. Unde invaserunt plurima, quæ imbecillitatem ejus partis sane immensam testantur, & pro numinibus potuerunt obtinere quædam nomina vel fraudis vel vanitatis. Nunc cum primordiis Romanæ urbis cœperunt illucescere ista nitidiora tempora, quæ mentem immiserunt in omnia, etiam oculis non aspicienda; novoque introducto labore, quem sapientiæ studio & nomine decorarunt, id agitatum fuit, ut non terra tantum, sed cælum quoque hominibus patere videretur. Rationem ipsam habitatum inter homines venisse scires, nisi obstitisset vis quædam major velo quasi oppanso multa statuens illi inaccessa; licet sic quoque heroicum verissime fuerit sæculum. Cujus ut quædam enumerentur hic specimina, relegere placet vestigia Diogenis Laertii, serie satis digesta hanc vetustatis gloriam persequuti. Primum igitur extulisse traditur Thaletem Asiatica Miletus, tanquam ipsa Europæa Græcia ad tantam rem inchoandam fuisset impar; qui natus illic incertum, an inquilinus, certe peregrinatus, etiam Ægyptum usque, sustinuit considerare animam, stellasque & sidera aliaque antehac vix audita loqui, non tantum ut hinc augeret voces, sed prospiceret quoque aliqua futurorum: quin & ad Deum cogitationes sustulit. Atque ita vir hic unidiquaque maximus & sapientissimus merebatur in omnibus bibliothecis poni, dignaque erat facies ejus, quæ tam studiose conversa ad res cunctas spectandas ab posteris reverenter spectaretur, nisi calamitas publica huic officio intulisset vitium. Equidem video infrenem licentiam, qua nuper facies austera & plane non præferens *Mite Thaletis Ingenium*, Diogeni Laertio immixta est venditata eo titulo, quasi exstaret *apud Achillem Mæsseum in marmore*; scilicet tam potente & valida auctoritate Bellorii, qui quum etiam vultui subscripsisset *Apud Achillem Mæsseum*, in expositione addit *Hujus Philosophi caput ex marmore nomen collo incisum habet ΘΑΛΗΣ, exatabatque apud Achillem Mæsseum*. Quæ si ita simpliciter vera essent, ac pro talibus habenda, atque a nobis excipienda; an credimus Principem harum rerum Fulvium Ursinum passurum fuisse, ut

eruditissima ejus collectio spoliaretur tam nobilis capitis fidere? Et tamen videmus illam Antverpiæ editam omnino respuere vel mentionem hujus obesi capitis. Sed ante omnia quum Laferius anno præcedentis sæculi LXIX. ederet illustrium virorum, ut exstant in urbe, expressos vultus, eisque præfaretur Achilles Statius anno LXVIII. ubi primam paginam obtinet hic Thales scribiturque exstare apud Achillem Maffæum; per eundem Ant. Laferium scribere ita auderet Fulvius veri tenax, quum fuisset questus subleste nonnullis Hermis ex Hadriani villa erutis aliena capita a quibusdam fuisse imposita; *quod tamen esset aliquo modo iis ignoscendum, quia antiquo trunco antiquum caput, etsi non suum, restituerunt, nisi veteribus quoque quibusdam imaginibus non sua ipsi nomina addidissent, ut in Thalet, Et in utraque Diogenis imagine fecerunt; quæ quia in antiquarum imaginum nuper impressum librum irrepserunt, volui vos admonuisse, ne, veritatis ignoratione, falsa ac subditiça inscriptione deciperemini.* Ista cautela utique, quum ipsam hanc faciem amovere hinc mihi non liceret, adponenda nunc fuit, ut videant, quæ merces temerariæ isti venditationi debeatur, qui ea utuntur. Præterquam quod si vox ΘΑΛΗΣ foret antiqua, dubitari posset, quis potissimum ex multis fuerit.



SOLON


Ex septem Sapientibus, Græciæ

Acad. Pulvium Ursinum in gemma.

S O L O N .




SECUNDUM in illo choro locum ab Diogene Laertio accipit hic prudentiæ inter Atticos eminentissimus , & exstiturus princeps civis , nisi stultitia genium illius populi tunc invasisset . Unde post hanc eis verissimo cum exitu exprobratam ex patria tantum incolam non capiente egressus fuit , ut magnitudinis & sapientiæ suæ plura spargeret experimenta , passim enarrata , & studiosius collecta ab viris doctis , quam ut nobis vacet inde aliqua delibare , quæ potius conjuncta placent . Certe propter hæc & in urbe ante portum Pœcilen stetit aneus teste Pausania , & similiter conspici amavit ¹ , si credimus Dioni Chrysostomo , in patria Salamine , quo transfretantes Athenienses discimus ex Æschine contra Timarchum ire solitos in forum ad spectandum Solonem manus continentem intra pallium . Utinam ex his aliquam aut spectare hodie possemus ! aut media tempora , quæ ex eisdem cognoscere Solonem potuerunt , tanti hominis faciem gemmis aut marmore vivis lineamentis expressissent ! Etenim quum Urfinus in editione vetere exhibuisset eum forma exigua & fere nullis propriis signis agnoscenda , etiam non addito , quod genus vetusti monumenti esset ; majore cum gravitate in posteriore dedit Gallæus , testatus ita exstare apud Fulvium Urfinum in gemma , quam Faber nominat Sardonium , dicitque cælatam esse faberrie , & inscriptum habere nomen ΣΟΛΩΝΟΣ , quum ipse Urfinus ediderit ΣΟΛΩΝΟΣ . Itaque id exemplum huc referri placuit , nisi quod operæ appellationem inversis literis adjunxerint . Addit : *Exprimit ætatem ejus annorum LXXX. quot ipse vixit . Eadem autem imago visitur & in cameo veteri Hermæ forma , & in marmore quodam , in quo nonnihil furor ille Solonis videtur expressus &c.* Sed Casp. Gevartius Romæ appinxit aliud clypeum , cui subnotavit *In gemma adscripto nomine Dioscoridis* , quod bona fide hic collocavi pri-



um . Et fane hic debet ipse & Solon & Dioscorides esse ,
Vol. II.

¹ Μίχα ποιέμενος .

quem utrumque Aquis Sextiis vidit Jacobus Sponius, ut testatur in Miscellaneis Eruditæ Antiquitatis pagina 122. ubi ejusdem Mercurium producit. Aliquo etiam modo is accedit ad vultum Solonis, qui ab eodem ex nummo perraro ΜΗΤΡΟΝΟ-ΔΕΙΤΩΝ vulgatur ibidem pag. 140. unde novit eum quoque illustrator nummorum Parisinus, nisi quod vertex noster jam incipiat destitui crinibus, qui satis densi illic eum vestiunt. Secundum Solonem ex Museo Romano huc traduxi, cujus auctor e thesauro Barberino in gemma sarda talem quoque paululum inflexo naso eum exhibuit, etiam capillis ita semiflexis. Addidi & tertium ex Thesauri Palatini pagina 66. quo tamen ego non magis reor Solonem monstrari, quam Ciceronem illa gemma pagina 71. quæ nihil Ciceronis in se continet. Vultus iste verum Philemonæ refert, ut patebit ex comparatione gemmæ vel in isto ipso Thesauri mox folio sequente expositæ, vel apud Leonardum Augustinum num. 16. cui suus locus in hac serie dabitur. Hinc ignoro, quis ille Solon in Diogene Laertio referatur apud Fulvium Ursinum in gemma, vultu quidem vivacissimo & capite crinibus operto, qualem nec ipse Ursinus nec alii ab eo dederunt; nedum ut inciderent ΣΟΛΩΝΟΣ.



PITTACVS
Vnus ex septem Græciæ Sapientibus
Ex Numismate aereo apud Fulvium Ursinum.

P I T T A C U S .



Et hi quidem duo temporibus Croesi fuisse perhibentur, quibus addi debet hic Pittacus, egregius Lesbi insulæ & in ea urbis Mytilenæ civis & certe sospitator, quum non modo pressam tyrannide liberavit, sed & Athenienses partem insulæ tentare jam aggressos expulerit. Quin & moderationis laudatissimæ exemplum nobile dedit principem locum a civibus ultro oblatum & per decem annos possessum, ita ut medio tempore optimum reipublicæ statum paraverit, deponens, ac sine periculo per totidem annos mox superstes. Sed multa hæc fuerunt in perfectissimo viro, & ubique narrantur, ut inter Solonas ac Thaletas merito ponatur. Verum in conspectu ejus animadverto non satis lepida discrimina. Hic quidem repetitus est ex exemplo Bellorii, qui ex numismate æreo apud Fulvium Ursinum scribit se retulisse, adnotatque: *Ejus imago deprompta est ex antiquo æneo nummo, quem Mytilenæi in honorem illustrium suorum civium Pittaci & Alcei percussere. Circa ipsam imaginem nomen Pittaci inscriptum est ΠΙΤΤΑΚΟΣ. Hic nummus olim visebatur apud Fulvium Ursinum, apud quem etiam Pittaci ipsius ex marmore caput extabat. In quibus nihil aliud quam repetit voces Jo. Fabri ad easdem sæpe citatas imagines. Et unde igitur in tabulam ejus venit ΠΙΤΤΑΚΟΣ? Sane circa hanc partem negligentia quædam ab eo commissa est satis absurda, unde etiam scribit circa XIII Olympiadem floruisse. Quippe & divisio syllabæ ΠΙΤ ab duabus sequentibus & litera Π declarat non ex Ursino fuisse petatum, sed Canino, quum Ursinus separet ΠΙΤΤΑΚΟΣ. Tum Canini frater sic annotavit; e tolto il disegno della testa di Pittaco, col nome ΠΙΤΤΑΚΟΣ dal roverscio del quale v'è l'effigie d'Alceo poeta da Mitilene. Ita de Ursino celat, & de loco ipsius, quem citat, nummi nihil indicat, & se ridiculum facit, quum interim Harduinus inter tot Mytilenes nummos hunc prætermittat. Sed neque frontem recedentem in Canini vultu,*



nec pilos ab vertice ad eam demissos simplice ductu Belloriana
Vol. II. 32 manus

manus fatis fideliter expressit , in artificii subtilitate monstranda operosior , quam plano veritatis tractu exhibendo . Marmor Urfinianum , quo Pittacum simulacri indicat Faber , inspexit postea Gevartius , & hoc exemplum inde fecit . Sed eam demum pro vera habendam opinor , quæ ab Gallæo , ut videtur , accuratissime ex nomismate excepta fuit , quod facile colligitur ex cognominibus Pittaco ab Alcæo datis , quibus eum appellavit tum ΦΥΣΚΩΝΑ ΚΑΙ ΓΑΣΤΡΩΝΑ , idque ideo , quod crassius esset ¹ , ut notat Diogenes Laertius ; tum ΑΓΑΣΥΡΤΟΝ , quod dissolutus , negligens atque etiam sordidus esset ² . Hæc nequaquam videntur promitti ab vultu per Bellorium aut Caninum edito , sed quem Gallæus dedit , resque digna est , quæ ex nummo studiosius explanetur .

1. Ὅτι παχὺς ἦν .

2. Ὡς ἐπιστυρμένον καὶ βυπαρόν .



ALCÆVS MYTILENÆVS

Vnus ex novem Lyricis, qui apud Græcos celebrantur
aureo plectro donatus

Apud Fulvium Ursinum in norminate æreo.

A L G Æ U S.




In eandem ætatem plura & clarissima simul ingenia incurrunt, diversis etiam studiorum partibus delectata. Quibus qualemcunque ordinem adsignemus, ab Pittaco separari Alcæus hic nequit. Quos sicut natalis locus & ætas junxit, sic ipsa civitas Mytilene. Etiam idem æs ad posteros hoc par prodidit. Quod quum testentur omnes fuisse in-

ter cimelia Urfini, neque ququam alius se quoque scribat in eandem fortunam venisse, mireris sane, cur non Gallæi manum exacte studeant exprimere. At Bellorius, quem sequuta sunt hæc exempla, non modo vitiose depravavit *MYTHA*, inepte etiam ut caput sic literas invertit. Caninus priore errore non solum obtento in clypeo nummi, sed ultra in expositione ausus citare *ΑΛΚΑΙΟΥ ΜΥΘΗΑ*. nec se testatur possedisse nummum, nec Urfinianum sibi conspectum fatetur, quum tamen lineas ita duxerit, ut tota auris pateret, quæ apud Gallæum tota fere pilis operta, nasi tractu longe alium quoque in conspectum desinente, ut patet ex his adjunctis, quorum prius est Gallæi, alterum Canini. Et ta-



men velut non alius publico diu ante gratificatus esset, absurdus ille interpres ad columnam Trajanam scribit pag. 212. *quibus ex Joanne Angelo Caninio in sua Iconographia adde Alcæum & Pittacum in nummis Mytilenæorum*. Sine dubio vidit multos. Sed ne vestis quidem supremam oram voluit ex Gallæo, hoc est, ipso nummo retinere Bellorius, quin nescio quo nodo ante pectoris & juguli confinia eam coaceret, nec abludit Caninus, sane non ex Græco habitu. Utique id discordiæ genus plane execror, præsertim quum gemma quoque in Thesæuro Palatino crines perinde denset flectatque ac verticem exaltet, ut nummus Urfini, quam vides tertiam appositam. Meretur enim naturæ manus inviolata, quum id licet, servari in præclaro hoc viro, qui delicias ingenii tam multiplici & amœna varietate sonorum & cantuum protulit, simul & aliis ad imitandum modos dictavit, quibus tantopere se delectaverunt postea Græci alii pariter ac Latini; atque hinc sapientissimi Grammatici enixam adeo operam dederunt, ut Alcaici

carminis diversitates apprehenderent ac monstrarent. Reliqua de Alcæo nota sunt, quæ sic bene dixit Jo. Faber, ut & Caniniana & Belloriana & quæ leguntur apud posteriores lexicographos, „sint nihili. Sic autem ille prior scripsit: Caput Alcæi, qui unus „fuit ex novem lyricis Poetis, ex antiquo nummo æneo exhibi- „tum est, in quo legitur *MTTIA*, qui nummus inversus caput ex- „hibet *Pittaci*, unius ex septem Græciæ sapientibus. Cusus est au- „tem a populo Mytilenensi in honorem suorum civium, ut & „sibi quoque id honori esset, cum *Pittacum* & *Alcæum* eo monu- „mento Mytilenis oriundos ostenderent: sicut & in alio quodam „nummo argenteo Sapphus Poetriæ effigiem exprefferunt, quod „& illa Mytilenæa esset.



SAPPHO POETRIA

Ex Schedis Pyrrhi Ligori in Bibliotheca Vaticana

S A P P H O .



NON placet ex insula Lesbo etiamnum oram solve-
re, & felicitate ejus non penitus inspecta conscen-
dere ad alias regiones, quum advertat nos deci-
mæ Musæ ingenium. Sic enim appellata fuit Sap-
pho, ejusdem insulæ suboles, & ex qua urbe, di-
cit Herma, quem inter duas nummi ab Urfino
editi areas exposuit Bellorius ex schedis, ut ait,
Pyrrhi Ligorii. At vero Urfinus ipse Mytilenis natam esse sta-
tuit; nec temere, quippe Aristotele & Polluce auctoribus, qui
dum ejus imaginem nummis suis signasse Mytilenæos scribunt, si-
mul conjunctionem & causam ejus honoris affatim manifestant.
Ita vides ambiguitatem vetustam, vel magis confusionem duarum,
nunc quoque referri. Et sane istum Hermam longe prægravat au-
ctoritas fidesque nummi, quem Urfinus tacet penes quem fuerit:
at Gallæus dominum ejus Cardinalem Farnesium fatetur, quod
ipsum non aliter retulit Bellorius, ac si de suæ editionis tempore
ageretur. In nummo igitur fidelior supponetur auctoritas, quum
ab eo nimium discedat Hermæ vultus. Certe eum servatum fuisse
„patet ex his item Urfini verbis: Silanionem quoque Sapphoni sta-
„tuam ex ære secisse refert Tatianus in libro adversus gentes,
„cujus in oratione contra Verrem meminit Cicero, fuisseque in
„Prytaneo positum id signum scribit, & a Verre sublatum. Pau-
„sanias tamen Athenis in arce prope Anacreontis imaginem Sap-
„phonis statuam collocat, eam fortasse, quam scribit Plinius a
„Leonte factam esse. Ut scias eam in Græcia passim fuisse admi-
rationi: simul ut scias, unde hauserit sua Faber, apud quem hæc
ipsa reperies. Atque interim refert audire porro indicium Fabri
„scribentis: Eadem Sapphus imago in Cameo faberrime facta apud
„Urfinum spectatur: itemque in alia gemma: cujus utriusque
„hoc discrimen est, quod unius caput lauro, alterius hedera coro-
„natum sit. Interim mirari non desino, cur nummum insignem
ex Goltzii Græciæ insulis nemo huc applicare voluerit, qui diver-
so habitu hanc poetriam in utroque latere exhibens vel dignissi-



mus est qui non illic tantum conspiciatur. Quin etiam sicut illic
Vol. II.

spectas in laxa veste stantem, ita felix solertia Sponii invenit eandem quoque sedentem. Ea ipsa est, quam tertiam in hoc ordine vides, acriter scilicet exsultantibus Mytilenæis ob civium suorum utriusque etiam sexus celebratam mirifice indolem. Quæ enim vulgo de hac femina narrant, repetita sunt ex G. I. Vossii Institutionum Poeticarum libro II. & III.



ANACHARSIS

Philosophus admirandae sapientiae inter Scythas.

Ex gemma antiqua

ANACHARSIS.



ON debuit contextus horum nominum interrumpi, licet interim lumina quædam alicubi exstiterint, quæ magis vicina & cœva quoque fuerunt prioribus quam postremis. Qualis est Anacharsis, Scythæ philosophus, ita in eo junctis, quæ coire non posse homines ante crediderant; vir ultra morem sobrius & continentissimus & paratæ facultatis ad congruas altercationes. Hinc non suæ tantum terræ vel doctrinis vel ingeniis formari voluit atque etiam istic latitare, prout videtur in usu antehac fuisse, sed versus meridiem, inchoante jam opinione sapientiæ Græcorum spargi vel ultra Euxinum Pontum, relicta aula & spreta principalis fastigii, quod frater ejus tenebat, gloria, peregrinatus fuit. Sic Soloni, sic Periandro familiaris venit; ut clara documenta perhibent; sed quidni etiam omnibus illo tempore inter Græcos eminentibus? Certe & de ipso Cræso testabatur Diogenis Laertii tempore circumlata epistola Philosophi ad illum, & de Hannone altera apud Ciceronem; ut ex Europæa Scythia veniens Africanos peræque ac Asiaticos voluerit cognoscere, vel admiratores sui fecerit. Id quod ita factum fuit, respicere videtur Lucianus, a quo Anacharsis inducitur petere ab Toxari, ut velit ipsi monstrare quoque *ΑΝΑΡΩΝ ΤΟΤΕ ΒΕΑΤΙΕΤΟΤΕ*. Sic res quædam per eum dicuntur vel inventæ vel in Græcos primum deportatæ, quarum laus ab nonnullis ei negatur. Mirabilem istius viri continentiam eloqui semper mihi visa est hæc facies, quam Leon. Augustinus ex gemma corniola proferens ignorabat quo referret, ac propterea id nomen exemplari meo adscripseram; quod video nuper quoque sic placuisse in editione Diogenis Laertii. Neque enim, licet unum Scythæ calvi caput proferat Caninus num. *xxi.* & apud Arimphæos Scythas scribat Plinius capillum probro existimari; idcirco etiam alios omnes fuisse supponas, nec Anacharsis fuit Arimphæus; sed ex illa regione, quæ non multum distabat ab Bosporo ¹. Quin etiam ex illis Scythis venisse Anacharsin, quorum menta non erant glabra, colligi potest ex Luciano, quum ait ei in Ceramico obvium apparuisse Toxarin jam Græco more vestitum & subrafo mento ², quod scilicet ipse Anacharsis, nuper ex Scythia, tale non habebat. Quis nescit Menagium notasse ex Nicolao apud Stobæum, fuisse ex Galaetophagis?

Vol. II.

¹. *Ἐπὶ Βοσπόρῳ, ὅθεν ἐ πολλὰ ὁδοὶ ἔμελλον αὐτῷ ἔσεσθαι οἰκάδε ἐς Σκυθίας*, ut ait de eo Lucianus in Scythia.

². *Ἐκλιμνιστὶ ἐσαλμένον, ὑπεξυρηνμένον τὸ γένειον*.



BATTVS

Coloniæ ex insula Therâ versus Gyræas dux.

BATTUS.



Is ipsis annis intervenit Aristoteles, Batti cognomine celebrator etiam post nodum linguæ solum, ut colligitur ex nummis Cyrenensium, qui abolito velut vero nomine passim ita conditorem suum appellant. Horum enim urbs ad montem prisco nomine Cyran per eum ac Therenses posita, faustissimis si ulla alia auspiciis, sicut stirpem posteritatemque ejus curavit & Battiadas apud se libenter dici audit; sic ipsum caput magno in honore habere non desit. Neque enim memoria ejus per conditam modo urbem erat jucunda, sed etiam singulari numinis auxilio memoranda, quum obligatam nec in omnes motus solutam linguam conspectus leonis tam cito agitaverit, prout oraculo fuerat prædictum in ea regione fore. Itaque Batti nomen in hac Africæ regione mentibus ac linguis fuit magna cum voluptate infixum, unde nunc quoque viri docti istum Battum in pluribus nummis cernere se suspicantur. In quo ut experimenta ista auctoribus relinquimus, ita certa & fida ejus monumenta persequentes in hoc primum conditorum cernimus, & ad ejus memoriam alterum nummum præterire nos non oportet. Est scilicet ille ipse, quem inferuit Observationibus ad Pom-



ponium Melam If. Vossius, qui caput umbriculi, prout ineptissime judicat, ita fingit ut aures ex media pilorum densitate vix eminentes ostendat, quum in nummo clare ex cutis ipsius sede & parte nondum pilis obsita surgentes imas quoque partes videre liceat. Et is tamen per has ineptias multos fecit umbros. In altera area fingit bovem cornua patula exferentem, quum in nummo nulla sint cornua, solæ duæ aures, satis manifestæ & exactæ. Tum rostrum plane est acutius, quam ut possit existimari bovinum, & prout nunc exhibeo, ita palam in rictum diducitur, ex quo patet aliud longe quid esse. Omnino id caput, in quo ille umbriculus venditatur, est verissimum caput leonis & egregiam servat memoriam restitutæ Batto vocis ex inopinato & consternante occurfu leonis, prout ex Scholiaste Callimachi modo ostendi. Al-

Vol. II.

36

terum

Ι. Καὶ ὁ Βάττος ἦλθεν εἰς τὴν Λιβύην. λέγεται δὲ εἶναι πολλὰς λέοντας ἐν ταύτῃ τῇ χώρᾳ. ἐπιδιμύσας ὁ Βάττος, καὶ λέοντα ἀφιδίως θρασυμένος, τῇ τῷ φόβῳ ἀνάγκῃ βιασθεὶς φέγγεσθαι, διέφυγε τὴν φλέβα, ἥτις τὴν ἐκείνου φωνὴν ἐπέχει, καὶ ἔτι φωνῆς ἐγένετο.

terum animal videtur esse proprium Cyrenaicæ, quæ ΚΤΗΝΕΩΝ
ΠΑΜΦΟΡΟΣ, ut dicitur in loco Arriani citato in Observationibus,
greges etiam agnoscente illic Pomponio Mela, istud quoque ob-
longi capitis & in acumen insigne definentis pecus protulit.




PHERCYDES
ex Scyro philosophus

P H E R E C Y D E S .



ICUT divinitus plurima coierunt ad gloriam horum temporum ; ita vel minimum collectu dignum videri debet, nec quidquam negligi qualitercunque nobis relictum . Propterea quum vetustatis non utique penitissimæ superfit monumentum , in quo iste dictis factisque & scriptis quoque excellens, & in sapientia colenda vel princeps ex insula Syro Pherecydes , notabiliore tamen & ampliore vultu describitur, judicavi inde esse excerptandam istam partem, ut recognosceretur Pherecydes . Nec vituperes oportet , quod is hoc demum ponatur loco, quem nonnulli jam Thaletis fuisse scribunt magistrum . Nos enim nequaquam illi ereptum imus hanc gloriam, si modo vera est . Caterum dissentire ab Cicerone non placeat , dum gentili suo regnante eum fuisse tradit , qualicunque etiam vitæ parte . Certe sic potuit tangere Croesi ætatem, sic Pitacum audivisse , ut vult Diogenes Laertius ; sic præceptor quoque fuisse Pythagoræ, quo discipulo eum censendum arbitrata est universa antiquitas, ejusque judicii opinio potissimum traditur in monumento, ex quo ut deformatum dixi grandem istum vultum, sic quo omnia appareat clara esse & approbare explicationem nuper editam in Spicilegio Antiquitatis, ex illo ipso longius segmentum etsi contractius hic appono . Quid enim de isto Pherecyde



plura? Diligenter adeo copioseque id præstitit Jo. Gerh. Vossius in Historicis Græcis & commentatores Diogenis Laertii ad vitam ejus, ut ridiculi sint , qui eadem chartis aliis illinere suo nomine sustinent .





STESICHORVS *HIMERENSIS*

Inter Poetas gravitate laudatus.

STESICHORUS.



NEOSDEM pariter dies coniici debet hic non Hesiodi poetæ filius etiam appellatus Stesichorus, sed juniore natu & ex altera regione, nempe Sicilia, unde Himera clara & ornata, ut Ciceroni dicitur, urbs tum varietate fatorum, tum situ, etiam tali cive exultavit. Non enim modo eximie crevit illa urbs, ac vicissim casus etiam dolendos perpessa est Carthaginensibus expeditiones suas Siculas continuantibus, ut notum est: sed ab thermis suis & famam & opes acta, Stesichori quoque sui doctrinam & hinc imagines iactare potuit. Earum scimus unam tanti fuisse, ut per expugnationem satis celebrem Pœnorum deventa Carthaginem, sic apud Pœnos etiam nota, sic conservata fuerit, itidemque postea per Scipionem Carthaginis everso rem recuperare eam Himerenses in beneficio posuerint, judicantes sic fortunam & dignitatem patrum ipsis restitui; quippe quum Stesichorus fuisset quidem Himeræ, sed fuisset etiam tota Græcia summo propter ingenium honore & nomine. Hoc est Ciceronis verissimum de hoc viro encomium. Sed erat ea statua senilis & incurva, cum libro. Nostra hæc facies juvenilis est; ut inde appareat cujusque ætatis statuas fuisse custoditas, si non aliis, certe choraulis ac chorocitharistis id agentibus, ut maneret inter vivos pater chori, quem ille primus stitisse ad citharam colligitur ex ipso nomine, quod antea ei creditur fuisse Tisæ, ut notavit Suidas. Quæ quum magis ad lepores ludicos & lasciviam adhiberetur, ipse ad hymnos, prout traditur, ab ipso quidem etiam primum inventos ita adaptavit, ut eis inclusam Epici carminis materiam lyra sustinuerit, teste Quintiliano, ut jam notatum ab nonnullis. Sed præcipue auctoritatem, immo majestatem inventionis ejus ac hymnorum sic maxime deprehendimus, quod ipsam Geographiam ferme ordinare videantur potuisse. In illis enim mihi certa fabulæ admixtione videtur locutus fuisse de Himera amne, quasi ex uno ostio emissus discerneret se in duos alveos, altero meridiem, altero occidentem petente. Sic enim interpretor notabilia illa Vibii Sequestri verba; *Hoc flumen in duas findi partes ait Stesichorus, una in Tyrrenum mare, altera in Libycum decurrere*; quibus indicatur primus auctor illius descriptionis, quæ tam temere in Geographiam admissa fuit, quum ille indulgeret fictione poeticæ. Sed quo minus in hac parte id miremur, is ipse Stesichorus est, a quo fluxit & tota illa fabulatio de armata Minervæ progressu ex Jovis capite; ut miram quantam oporteat fuisse hujus hominis fidem ac speciem, qua etiam vi-

Vol. II.

38

vus

1 Scholiastes Apollonii IV. 1310. Πρῶτος Στεσίχορος ἐφ' οὗ τοῖς ὅπλοις ἐκ τῆς Διὸς κεφαλῆς ἀναπνεύσαι τὴν Ἀθηνᾶν.

vus permovit illum acerbissimum Phalarin, ut innoxie concederet Stesichorum vacare lyræ ², & mortuum eundem sic affecit, ut summos honores illi decerneret.

2. Epist. 93. Στησίχορον ζῆναι, καὶ χολάζειν πρὸς τῇ λύρᾳ τῇ ἑαυτοῦ.



ACTVS NAVIVS


ſpectante et mirante Tarquinio
colem novaculâ ſecans


ATTUS NAVIUS.



ED ab pallio ad togam revocat nos tempus, quod fere nimium in Græcia fecimus. Tarquinius Prisci regnum ut ipsum eventu augurii insigne est, ita accessione mirifica honorem & sanctimoniam auguratus Romæ jam antea per Numam introducti extulit. Quum omnia in recenti urbe auctibus e-

gregiis crescerent, etiam justissimis de causis equestris aciei vires ita augere constituebat rex, ut quum per centurias tres separatis appellationibus divisas descripta esset, totidem & mox plures centurias novis nominibus insignes adjiceret cogitaret; sane optimo publico, si primam speciem respicias. Sed augur tunc Attus Navius præclaro regis consilio obviam ire sustinuit ac vetare, quo minus instituta ab Romulo nomina centuriarum, tanquam augustiora quam quibus posterior ætas adjiceret paria, ullo similium nominum invento ab futuris regibus obsolescerent. Historia notissima est, quemadmodum ne quid fraudis, ne quid superstitionis lateret, veritus Rex novacula denique non citius jussit secari cotem, quam sacerdos exsecutus fuit. Quod quum sit ultra humanam fidem, testatur Livius nobilissimi & verissimi portenti memoriæ servandæ causa statuam Atti positam capite velato in comitio, in gradibus ipsis ad lævam curiæ, quo in loco res acta fuerit; cotem quoque eodem loco sitam: Festus Pompejus novaculam illam ac cotem sub locum consecratum defodi jussam ab rege. Horum omnium fidem quum instauraverit nuper penes Regem Galliæ nummus nusquam ante mihi indicatus, rarissimum illud monumentum inferi a me his oportuit vel ideo, quod ipse rex Tarquinius adeo præclaram ibi statuam obtineat, qualem in Capitolio Romani quotidie videbant, nobis quidem illam penitus ereptam, nisi quid vanis cælatoribus in Antiquitatum Romanarum tabula geminam Capitolii imaginem exhibente credere licet, aut nuperis conjecturis, illis a veritate quidem remotissimis. Vides etiam in Navio habitum auguris per illa tempora, non apicem erectum capite gerentis, ut alibi augures, sed tantum velo caput obducentem, atque ita cotem novacula diffidentis, unde Tarquinius ille nihil nisi centuriis tribus auxit, ut convenientissime & eruditissime loquitur Florus.





P Y T H A G O R A S.




EC minora tamen aut pauciora , imo vel majora & plura miracula narrantur de Pythagora , qui in insula Samo natus , sed dominationem unius gravatus , maluit inde aufugere , perque loca peregrina aut sola vagando revereri vel in itinere obvios quoscunque aut seipsum , quam in patria monarcham & sub eo magistratus . Itaque regiones , quæ sedem eruditioni tunc præbebant , sequutus , ut potuit , ea consummavit , quæ in patria accipere tener inchoarat . Sic vitam ille incomparabilis vir gessit magnis voluminibus vix enarrandam ; & quod non partem ejus tetigit ? Ex eo quæ ad nos spectant , & propter quod nomen illud gloriosum sane huc advocatur , hic vultus facit , quem fere spirantem servavit pietas Samiorum nummo insignitum , sero quidem , & plane sub Commodò ; itaque primum conspectui publico oblatus fuit ab Ursino , cujus notam oportet ut cognoscas : Ejus autem viri imaginem Samii , ut Samii natum Pythagoram indicarent , in æreo nomismate signarunt , radio signum aliquod in sphaera tangentem , & fortasse vagum stellæ Veneris motum , quem primus deprehendit designantem , de quo Plinius lib. II cap. 8. *Infra solem ambit ingens sidus appellatum Veneris* , altero meatu vagum , ipsisque cognominibus æmulum solis & luna . Præveniens quippe & ante matutinum exoriens luciferi nomen accipit , ut sol alter diem maturans ; contra uno ab occasu resurgens nuncupatur Vesper , ut prorogans lucem , vicemque lunæ reddens , quam naturam ejus Pythagoras Samius primus deprehendit , Olympiade circiter XLII , qui fuit Urbis Romæ annus CXLII . Animadvertit hoc primus Nicolaus Florentius Batavus amicus meus & Romanarum antiquitatum bene peritus , qui mihi nomismatis copiam fecit . Sic ingenue vir ille doctissimus veritati testimonium reddit , quod posteriores suppresserunt omnes . Non Faber , non Bellorius , non Morellius quidquam dicunt se habere , quod iste Batavus debeat



sibi imputare . Sed etiam nihil dicunt erudite , quod non sit melius dictum ab Ursino . Cæterum in hujus ista parte hæreo , quæ dicit radio signum aliquod in sphaera ab eo tangi . Non enim i-


stius radii ullum vestigium in nummo , quem superposuit . Gal-
læus quoque invertit literarum ordinem , qui apud Ursinum inci-
pit ab globo plane non laudandum in morem , quem tamen se-
quutus est Bellorius , dum prætexit nummum æreum in Thesauro
Christinæ Reginæ , nequaquam culpandus , in eo etiam , quod si-
nistrix inserit baculum , priorum nulli agnitum , unde omittitur
rursus in editione Diogenis Laertii . A quibus omnibus deviat
nummus Regis Galliæ , prout edidit Morellius , describens Pytha-
goram illic sedentem virga globum columnæ impositum regere ;
Harduinus ad locum Plinii , quem omnes ex Ursino mutantur ,
quum & ipse in Cimelio Regio eum vidisset , baculo stellas in
globo signantem , atque ita repetit in Nummis illustratis . Hunc
igitur etiam hic conspice . Interim in Ursiniano , quem habeo sim-
plicissimum , videtur barba ejus definere in acumen tenuius , quam
vulgo attribuunt . Quod ad reliquam faciem pertinet , fume fron-
tem nasumque Antonini Pii , ac barbam Lipsii , habebis univer-
sam faciem , quam Pythagoræ vides affingi in vulgatis figuris . Qua-
propter Ursinianus nummus ab Batavo primum monstratus , huc
quoque applicari debuit exactissime simulatus , quem cernis secun-
dum . Tertium vero & ipsum insigni diversitate præbet lautitia
alterius Batavi , Clarissimi nostri Jacobi de Wilde . Nam quem
Harduinus sub Trajano Decio percussum scribit , atque etiam in
eadem tabula profert Vir Amicissimus , de eo nihil habeo quod
dicam . Cæterum oportet addi verba Fabri ad imaginem Ursini :
„ Similis est imagini illi , quam gemmæ nonnullæ anulares exhi-
„ bent , quas Pythagorici alicujus fuisse verosimile est . Sed simi-
„ lior est reliquis illa , quæ in gemma (quam *Niccolum* vocant Ita-
„ li) inculpta penes Fluvium exstat . Sed & alia apud eundem in
„ numo a Samiis cuso visitur , differtque ab imagine quam hoc li-
„ bro repræsentamus , quod manu dextra radium teneat , eoque
„ stellam Veneris in sphaera sculptam tangat , sinistra virgam ha-
„ beat . Ita vides notum fuisse diu , quem Morellius publicavit . Si-
mul etiam hinc constat , quam variis modis imago præclari hujus
viri servata ab hominibus sit , Roma quoque ipsa statuam ejus o-
stentare in comitio latata . Nihilominus , quod moneri oportet ,
in his nostris non apparet ille κομῆτης , ut tempore Luciani fuit ,
testante ipso in Auctione Vitarum .



ANACREON.



ED quanto odio fugere Polycratem Sami tyrannum is qui præcedit philosophus puræ mentis ac libertatis amator duravit ; tanto obsequio eum affectatus fuit ac demeruit Anacreon. Is enim ex continente & patria, quam fortitus erat urbem Teon, idcirco in insulam Samum trajecit, usus indulgentia & opibus principis, tum suo & telluris ad Bacchum pronæ ingenio ad omnem remissionem, ut etiam columba maluerit ejus esse ministra, quam libera vagari. Remissionem dico, sed quam pretiosissimam fecit & sacram lepore carminis, ad quod scitissime formandum instrumentis doctrinæ ac melioris scientiæ omnibus mentem acutam succinxerat. Ille *νομῶς*, ille *πυτορὼν ἀναγκᾶς*, ille *λογῶς τοῦ οὐροῦ* cognoverat, & quid non? ita ut meritissime inde *σοφὼν* quoque illum pronuntiaverit maximus Plato. Neque certe causa est, cur illud epitheton in divino ingenio ita anguste oporteat intelligi, ut modo notet elegantem poetam & in eo poeseos genere, quod excoluit, eximium, ut judicant illi, qui ad ponendum judicium exiguis se viribus adjutos ostendunt, quod tamen ubique effutiant. Non ita judicabat auctor divinæ epistolæ ad Hebræos illam *μυθεῖαν τὴν* tam delicate ex hoc Anacreonte usurpantis, ut notavit Ill. Grotius. Et quis ex antiquis eruditus non aliquid in hoc Anacreonte fuit admiratus, imo adoravit, tot passim ex eo fragmentis scintillantibus, toties nomine instar præcipui ornamenti adhibito? Et Homeri & veterum poetarum *σοφία* nota est; ab qua non debet excludi Anacreon. Scias igitur summo jure in eo scripsisse Theocritum, si quid unquam eximium inter odas veteres & earum auctores exstiterit ¹, id certe obtinuisse Teium hunc Anacreontem,



cujus unius præsentiam gloriamque ita defuisse doctis suis Athenis judicabat Hipparchus, ut missa nave eum devexerit, tanto majore mercede sollicitatum, quo penitus eam filet Plato. Unde etiam non mireris simpliciter *θηῖον* vocatum in nummo quem tractavit Caninus, cujus effigiem huc transtuli, ut simul spectaretur, ita diversam,

Vol. II.

41

sam,

1. Τῶν πρόθ' αὐτὴ περιεσπὸν ἡδονοποιῶν.

sam, ut vix quidquam accedat ad Urfinianam, ac plane dicas exhiberi caput Bathylli & crinium positus ab Anacreonte descriptos ode xxix². Bellorius cur literas inverterit, ignoro, quod ipse certe non admitterem.

2. Λιπαρὰς κόμης πίπτον· τὰ μὲν ἐνδοθεν, με- θύρας μοι Πλοκάμῶν ἀτακτα συνθεῖς, Ἀφρὺς αἷς θέ-
λαίνας. τὰ δ' ἐς ἄκρον ἠλιώσας. Ἐλικαν δ' ἐλὼ- λυσι κείδαι.



SIBYLLA.



Et hi quidem ita inſimul debuerunt jungi . Sed in media hæc tempora occurrit narratio & appellatio, quæ fere per omne hoc opus & quamcunque ætatem me advertens & obvia , nequivit tamen certo articulo adſtringi , nunc non ulterius rejicienda . Ea fane eſt Sibylla , tam multiplex , tam omnibus temporibus lociſque reperienda , ut denique denario numero includatur ; niſi huic etiam velut ſupra numerum addenda ipſa anus hospita atque incognita , ut vocari in antiquis annalibus auctor eſt Gellius , quæ obtuliſſe legitur Tarquinio , ut nonnulli , Priſco , ut Dionyſius Halic . poſteriori , quem vocat ΤΥΡΑΝΝΟΝ , volumina novem magnorum arcanorum literas continentia & in omnibus Romæ periculis diligenter inſpecta , nunc non decemviris tantum , ſed hiſtoricis quibuſcunque pernota . Hæc fata potentiffimi imperii quum admonerent non intactam prætermittere Sibyllarum , quæcunque fuerunt , memoriam ; quid in iſta parte antiquitatis ſupereſſet circumſpiciens , animadverti Romæ quidem præſertim celebratas tres , ut docent ſimulacra trium Sibyllarum pro Roſtris , & alia monumenta : ſed ſi urbem egrediaris , videas ferme totidem quot ab iſta anu libros , etiam Sibyllas ab vetuſtate concrematas & interceptas eſſe . Ex illa enim decuria vix reſiduas quatuor vel auxilio aliorum , vel ſponte mea ex cineribus reſuſcitare poſſum . Age igitur , & quam integram maximamque Sibyllam creduntur noſtris oculis præbere Horti Medicei tam rigui & vernacula antiquitatis doctrina uberes , contemplare ſedentem ita , ut reliquos quidem libros , quos licet cogitare ipſos toties Romanis Annalibus memoratos Sibyllinos , unde non dubitavi eorum quoque mentionem in ipſo titulo facere , convolutos habeat ad latus , unum vero manu oſtentet ſive explanans ſive admirans fatorum prædicta . Nec a nobis requiratur ſpeciatiim appellatio ejus , quam ferme depingit Lactantius ita ſcribens : *Decimam Tiburtem , nomine Albuncam , quæ Tiburi colitur ut Dea , juxta ripas amnis Anienis ; cujus in gurgite ſimulacrum ejus inventum eſſe dicitur , tenens in manu librum ; cujus ſacra Senatus in Capitolium tranſtulit .*



SIBYLLA CUMANA.



NUMMUS, unde hoc caput peti- tum est, quum incu- sum habeat nomen ΚΥΜΑΙΩΝ, manifeste docet, quo vultu Cumani Sibyllam fuisse crediderint, & qui- dem suam, quæ in Sibyllarum catalogo etiam Cu- mana cognominari solet. Hanc illam scribit La- ctantius fuisse Amaltheam quoque vel Demophi- len vel Herophilen ab variis nominatam, quæ no- vem libros attulerit ad Regem Tarquinium, denique superstitione mentis motu residuos tres ementem trecentis aureis, quum isto pretio omnes novem habere potuisset: sed, addit, eorum nume- rum postea fuisse auctum Capitolio resecuto, quod ex omnibus ci- vitatibus & Italicis & præcipue Erythræis coacti allatique sint Ro- mam, cujuscunque Sibyllæ nomine fuerint. Narratio hæc celebris est & exagitata ab maximo Salmasio, qui tamen quum de ea quæ obtulerit Regi libros, tam acriter inquirat, non debuit dememi- nisse horum Lactantii verborum, in quibus aperte Sibylla Cuma- na id fecisse dicitur, quum ipse tamen scribat neminem esse, qui a Cumana Sibylla oblatos eos scripserit. Licebat Lactantium adæ- quare Servio; & dum Dionysius ac Gellius anum hospitam atque incognitam, vel non indigenam id fecisse volunt, quid aliud quam aliquam Sibyllarum innuunt? Neque enim quidquam impedit, quo minus per hæc verba aliam vel hanc Sibyllam describi credas. Huic autem narrationi frequentatæ inter Romanos de emptione istorum librorum similis prorsus est eoque annotari debet narratio, quam habet Ælianus in fragmento apud Suidam ¹, sive hac inde sum- pta, sive hinc occasione alteri præbita. Est autem hæc facies sumpta ex Thesau- ro Palatino, cui dissimiles quidem, sed non multum, præ-



sertim in cura capillorum, quos cervicem juxta debuit ex archety- po facere sculptor densiores, duas quum antea ediderit Goltzius, eas hic apponi censui. Neque enim conjectura viri eruditi in conspe- ctu Sibyllæ videtur a vero deviare, qua gloriari Cumani consen- tientibus etiam externis potuerunt.

¹. In voce Βύβλος. Κελεύει τὸν μὲν ἀποδεύ- σαι τῇ Νικαύρῃ φάειλλον βύβλου τετρακοσίων χρυσῶν· ἵαν δὲ βὴ ἐδέλχῃ, αἱ ἐπὶ προσπιτιμῶν, & ἐπαίτῃ τῷ χρυσίῳ προστιθέντα, ἕως ἂν ἀπει- πῶν δὴ ὅσον ἂν αἰτθεῖς τύχη τῇ ἐπὶ πάσαις φωνῇ.



SIBYLLA

SIBYLLA.
Fatorum Romae. praescia.

SIBYLLA MANLIA.



ERTIAM & satis nobilem Sibyllæ suæ memoriam posteris reliquit Romana quoque moneta ex arbitrato gentis Manliæ cusa, ubi non videtur alia indicari, quam eadem illa Cumana, vultu ipso confitente, etsi crines in tres spiras deducti & dependentes eum exornent adsciticio alio lepore. Ipsæ enim subscriptæ literæ hic ambigere spectatorem non sinunt. Itaque in beneficii hujus honorem apposui cognomen, quo servator Sibyllinæ faciei indicaretur, quum averfa ejus pars eum quoque describeret, nempe L. Torquatum triumvirum cum tripode. In quo cur ita placuit delirare Viro docto, ut colligeret inde se posse suspicari hunc Torquatum xv-Virum fuisse sacris faciundis: Sibyllinos enim libros a xv-Viris sacrorum servari nec injussu Senatus adiri aut legi fas esse. Sic enim scribit & fermocinatur Urfinus, quum ipse Torquatus se triumvirum scribat. Propterea sedulo cavet ab hoc Urfini lapsu alius, omisso Torquato considerans Quindecimvirosum signatum in denariis gentis Manliæ memoriam sub Sibyllæ effigie, & quia Quindecimviri sacrorum Apollinis antistites, hinc ad indicandum illud sacerdotium tripoda in averfa nummi parte signatum. Ita sane sub his ænigmatibus illud sacerdotium intelligi potest; sed non videtur Torquati ea mens fuisse, ut istud sacerdotium sic veneraretur & significaret. Plana est inscriptio, qua non Quindecimvir aut sacrorum Apollinis præfectus audit hic Manlius, sed Triumvir. Quo nihil aliud posteritati indicatur, quam vel monetalem Triumvirum fuisse, vel aliquid ad caerimonias Sibyllæ pertinens ab hoc Triumviro L. Torquato curatum ac repositum esse. Ad talia enim istud extraordinarii magistratus nomen solebat advocari, ut patet ex uno hoc Livii loco xxv. 7. *Creati Triumviri bini, uni sacris conquirendis donisque persignandis; alteri reficiendis ædibus Fortunæ & Matris Matutæ*. Tale quid curatum nunc etiam ab hoc Manlio, cui interim sic servatam debemus hanc Si-



byllam cum tripode, & quidquid ad illam pertineret his annexum, quo si & sacerdotium sacris faciundis continere licet, utique non proprie & præcipue hoc nummo denotatur. Huic Sibyllinæ

linæ faciei debet alia attexi ex eisdem Familiarum Romanarum numismatibus , quam M. Voltejus reliquit , cætera prorsus similem , sed lauro simul coronatam , quæ in aliis omittitur . Ubi quidem Urinus eadem fide oberrans somniat Voltejum Quindecimvirum sacris faciundis fuisse ; quod tanto audacius licuit facere , quia de Triumviro adscriptum nihil est . Sed tu ex nummo Torquati , si sapias , explicabis nummum Volteii , quod videntur etiam requirere appositæ tripodi literæ , de quibus alias .



SIBYLLA
cum libris Sibyllinis

SIBYLLA PHRYGIA.




Æc adhærere prioribus etiam debet., quam blandiens sane conjectura nuper Sibyllam fecit, quum interpretes nummorum Carisii silerent, idque ex loco Stephani testantis in Gergithiorum nummo Sibyllam istam Gergithiam cum sphinge excudi solitam, orationem hanc Stephani adfirmante Phlegonte. Sed cur Carisius hos Gergithios supponi debeat imitatus, nulla iusta fides additur. De sphinge dici possunt multa, & dicta quoque sunt, sicut etiam illic. Hic refert cognosci, cur recepto more Sibyllam istam cum sphinge exprimendam curaverit Triumvir monetalis ille, ita ut etiam ad signum Augusto familiare respexerit. Sed nihil ad eam causam adfertur, quod quenquam movere queat & impellere. Scilicet id fatum fuit huius nummi vel potius capitis, quod in eo exprimitur, ut pessime in ære exhiberetur. Neque enim vel Ursini vel Patini editio, nedum ista Dissertationum pagina 217. quidquam habet exacte referens lineamenta ejus. Itaque in risum plane me conjecit manus artificis, quo hic librarius usus fuit ad has ampliores tabellas exarandas. Exemplum autem sumpsit ex Patini editione. Is omnes illas inæqualitates vel puncta pro margaritis habens, etiam in ordines longos rectosque redegit, quum apud Patinum jaceant quasi catervatim sparsæ. Sic ludicras quasdam operas certatim in hoc capite fataliter jovit edere. At veram faciem nunc tibi, spectator, ex nummo meo offero. Hujus ductus an non palam clamant



esse caput Æthiopicæ mulieris? Ejus clarum indicium facit densitas labii inferioris, conspicuum imi nasi tuber, capilli mirum in modum crispî; adeo ut si pro Sibylla aspici debeat, sit illa ipsa, quam memorat Lactantius; *Secundam Libysiam, cujus meminit Euripides in Lamiæ prologo*. Sed unde illud robur, ut iste Carisius ad tam remota allusisse credatur? præsertim quum in illa facie sit nihil ad aliquam vaticinantis similitudinem vergens. Ego quidem mihi satisfeci, ex quo animadverti Æthiopicam ex Africa faciem esse; unde quum etiam monstra illa sphingum vocabulo designata per fabulas devecta sint, (patet ex Pomponio Mela

Vol. II.


III. 9.) non dubitavi regionem demonstrari, in qua vel hic T. Carifius vel quis alius eum aliquo cognationis gradu contingens res gesserit, sicut P. Carifius in eisdem nummis apparet missus in Lusitaniam; aut si id minus arridet, hunc Carisium crede sub Julio præfuisse monetæ, & ad ejus adulationem constituissè hic Eunoen Mauram Bogudis uxorem. Sic licet videar nimis inquirere in folium Sibyllæ; tamen non patior, quin similia quædam capita huc asseram, quorum primum sed perexiguum cernis ex nummo Hadriani apud Tristandum I. 472. Mauretanium denotans, & secundo hic loco ordinavi. Tale caput est Hesperidis, quod tomo primo hujus operis locatum est. Tale ab Canino prolatum num. 94. quod vides hic in tertio orbe. Sic reticulatum quoque caput Dianæ omnibus etiam crinibus absconditis adspicimus in nummo Regis Pyrrhi apud Goltzium.




MALCHUS.



TA quum in Africam venerim non equidem ex destinato sed trahente rerum serie ; ne ipsa quidem me videtur velle dimittere , ut non apportarem aliquid ex ea novi . Est enim inter vetera cimelia prolatus ab eruditis nummus cum inscriptione CARTHAGO , ut inde pateat cusum esse , quum jam Latina facta esset ista urbs per Julium instaurata . Huic ab uno latere infixum est equi frenati caput & colum , quod consensu creditur alludere ad prima ejus principia , quum sub Didone jacta fundamenta id aperirent . Quod quum ita possit se habere , colligitur inde monetam istam ab nova Carthagine recusam esse , quæ ab prisca sine dubio soletet quoque celebrari , sed nomine urbis concepto literis Punicis . Neque enim causa alia fuit , cur in secundæ Carthaginis moneta usurparetur mentio historiæ , quam primæ contigisse refert publica fama , nisi quod ut nomen urbis priscae , sic nomisma etiam revocarunt . Ab ejus altero latere stat vir militaris , sed alieno prorsus habitu , quam vel apud Romanos vel apud Græcos in usu fuit . De quo quid dicatur in Thesauro Palatino , patet ex pagina 285 . Omnia diu considerans didici esse ipsum illum Malchum , qui ob infelicem militiam expulsus patria , mox eam obsedit , & more aliorum vi se restituit , unde legibus erat ejectus , occupata urbe , & aliquamdiu ex lubitu dominatus , donec eam libertati restituit . Isto medio tempore , quum obtineret urbem Malchus , videtur hæc moneta cusa esse ipsum more Imperatoris Carthaginienensis referens ; sed ut potentiam suam ostenderet contra inimicos , clava se armavit , illos tanquam monstra domans . Et quomodo ? Nempe caput istud acris equi compellens pati frenum , quod utique perpetuum subjectionis signum fuit , vel Horatiana Epistola decima libri primi admonente , ut mirer equum in nummis Panormitanorum quoque frenatum & salientem liberrimo cursu pro indice libertatis etiam adspici , quod nullo genere approbari debet , freno servitii certissima nota . Denique stat ipse Malchus eo quidem gestu , quo , evocato populo ad concionem , exilii injuriam questus , belli necessitatem excusavit , contentumque victoria sua punitis auctoribus miserorum civium injuriosi exilii omnibus se veniam dare dixit . Hujus rei historiam , sane memoria dignam , Latina jam Carthago non putavit oblivioni dandam ob multas causas . Ubbo Emmius id ait accidisse temporibus antiquissimis ; sed ab his ipsis non potest multum abesse . Tu considera quisquis hæc attingis , & si potes , aliud melius vide .






CHARONDAS.



ED regyrandum est ad homines luti melioris & hinc vere ab natura magis fovente natos ad agnoscendam suam cum cælo conjunctionem. Nec uno grandi passu in Græciam recedere placet. Sicilia & Italia interjacent propiusque admittunt vestigium; & magnus splendor in illis exoriens advertit quemcunque prætereuntem, ut acrius inspiciat.

Illa Pythagorea schola cum moribus tunc publicis dissidens & ideo dissipata, certe Crotoniensi urbi non amplius inclusa abhinc primos radios in vicina emisit. Ex quibus Charondas in tacito illo sanctoque philosophiæ modo nascentis secessu quum aliquamdiu vacasset animo, ac sibi antea præscripsisset jura, quibus coerceri effrenes affectus maxime interest; & ipse reditu ignes Crotonienses occupans eadem transtulit in patriam Catanam, olim quidem claram piorum fratrum erga parentes officii exemplo, sed unico, & ut videtur, propterea magis celebrato, quo magis diversi essent reliquorum civium mores. Sic ille non Catanæ solum, sed Rhegii quoque & apud Thurinos, de quibus particulatim agit Diodorus Siculus lib. xii. notus fuit. Utinam modo constaret hunc ejus fuisse vultum, & ita Catanenses ei honorem præstare in moneta sua voluisse! Hæc lis est, hæc exercitatio anxia ingeniorum. Certe iste talis apud Parutam & alios multiplici cum alterius aræ ornamento occurrit, prout etiam in nummis Metaponti urbis: adeo ut potissimum illos Pythagoreos videantur isto tempore singulatim ita honoravisse. Cornu præbuit copiam verbosis dissertationibus, & potest esse indicium divinæ cujusdam venerationis: quippe cum Jovem Hammonem didicerimus hoc cornu instructum fingi. Quin etiam constat hanc illis habitam fuisse, & velut ad numinis commendationem profuisse ortum ex isto cœtu. Sed quid multa? Posset illud adfectum cornu respicere ad rigidam legum quas præscripserunt, formulam & executionem, ut nihil paterentur a verbis, in quæ semel consensum erat, remitti, nihil in illis conniveri.



ZALEVCVS

Locrensis Legislator.

Apud Fulvium Ursinum in a. m. assidue argenteo.

ZALEUCUS.



UÆ rigida & abrupta severitas si ullo unquam patuit documento, eam in se exseruit Zaleucus item Pythagoreus, item legislator & quidem in vicinis opidis, unde ab Cicerone apponi solitus illi, quem præmisimus Charondæ, ab Diodoro item Siculo lib. XII. cap. 20. etiam ab Æliano, passimque junctis nominibus; atque idcirco in hac opera nequaquam ab tam arcto eorundem studiorum institutorumque æmulo separandus. Quin adeo similia fuerunt quoque horum scita, ut quæ iste Catanensibus, hic Locrensisibus suis statuisse legatur, prout insigni exemplo est laqueus insertus collo ejus qui disceptare de lege aut emendare eam conaretur; quod & ab Charonda apud Thurinos introductum narrat idem Diodorus, & Zaleucum apud Locrenses ita statuisse Polybius libro XII. Sed constantissima inter utrumque æqualitas ex inconcussa & præfracta legum severitate ad virtutem injungendam & mentes ab vitiis deterrendas, verissima disciplinæ Pythagoricæ pignora, ipso magistro non per aliam æque notam agnoscendo, quam tenacitate probatissimi propositi in constituta voluntate ac vita, ut nihil exsultaret, solius veritatis amator, & ut illi dicebant, ΘΗΡΑΤΗΣ. Hinc ne quid pro ludicro in legibus suis haberetur, Zaleucus geminum oculum vel illis vel peccato filii tam memorabili divisione donavit, ut salvo & illæso patrio amore tamen eis obediret, atque ita severus in judicando esse posset, quum & leges severas in se judices esse vellet, prout hanc Zaleuci mentem in alia causâ interpretatur in lege Manilia Cicero. Hinc facile colligitur præstanti huic viro habitos a suis honores per statuas similiaque decreta. Sed perierunt illa omnia, periissetque notitia vultus ejus, nisi soli Ursino, quæ felicitas viri fuit, occurrisset nomisma literas ΔΟΚΩΝ ΕΠΙΣΤΕΥΤΩΝ incusas habens, & ab altero latere ΖΑΛΕΥΚΟΣ, cum tranquillissimæ & laurea merita coronatæ faciei lineamentis. Hinc petiit Gallæus, hinc Bellorius, & nullus postea sibi itidem visum fatetur, adeo etiam ut Parisinus nummorum illustrator ne quidem meminisse & recensere voluerit.



ARCHYTAS


Pythagoricus Mechanicis claus

Ex Munno aere apud Fulvium Ursinum

ARCHYTAS.



LIUD denique sidus Majoris Græciæ ex eadem schola processit Archytas. Ille quidem utique legibus ferendis vel indolem disciplinæ vel amorem patriæ confessus non est, quod duo priores fecerant. Tarentus habebat aliquid devectum ex Sparta, unde felicitas urbis & industria civium primis sæculis nitorem colligerent. Archytas varia vitæ sorte exercitus probatusque docuit Pythagoreum non modo ad omnia idoneum esse & excellentem, sed vere excelsum, idque in omni virtute, ut merito scripsit Diogenes Laertius; adeo ut levis & fere invida sit laudatio Bellorii, qua eum mechanicis clarum inscripsit, perinde ut Goltzius nobilissimum mechanicum vocat pag. 299. Magnæ Græciæ; non aliter ac si Archimedes quisquam aut alius de grege isto par foret. Major & diviniior hæc mens fuit quam ut fabricæ includeretur & inventioni. Rebus militaribus summo cum imperio curavit aliquoties, & nonnisi feliciter, nec tantum ut Tarentinos cives haberet sub signis, sed & circumcolentes Græcos. Unde occasione postulante excogitandis mechanicis operum formis intentionem mentis cum laudato successu applicuit. Sed hæc omnia sic quidem, ut tamen iudice Æliano esset νοαίτικος; & legislatorem quoque creatum dicit plane Goltzius. In quo genere non modo utilem se patriæ gessit, sed ita quoque reverendum, ut ipsius literis habitus tantus ab Dionysio sit honor, quo non auderet necare Platonem, prout constituerat. Inter quæ tam innocens animi laxatio & otii remissio, ut cum pueris etiam luderet; mirusque linguæ pudor, ne quid indecorum efferret. Hinc mirum non est gratam illis populis fuisse Archytæ imaginem; mirum est eam in nummo non visam nisi soli Ursino. Ex eo enim proferunt Gallæus, Bellerius, editio Diogenis Laertii. Etiam Nummi Illustrati hunc ignorant. Leon. Augustinus eandem ex gemma corniola protulit, eo



discrimine, ut nullo cervix operiatur crine, qui conspicuus &

denfus & inflexus etiam in nummo , Sed & Gevartius statuam
ejus graphio denotavit ex gemma apud F. Ursinum . Utraque
quæ commemoro , hic adsunt . De quibus aut forsan diversis sic li-
„cet audias scribentem Fabrum . Caput Archytæ ex numo æneo
„mediocris magnitudinis repræsentatum est . Ejus numi antica
„pars , nomen *Archytæ* notis quibusdam insculptum ; postica pi-
„scem impressum habet . Ejusdem Archytæ figura exstat in Cor-
„niola veteri sculpta , additis signis quibusdam , hoc est , cylindro
„& cubo , instrumentis Mathematicis , ab ipso Archyta inventis .
„Ejusdem Archytæ imaginem exhibere videtur , qui apud Ful-
„vium exstat numus argenteus tetradrachmus , quem item Ta-
„rentini in honorem civis sui cuderunt , nisi dicere malimus eam
„Tarantis esse effigiem .



MILO CROTONIATES
robore iumento percelebris.

M I L O .



s quoque inter Magnæ Græciæ incolas & Pythagoræ discipulos plurimum doctori suo & sectæ attulit laudis. Neque debet dubitari, quin animum pariter hinc artibus honestis imbutum habuerit. Attamen quæ de hoc homine miracula narrant scriptores, fere unum corporis robur tangunt, quasi de eo tantum sollicitus fuisset, ut omnes sui temporis homines supergrederetur. Hinc non tantum athletico certamini in Olympicis ludis ita satisfecit, ut vinceret, sed bovem quoque gestavisse dicitur. Hinc ne Asia jactet suum Samsonem, vel Atlantem Africa, in columnæ succumbentis locum supposuisse humeros ad fulciendam diatriben, in quam Pythagorei convenerant. Hinc denique causa mortis ex fiducia virium, quibus arborem findere conabatur. Scilicet ratio continentiae Pythagoræ sic corporis etiam succurrebat firmitati; quum tamen ingluviem ad hanc causam adferant alii. Sed quod miror ab illis narrationum analectis omitti, magnum hic se virum ostendit dux belli ab civibus electus, & insigni ipsorum commodo, dum ipsi circiter centum millia congregiuntur cum hostili exercitu trecentorum millium, & egregie fugant, auspicante victoriam ipso hoc duce athleta, prout legimus apud Diodorum Siculum lib. xlii¹. Itaque & Milo nequivit intercidere in posteritatem, variis statuis imaginem ejus fervantibus: quarum hanc quidem scribit Jo. Faber ex argenteo unius drachmæ nummo desumptam esse, & historiam gestati bovis in marmorea tabella artificiose insculpta cerni posse, in qua imago Milonis huic nummo prorsus sit simillima; sed & in farda quadam perfecti artificii; ut hinc discas cognitam diu fuisse illam, quam promit modo Thesaurus Brandenburgicus pag. 97. quum ipsa sit, quam Jo. Faber innuit. In Prosperi Parisii collectione nummus clavam exhibet cum imposita leonis pelle ac literis MILO CROTON. ut & serioris sit ætatis, & alium Milonem queat notare. Immo & inter statuas Vaticanas animadverto quosdam suspicatos esse Milonem, in quo alii sint contemplati Antinoum. Quæ statua quum nihil habeat singulare, non putavi operæ, ut hic infereretur. Sic processit alia suspicio de domo Milonis hujus, tanquam in ea deprehensos condiscipulos cremaverint Crotoniatæ. Quo sane pertinet, quod in Jamblichi pag. 208. avunculus meus Samuel Tennulius ex Memmiano codice notavit legi ΜΙΛΩΝΟΣ, prout emendabat quoque Menagius, non ΜΤΑΛΩΝΟΣ, quum in margine notaretur ΚΥΛΩΝΟΣ, sed in Regio codice ΜΤΑΛΩΝΟΣ.

1. Qui porro sic eum describit. ὁ γὰρ ἀνὴρ ἔσ-
τος ἑξ ἑκείνης Οὐλύμπια νικητικὸς, & τῶν ἀλλῶν ἀκό-
λυτον ἔχων τὴν κατὰ τὸ σῶμα φύσιν, λέγεται πρὸς τὴν
μάχην ἀπαντῆσαι κατεστρατομένης μὲν τοῖς Ο-

λυμπιακοῖς σφαῖραις, διὰ σκῆλας μὲν δὲ εἰς Ἡρα-
κλέους σκεδύλῳ λεοντῇ καὶ βοτάνῳ· αὐτὸν δὲ γενόμενον
τὴν νίκην Σαυμαδῶναι παρὰ τοῖς πολίταις. En ori-
ginem statuarum.



COLUMNA RHEGIA.



ITAQUE cum mentes hominum illorum contigerit hoc tempore sic ornari ab Pythagora , ut discipuli regulam sanctitatis traditam non modo admitterent , sed & in patria retinerent , civesque suos ad eandem polirent ; ambigere nullus potest , quin & ipsi illi tractui maritimo longe formosior sit illatus nitor , quam vel ex Græcia ipsi primi coloni secum devexerant . Multæ regionum ejus partes , antehac cælo & silentio tantum cognitæ , nec calcatæ nisi vestigiis ferarum , tunc cœperunt mitescere , & vel sedem vel signum incolentibus præbere . In quibus quum præsertim illic celebrata audiatur Columna Rhegia ¹ , & sic quidem , ut circa istam Columnam non exigua humanorum portio habitaverit ac instar civitatis fuerit , atque inde Geographis in ordine maritimorum locorum etiam annumerata , (certe etiam Geographo Ravennati dicitur *civitas Columna Rhegia*) eam tum hoc tempore credidi accepisse primordia , alioquin ignota , tum ad ejus memoriam in prisco argento repudiandam me excitavi . Eam mihi imaginor invenisse in egregio nummo Sexti Pompeii , qui ut dominium suum in freto significaret , nummum eum cudit , in cujus altero latere Scylla , quam supra vidimus , in altero istud memorabile monumentum , quod ita describit Ursinus , ut dicat esse *Neptuni signum rostro navis innixum , atque alia maris imperium indicantia symbola impressa* . Hoc modo annotat , quod est tenuissimum & obvium cuicumque ; quod maxime conspicuum est , & præcipuam in nummo partem tenet , negligenter prætermittit , nempe id ipsum , cui Neptunus ille parvulus insistit . Hoc ædificium ita clare positum est , ut inter id ac triremem pateat spatium , quod melius ab Patino , quam ab Ursino expressum est , nisi quod volucris male apud illum excelsior fingitur . Istum vero locum , cui inædificatum illud est , prætervehit triremis ; id ipsum scilicet , quod quotidie in freto fiebat ; & notabili exemplo pariter ac descriptione illustrat Suetonius August. cap. 16. *Prospectis biremibus Pompejanis terram legentibus* . Et quidem utroque ab latere sic Sextus Pompejus declarat fretum fuisse juris sui , quum Columna in Italico litore steterit . Unde patet nummum istum eo tempore cusum fuisse , quum Sextus præsidia quædam in Italiæ ora possedit , & stationes nonnullas navibus obtinuit ² . Itaque ut scias prætoriam na-

Vol. II.

51

vem


1. Ita testor a me appellari , quoniam in antiquis Melæ & Plinii exemplatibus ita vidi scriptum extare , non *Rhegina* .

2. Dicente Appiano convenisse inter Cæsarem,

Antonium & Pompejum , Πομπήιον τὰς φρεράς ἐξαγαγόν , ἔσαι καὶ τὴν Ἰταλίαν εἰσὶ , μὴ εἶναι μὴν ναυτὶ τὴν ἀκτὴν τῇ Ἰταλίᾳ .

vem esse, indicat in puppe vexillum aplustri alligatum, quod & ab Ursino & ab Patino neglectum manifeste in nummo meo ventilatur pendens. Sed in summo ille ipse detritus est, ut faciem & insignia Neptuni observare nequeam; qui tamen si est, egregie confirmatur suspicio mea ex sermone Græco, ubi hæc Columna appellabatur ΠΟΣΕΙΔΩΝΙΟΝ, ut scribit diserte Strabo lib. VI. pag. 257¹. Sed videtur quid altera manu tenere, quod distinguere nequeo.

1. Dicens τὸ Ποσειδωνίου ἢ Πηλείων σπηλίδος.



L. JUNIUS BRUTUS
Tarquinii tyranni expulor.

L. JUNIUS BRUTUS.



T sic quidem florebant omnia per istam oram doctrinis Pythagoricis velut animantibus. Sed majores gerebatur intus, & ultra Lirim aliquid coquebatur unum sane par omnibus quantumcunque illustribus regum Romanorum facinoribus. Junius enim Brutus jam exuens cognominis ad tempus sumpti mimum, non ut Pythagoras fugit tyrannidem, sed eandem & armis & auctoritate & virili subole munitam ex patria libertatem spirante ac diu latura fugat & expellit. Et tamen si ullus quidquam ab Pythagora habuisse censendus est; profecto censuerim hunc Brutum non ex se ad proposita tam excellentia impulsus esse. Illa firmitas in spernendis omnibus præ una virtute, illa rejectio deliciarum ex aulica vita, illa periculi præsentissimi negligentia, illa alienatio animi patrii, & officii severissima custodia etiam cum proprii sanguinis dedecore simul & damno nil nisi Pythagoreum ostentant omnis *οὐσίας* omniumque *την ἀρχοντων* fastidientem & unius mentis reverentiæ addictum, & in ea cum lætitia acquiescentem. Nec mihi objeceris disputationem Livii de doctrina Numæ, ubi ab Sabinis utique notitia omnem Pythagoræ tunc repellit. Multi enim anni in medio sunt; & qui potuit enavigare ad Apollinem Delphicum, potuit accepisse aliquid ab Pythagora tunc Crotoniata. Talem certe etiam ipse vultus, totum Pythagoram quoque gerens, videtur præferre, non prout Gallæus majore tractu nitidum visu curatumque lepide, (& hunc tamen vides hic expressum) non prout Ursinus in Familiis Romanis barba in acutum desinente, non ut Caninus crine circa cervicem æquante imam barbam ac facie nullam profunditatem animi aperiente, qualis est & Patinianus; sed prout in nummo exstat haud dubie summa cura ad statuæ similitudinem factò, quem hic vides. De ista autem statua ali-



„isque audias licet collectanea Jo. Fabri. Scribit Plutarchus in Capitolio dedicatam fuisse L. Bruti statuam, gladium nudum manu tenentis; cui, ut Suetonius narrat, tum cum de Cæsaris nece „consilia agitantur a conjuratis, subscriptum fuit, *UTINAM*

„VIVĒRES. Ejusdem statuæ Cicero quoque 2. Philippica his ver-
„bis commemorat : *Etenim si auctores ad liberandam patriam desidera-*
„*rentur illis auctoribus, Brutus ego impellerem, quorum uterque L. Bru-*
„*ti imaginem quotidie videret, alter etiam Abala &c.* Et fortean ejus
„statuæ caput, fuit æneum illud, quod hodie in Capitolio visi-
„tur, multis abhinc annis a Rudolpho Pio Cardinali Carpenſe
„illic dedicatum : sicut etiam fieri potest, ut alterius statuæ, nem-
„pe Ahalæ, fuerit caput illud æneum, quod olim Petri Bembi
„Cardinalis fuerat, & hodie in Pinacotheca Cardinalis Farnesii
„inter alias multas venerandæ antiquitatis reliquias asservatur.
„Aliæ quoque Bruti imagines reperiuntur in gemmis anularibus,
„ab ejusdem familiæ Juniarum hominibus si forte portari solitis.



MVTIVS SCAEVOLA


constantia Porſenam terrefaciens.


MUTIUS SCÆVOLA.



XPULSO igitur per hunc Brutum illo grandi nomine, quod omnes privatorum virtutes obumbrabat, vel potius suppresserat; & patefacta unicuique via ad insitam generoso animo vim exferendam, statim aperuit se, quod sub tyranno tegi oportuit. Statim profiteri ausus est Mutius hic Scævola, quam conservandæ patriæ aut rationem in isto rerum discrimine prudenter videret, aut partem vel cum periculo capeßere vellet. Nec quidquam gloriosissimo proposito offecit, quam error ipsius. Nota est historia. Itaque hunc puniens ipse admirationi & tunc Porßenæ & omni deinceps Romanæ posteritati fuit, ut tum scriptis quibuscumque, tum sculpturis ad laudem ostentaretur, inter quas hanc vulgavit Leon. Augustinus, sicut dignam, quæ publicaretur; ita non minus dignam, quæ complexa rem Brutum tantum quod mortuum insequutam, nunc quoque Bruto adhærescat. Nam quum plures gemmæ Scævola designantes reperiantur; mirabiliter hæc exprimit tumultum exortum, ut recenti scribæ cæde adhuc retinens ensẽ, simul productus sit ad regem Porßenam, simul ab eo interrogatus, simul manum cum gladio impositam foculo non tantum cremari & uri passus, sed crematam & ustam spectare obdurans, nec ad doloris sensum retrahens; immo etiam destillantem jam voce & sinistra quasi increpans, & ipsum & omnes obstupescerit. Hunc igitur cernens, spectator, tu quoque velut miraculo attonitus jube Scævola mactæ laude esse; nec deride aut despice, quod patriæ nomen non pro lusu habuerit, nec vel ipse vel æquales in sola appellatione id consistere existimaverint.







MILTIADES.



IS igitur profligatis reversi in Græciam, eam similiter offendimus satagentem de libertate, sed admodum diversimode. Neque enim ab civibus eam tuebatur, sed ab alienigenis & remotissimis hominum; nec in tali infantia, prout Roma, loquendi & scribendi inops, solis facinoribus instans, reprobatur. Illa vero omnibus jam rebus instructissima, simul hos evocabat ad arma, simul aliorum ingenia vel ad res gestas canendas vel ad quodcunque doctrinæ genus perspeculandum. In quo fertilissimo virorum insignium proventu fruuntur primi fama sua, qui tanquam Hercules Musarum non detrectarunt pro Helicone periculis se offerre. Princeps sane horum fuit Miltiades, Cimonis filius, Atheniensis, Chersonesi Thracicæ tertius a Miltiade Cypseli filio tyrannus, ut bene illum describit Fulvius Ursinus, qui primus hoc ejus caput edidit, in cujus pectore sub nomine adscribuntur hi versus:


QUI PERSAS BELLO VICIT MARATHONIS IN ARVIS
CIVIBUS INGRATIS ET PATRIA INTERIIT

ΠΑΝΤΕC ΜΙΑΤΙΑΔΗ ΤΑΑ ΑΡΗΙΑ ΕΡΓΑ ΙCΑCΙΝ
ΗΕΡCΑΙ ΚΑΙ ΜΑΡΑΘΩΝ CΗC ΑΡΕΤΗC ΤΕΜΕΝΟC

Huic autem annexuit alteram imaginem ejus, quam cur omittere Jo. Faber maluerit, ignorans censui servandam omnino & his inferendam. Nam enarratio gestorum ejus longior est, & Herodo-



to ac Cornelio Nepote dignis præconibus elaborata; nec tamen his solis, non sane; ubi enim non celebratur Marathon in libris, qui nobis relictæ sunt, perinde ut Miltiades & pugna Marathonica ubi non in Græcia & pingebatur & canebatur? ut idcirco nec relationem Ursini reportem, nec aliam ipse concinnare moliar. Stemma quoque ejus post Rutgerium in Variis Lectionibus cur attingam, quum non erubuerint post eum & Petavius in Ratio-nario & Palmerius Grentemesnilius id tangere & vel Cornelium Nepotem vel alium erroris incescere? Semel talis admonitio edita satis cavet. Et nos nihil nisi antiquitati grates laudesque agimus.



CYNEGIRVS

Furore pugnandi ad Marathonā celeberrimus


CYNÆGIRUS.



UB cuius ducatu militasse dicitur hic Cynægirus, nullo gradu supra gregarios, quod novimus, emittens, (certe militem vocat Justinus) summis tamen laudibus scriptorum inculcatus literarum præconio, ut loquitur Valerius Maximus. In quo id notabile est, quod causa & materia tantarum laudum extiterit denique in fuga Persarum; in ipsa pugna quum præclare ab illo gesta omnia supponi oporteat, & momentum ingens fuisse ad compellendos de gradu & campo hostes, tamen nihil memorabile significetur. Non Herodotus, non Valerius, non Ammianus eum ostentant sævientem in stantes Persas; sed dicit Justinus post prælii innumeras cædes, quum fugientes hostes ad naves egisset. Itaque omne istud decus consistit in persecutione fugientium, & rabie in aplustre navis, ut scribit Herodotus, onustam navem, ut Justinus; quum tamen videatur fuisse verius scapha lutoſo litori impacta, quam manibus dentibusque, ut quidem jactaverunt illi scriptores, unde petivit Trogus & ex hoc Justinus, quum Herodotus de eis taceat, arripiens & truncatus tandem periit. Hujus militis faciem unus & primus item vidit Ursinus, publicavitque beneficio ejus Gallæus ex nomismate argenteo quatuor drachmarum, ut notat Jo. Faber, qui quum inscriptionem scribat fuisse ΚΥΝΕΓΕΙΡΟΣ, Gallæus tamen incidit ΚΥΝΗΓΕΡΟΣ, unde hæc imitatio. In quo illud prius tanto est probabilius, quod sane constet poetas ita istud nomen ΚΥΝΕΓΕΙΡΟΣ usurpavisse, ut patet ex Theocriticis lectionibus If. Casauboni cap. 18. Equidem in Herodoti codice Mediceo omnium emendatissimo lib. VI. cap. 114. plane legi ipse ΚΥΝΕΓΕΙΡΟΣ, non ut nunc legitur ΚΥΝΑΓΕΙΡΟΣ, licet satis constet ita quoque id nomen antiquis scriptum fuisse.

1. Locus enim quo refugerunt Persæ, dicitur apud Pausaniam λίμνη τὰ πολλὰ ἐν ἰσθμῷ, ἐς ταύτην περὶ τὴν ὁδὸν φεύγοντες ἐκίπτευσιν οἱ βαρβάροι, καὶ σφίσι τὸ φόρον τὸ πολλὸν ἐπὶ τῷ συμβλήματι λέγουσιν.





ΗΡΑΚΛΕΙΤΟΣ
ΒΛΥΣΩΝΟΣ
ΕΦΕΣΙΟΣ

HERACLITVS

Omnia ex seipso didicit

Apud Magnam Græciæ. Ducem in manere.


HERACLITUS.



UB Dario igitur, cujus exercitum ex terra Attica pro virili parte repulerunt isti duo, Ephesum illuminabat studiis suis hic Heraclitus, vir summe nobilis, & si credendum Antistheni, adeo spernens quodcunque, ut etiam fratri cesset regno nescio quo. Fuerant ea per juventutem satis varia; noverat enim & in ore habebat Homerum, Archilochum, Hesiodum, Pythagoram & Hecataeum. Sed quamcunque ob causam mutata hac ratione totum se applicuit menti; quam & in Ephesiis & in pleraque hominum parte everfam ac perditam spectans damnavit omnia; Ephesios quidem ita vituperans, ut censeret ἑβηδον ἀπαρτᾶσθαι; reliquos autem homines hoc fastidio deludens, ut quum rerum naturam descripsisse vel jactaret vel judicaretur, sic figuris & ænigmatibus omnia involverit, ut ab nullo intelligeretur, & esset *Chlorus ob obscuram linguam*: scilicet ut quum ipse negaret se ab alio profecisse quidquam, sed ex se didicisse, vel nihil aliud quam se quæsisse; nullus etiam ab ipso aliquid traheret, vel aliud agendum judicaret quam se ut nosset quæreretque. Hoc modo tandem ad id devertit, ut statueret ignem fatumque dominari per universa; atque inde etiam de anima & cælo ratiocinatus, per aerem scaphas quoque duxit. Hæc risum extorserunt multis; sed & reverentiam in nonnullis moverunt, adeo ut & Heraclitii & Heraclitistæ orirentur. Hujus Hermam scribit in indiculo Ursinus suo tempore fuisse apud Ferdinandum Card. Medicum; sed quod negligi non debuit, sine capite: atqui Achilles Statius eum collocans in hortis Cardinalis de Medicis prope villam Julii III. Pont. Max. plane integro cum capite extulit. Hinc non dubitavit monere Ursinus alienum caput non suo pectori impositum esse. Eam admonitionem debuit cordi habere Bellorius, qui apud Magnum Etruriæ Ducem scribit esse, (hæc inde etiam hausit editio Diogenis Laertii) prout incidit quoque Gallæus; notante Fabro in gemma quadam anulari, quem *diasprum* vocent Itali, insigni artificio sculptam quoque visi apud Fulvium Ursinum. In quibus verbis non adseverat fuisse similem, prout tamen istis adjicitur ab Bellorio. Utinam exceperissent illam penicillis! Nos & spuria & suspecta execramur, & quum suis auctoribus hunc relinquamus, quem certum verumque ex fide Leonardi Augustini offerre conspectui huic possumus, ipsi tabulæ insertum exhibemus, prout discretis tabulis ea junxerat antea Bellorius, sed insigni absurditate, quum quem baculo innixum & ridentem sub nomine Democriti vulgavit Leonardus, hunc ille fingat plorantem, & appellet Heraclitum.

Quod ut verbo tangamus, Héraclitum, qui circiter anno atatis
LX. mortuus fuit, non decet baculum; decet Democritum, qui
centum annos & ultra ambulavit.





DEMOCRITVS
Derisor humanarum rerum .

DEMOCRITUS.




PHESO Abdera debet jungi, utpote utraque non admodum dissimili convitio per duos cives derisa. Abderam tamen non ipse Democritus, ut Ephesum Heraclitus traduxit, sed universa Græca natio abhinc pro stupida fucclamavit, & in ea risit, quod ipsa in Democrito notandum censebat. Vixerat ille longe aliter, ac reliqui Abderitæ, unde & magna animorum diversitas. Illi ut verveces in patria se saginabant. Sed Democritus peregrinatione ferme longinquiore, quam ullus ante Græcus, mirabiliter ad omne ingenii acumen, simul ad naturam rerum penetrandam, immo ad humanitatem vere formatus, quid non tetigit & perspexit? quam lepidos ex se sales sparsit? qua sapientia & sagacitate præodorans ea, quæ ventura erant, demonstravit? quam varia inventionem & vitam communem & doctrinam ipsam exornavit? quam magno denique animo usus est ad res cunctas, quippe quas risum & jocum putaret? Unde quum omnia veterum scripta reverentiam huic nomini crebram & veram præstent, seque ornent ejus laudatione; satis credibile est imagines quoque ejus passim apud Græcos Latinosque servatas existisse. Nihil tamen earum ad nos venit præter hanc nimis sedulo fictam Gelasini alicujus cachinnantis personam, quam ut pro Democritea haberi oporteat, nec inquiri unde venerit. Unde magis delectari possum exemplo per eundem Leonem Augustinum vulgato, quod his subnecto, certe hinc ad fidem



probabili, quod senilem aut decrepitam physici nostri infirmitatem artificiose designet.





HIPPOCRATES
Medicorum Princeps


Apud Fulvium Ursinum in numismate

HIPPOCRATES.



ABDERITES ille quum plurimos & viderit & æquales habuerit viros insignes, tamen præ omnibus censui apponendum illi hunc medicæ professionis conditorem ex insula Dorica Co Hippocratem, quum etsi ficta forsan, certe vetusta narratio conventus & mutui inter eos colloquii satis amœna, etiam memorata apud multos scriptores, id mo-
 neat; licet alioquin ad Perdiccam & Peloponnesiacum bellum rejiciatur. Major hic ex Asclepiadarum gente Nebrida est, quam ut de eo aliquid tangere hæc chartula ausit, & veterum laudationum humanum modum excedant. Hinc tanta varietas magistrorum ejus, quasi certatim plurimi se venditaverint hoc discipulo. Itaque quum priores junctim servaverint doctrinas, hic dicitur ab reliquis sapientiæ studiis disciplinam regendæ valetudinis separavisse, eximio auctoritatis documento. Propterea hujus etiam imagines circumlatæ sunt & ad venerationem positæ; prout videmus ex ære aliquam apud Lucianum significari cum historia digna Philopseude, & Suidam quoque observavisse *EIKONÆ* illius, in quibus notat ei fuisse caput vestimento tectum. Id quod huc referri oportet, quoniam talis non apparet in hoc specimine, quod ex moneta Coa nummi ænei petatum ab Ursino scribit Jo. Faber, altera area exhibente baculum Æsculapii serpente circumvolutum: quum & alia imago apud Ursinum in pulcherrima corniola exstaret, annulo, ut credit, quondam gestata, in qua & pallium insuper adjectum fuerit: quibus verbis videtur significare caput tectum fuisse, ut modo audiebamus e Suida, & morem medicis fuisse constat, qualem Foësius ostentat in editione Genevensi; quum Bellorius inde fingat imaginem palliatam. Apud Thevetum exponitur alia imago ex nomismate Græco, ut prætexunt, Constantinopoli reperto, quæ editioni Lugduno-Batavæ præfixa est.





THEMISTOCLES

Bellis et civili virtute præcipuus.

THEMISTOCLES.




ED maxima temporis hujus nota ad Græciæ laudem est Themistocles . Ille quidem tota vita illustris , ita ut & puerum ingentis animi signa exferentem celebrent scriptores , alioquin negligentiam ejus ætatis ad rem familiarem culpantes ; nec minus ab adolescente in pugna Marathonica indolem futuræ imperatoriæ dignitatis demonstratam . Sed præcipue eum insignivit hæc Olympias LXXIV. quando belli Persici executio ei soli incubuit , & quidem auspiciatissimo eventu . Nec vero ad pugnas modo idoneus . Enimvero consilia ejus fuerunt , quæ debellaverunt Xerxen & non patrias modo Athenas , sed universam Græciam servarunt . Hinc & Thucydides & ex isto Tullius ¹ eum respiciunt unicum specimen hominis politici , quippe & præsentium parvo considerandi negotio (id enim vel maxime addi debet , additum ab auctore , quem dixi , quum omittat Nepos ita aciem mentis ejus non satis liquide declarans) optimus index , & futurorum certissimus conjector . Neque hanc felicitatem illi natura sola dabat ; coluerat eam auditorio Mnesiphili , non Physica aut Rhetorica docentis , sed sapientiam tunc appellatam , quæ acrimoniam solertiamque politicam daret , diu suæ Athenis celebrari ex successione ipsius Solonis : ut mirer ab Bello faciem tanti Sapientis omitti potuisse . Sed passim iste in mente & lingua fuit Ciceroni & optimo cuique velut ad imitationem ubique positum exemplum , ut etiam frequentiam statuarum vel imaginum hinc facile colligas . Ac diserte de foro Magnesiæ testatur Cornelius Nepos . Sed ætate Ursini superstes tantum erat Herma cum inscriptione ΘΕΜΙΣΤΟΚΛΗΣ ΝΕΟΚΛΕΟΥΣ ΑΘΗΝΑΙΟΣ , capite adempto . Hæc ab Gallæo petita fuit ex ejusdem corniola annulari , adscriptis hoc modo literis ΘΕΝΙΕΤ . notatque Jo. Faber similem in cameo apud Fulvium spectari . Postea Cl. Ge-



vartius animadvertens apud Card. Farnesium in marmore similiter
Vol. II.

¹ Libro x. ad Atticum epist. 8.

ter exstare, eundem vultum lineis sic expressit; qui quum videatur differre ab Fulviano per ætatem, quæ in hoc ostenditur pro-
vectior, apponi commode judicavi.



P I N D A R U S

Novem Lyricorum longe Pindarus Princeps Apollinis delictum

In aedibus Iustinianis

PINDARUS.



UM quoque vixit ille quamvis Bœotæ, sic tamen adaptatæ lyræ fidicen, ut quidquid canorum usquam exstitit, ab eo victum statuerit universus Helicon. Ex quorum iudiciis per varia scripta & loca editis collegisse opinor Quintilianum, ut adeo ampla electaque ratione & vix capienda præter figuras & sententias fateretur illius hymnis inspira-

tam spiritus magnificentiam, irrigans quoque eloquentiæ flumen aliquod cum beatissima rerum verborumque copia; unde nihil mirum, si imitationi inaccessum alius dixerit. Neque naturam alteri quoque gratificaturam & ad similia producenda in alio efficacem cum viro docto opponas; quæ forsân non plus operata est in Pindaro, quam in reliquis Bœotis. Nec primi tamen sic Latini; quippe quum antea ab omnibus Græcis honoratum fuisse constet, præter sparsas fabulas ipso Apolline mirabilem in modum ita præeunte aut prævisse credito, ut mandaverit ex oblationibus apud Delphos factis partem nomini illius secernere & Pindarum ad Dei epulas ore sacerdotis ¹ vocari, Pane etiam olim meditato ipsius pæana. Sic respectu ingenii ad illa ferentis comparandus nulli; ejus majestate posteros quoque stupefaciente, ut domus Pindari pro sacra apud Lacedæmonios & Alexandrum in publica civitatis itrage haberetur. Nihilominus in adventu Xerxis quum hortaretur pacem, quam prætulisse quoque Thebanos & commune fœdus Græciæ deseruisse constat, parum apud viros cordatos probatus, ut patet ex Polybio iv. 31. Verum multæ hinc laudes ejus, & studiosa imaginum cura, quarum ista diadematum, ut principem Lyricorum scias, caput exhibens, atque ita piam ac reverentem veterum voluntatem aperiens, sane eximia est, quam ex Canino & porticu locuplete Justiniana repetiit Bellorius, non satis fideliter, quum sculptum in pectore nomen ΠΙΝΔΑΡΟΣ (unicum hac in re fidei pignus) omittat, unde etiam in nostra non apparet, sed adscribi debet, perinde ut statuæ ejus sine capite apud Urfinum in basi idem appositum.

1. Τὸν ἱερεῖα dicit Thomas Magister in ejus vita, ubi Caninus intelligit *per bocca della Pitbia*.



CIMON

Pietate et bello, clarissimus

C I M O N .




AM Xerxis minas detorserat heroica Græcorum virtus , & publicas mari terraque victorias & Asiaticas strages cantabant theatra maximis ingeniis incensa , quum reliquiis belli conficiendis & gloriōssime illo terminando eligere placuit satis hunc Cimonem . Ille quidem Miltiadis filius , & ardens in parentem pietas , in qua omnium virtutum fundamentum ponebat Cicero , ut inde prævideri posset gloria ejus ; sed inæqualis tamen vita & juvenus lasciviam non exosa incertam faciebat expectationem . Verum omnia eo cesserunt , ut postea nec patri promptitudine aggrediendi nec Themistocli prudentia judicaretur decedere , utraque virtute nobilissimis documentis monstrata . Unde per Aristidem productus , asserto patriæ ducatu , qui penes Lacedæmonios fuerat ; tamen velut sequester pacis Græcæ mirabiliter animos omnium vinculo mutuo conciliavit , & mox ab oriente tandem agere potuit felicem Græciæ veteris limitem , ut quidquid intra Chelidonias insulas rideret , inaccessum conspectui satraparum barbaricorum esset . Cujus nobilissimæ victoriæ memoriam servari per tropæum hoc credo in nummo Goltziano ab Chelidonæis signato , quorum certe



victorias nullas refert historia , sed licuit illis jactare in vicinia sua contigisse navalem & terrestrem duce Cimone , utramque Græciæ saluberrimam , idque fecerunt in isto nummo . Cimon vero noster tanto memorabilior , quod ne ostracismus quidem in eo pertinaciam suam consummare potuerit ; post mortem denique venerationem nominis sui diis hominibusque acceptam expertus fuerit , ossium Thesei inventor & arcis Atticæ emendator . Unde & statuas illi positas probat Herma ab Ursino editus , sed capite truncus . Hoc autem caput scribit Jo. Faber desumptum esse ex æreo mediæ magnitudinis nummo , qui in postica parte habebat statuam equestrem , quam ipsius putat fuisse Cimonis , quia nomen adjectum erat CIMON . Gallæus adscripsit fuisse apud Fulvium Ursinum . Sed quod miror , neuter apponit , a quo populo is nummus fuerit cusus . Itaque quæ præter id , quod retuli , superest

rest Cimonis memoria, eam præbent cimelia Genesevæ Parisinæ,
ubi gemma cum literis, prout vides, reperitur, unde patet,
quam facile Græci literas ι & γ miscuerint, ut minus ægre feras,
quod supra occurrit in Milone,






S O P H O C L E S .



EIDEM tempore contigit Sophocles , nobilis Atheniensis , ingens scenæ tragicæ decus , quam non ingenio tantum illustravit , sed & ipsius actorum ornamentis reddidit decentiorem & spectantium oculis jucundiorē , quum in prima ætate ad talia ab Æschylo formatus diu singula tragœdiæ munia , prout impleri solebant , perspexisset . Maxime tamen placuerunt studia ejus , quibus immortale etiam extra Atticam accepit nomen , adeo ut unum Homeri discipulum agnoverint , quum ex eo potissimum gauderet sua florida carpere ; non tamen ita , ut non ex aliis simul optimum quidque tangeret , ac præsertim suæ meditationi plurima deberet . Caterum non contentus hac otii tranquillitate , prætor etiam internis Græcorum bellis adfuit simul cum Pericle , ducatumque satis inclitum & validum ad frangendos Lacedæmonios gessit . Sed vivida laus ei ab scriptis & inventis ad cothurni emendationem venit . Hinc in ipsa Pœcile pingi meruit cum cithara , & sepulchro ejus Siren imposita notabat , cujus reliquias tegeret . Sed perierunt omnia ista illustria . Quod in manus Fulvii Ursini venit , est hic vultus , ut scribit Gallæus in monumento cujusdam poetæ extra portam Aureliam effossus , super cujus reliquias statua Apollinis erat posita cum imaginibus novem Musarum , Homeri præterea & poetarum Euripidis & Pindari . Id vero quod vides & Sophoclem continet , e marmore , nunc orbis vel discus ; at in Menandro , cujus ab altero latere applicita erat facies , rotunda vel orbiculata tabella vocatur Jo. Fabro , clypeus Bellorio . Nec est quod huic appellationi lis moveatur , nisi forsan ita quum placuerit antiquioribus Sophoclem servare , id recentiores tenuerint ad memoriam fo-



mnii de patera , ut vocat Cicero ¹ , quum Græci dicant ΧΡΥΣΗΝ ΣΤΕ-
Vol. II.

¹. Libro 1. de Divinat. cap. 25.

ΦΑΝΗΝ, ex Herculis fano ablata . Sed ita ab exemplari per Urfinum edito discessit Gallæus, diadematum referens, ut in eo nihil ad Sophoclem, ac prorsus merito reliquerit eum Bellorius . Testatur autem Gallæus aliam imaginem in marmore penes Fulvium fuisse, cui caput Menandri quoque conjunctum fuit . Eam quum postea depinxerit Cl. Gevartius, his insertam habes . Quin & in anulari corniola apud eundem exstitisse idem notat .



EURIPIDES.



LE Sophocles est, qui tam miserabiliter luxit mortem Euripidis hujus, ut ipse major natu, amictus pullo mimos demptis coronis in scenam induxerit ad signum amarissimi luctus; adeo non invidit venustati & gloriæ hujus etiam tragici, quæ quidem erat maxima. Itaque hic est, quem


sustinuerunt edere ipsas Homericas Charitæ æquatem; hunc dixere decus Athenarum & theatri velut lusciniam quandam; hunc, a quo ipsæ (quis credat?) recrearentur Musæ. Et tamen ut talis esse posset, acerbis studiis acquisiverat, quum Græcis non contentus etiam peregrina ab Ægyptiis petiverit, & quidem in comitatu Platonis. Sic Philosophica etiam ab Anaxagora acceperat, ut iis ad certos locos immorari & exsultare tragœdia posset; immo & auctoritas ejus in scena differentis hinc physiologicis interponeretur. Unde simul callida solertia ejus in philosophia per tragœdiam tractanda & Græcorum facinoribus sub persona taxandis; sed & honestas animi in derelinquenda patria, illa Græciæ Græcia, quum gravaretur indignitatem matrimonio illatam: ut minus mirum sit ideo nonnullis habitum fuisse alieniorem ab latitia & ab vasserrimo Aristophane illusum, qui viciniam inter vitii ac virtutis vocabula optime didicerat. Mansit tamen Euripides etiam post mortis abominabile genus judiciis omnium ornatus, neniis quoque ac sine dubio multis statuis, qualem cum Sophocle ab Atticis nactus fuit in ipso theatro: cujus audet Jo. Faber suspicari caput esse, quod ab ipso Ursino est editum, & hic in medio positum, Bellorio potius opinante alium Euripidem eo referri, quia ab aliis omnibus ejus imaginibus similitudine prorsus differat; nisi ætas annum LXXV. jam numerans supponi possit talem differentiam asserre. Hæc autem imago quum ab Bellorio producat ex gaza Neapo-



litani Præfecti Caspari de Haro, judicavi addendum quoque vul-

Vol. II.

tum ab Gallæo editum, ex marmore Cardin. Farnesii, in cujus
pectore sculptum ΕΤΡΙΝΙΑΗΣ, quum in Herma ejus apud eundem
Urfinum & in collo capitis, quod memoravi, incisum sit ΕΤΡΙΝΙ-
ΔΗΣ. Tertium quem vides duxit Gevartius ex marmore Urfini.



Z E N O

Stoicæ sectæ, Auctor.

Ex marmore antiquo apud I. Episcopium

ZENO ELEATES.




MAGNUM tunc quoque Græcis & artibus & animis ornatum attulit hic Zeno, ex majore quidem & Italica Græcia oriundus, & forsan hinc quoque imbutus Pythagoræis. Sed quum patria illic ei contigisset Elea, illa legibus tunc bonis florens Elea, plurimi eum ad Parmenidem referunt, & ipsum Eleaten. At ille quidem sic audivit magistros, sic eis adhæsit, ut tamen se quoque audiret, nec dubitaret omnibus perspicaciam suam admovere. Hinc potuit scribere, quæ fatentur auctores fuisse ΠΟΛΛΗΣ ΣΥΝΕΣΕΩΣ ΓΕΜΟΝΤΑ. Hinc multa dixit politius, multa invenit, quorum regulam postea tenentes alii novam constituerunt philosophandi sectam; adeo quidem ut Dialectices quoque inventor audiat. Nam quod ad animi robur attineret, prorsus non minor Mutio Scævola, quum tormentis cogeretur quædam indicare, duravit linguæ partem morfu avulsam in os lacerantis exspuere. Huic igitur Zenoni istum Hermam, quem primus protulit, vindicabat Urfinus, non Cittæo, quum in utroque quasdam corporis notas edat Laertius, quæ Eleaten, non Cittæum viderentur demonstrare. Istum Hermam postea suo tempore non apparuisse notat Jo. Faber, atque ideo Zenonis imaginem prolatam testatur Gallæus ex marmore apud Card. Farnesium, eaque in ædibus Farnesianis exstare scribitur ab Bellorio, qui marmoreum Hermam desumptum ex schedis Fulvii Urfini reposuit. Quin etiam notat Faber effigiem ejus in gemma anulari, *Niccolo* nuncupata, haberi satis illis similem. Hæc videtur esse, quam Cl. Gevartius delineavit, subscriptis etiam literis, *Apud F. Urfinum in gemma*. & orbiculo inclusam hic vides; cui alteram Gallæo placitam apposui. Nuper



adeo diadematum hoc caput prolatum fuit; quod si est antiquum,
Vol. II. 64 certe

certe contra voluntatem Zenonis ita factum fuit, qui ΤΡΕΠΟΝΤΙΚΟΣ
Τὸν ΜΕΙΖΟΝΕΝ Eleæ maluit abscondi, quam Athenis conspici. Un-
de Herma Ursini prorsus cum Bellorio præferri meretur. Istud fe-
re dictu absurdum est, quod quum Ursinus scribat eum floruisse
Olympiade fere LX. quo tempore Cyrus in Asia regnabat, Gallæus ita
mutavit, vixit Olympiade CX. eodem tempore, quo Cyrus Asiæ imperium
tenebat: Bellorius autem, Vixit Olympiade CX. eodem tempore quo Cyrus
Asiæ imperium tenuit.





ATHENARUM ET HERACLEÆ CONCORDIA.



ERT animus in hoc rerum articulo gratulari patriæ, ubi primum tam illustris candor prodiit ad historiæ Græcæ istam partem illuminandam. Antequam enim inter se gladios stringerent Græci, pax erat per Cimonem, ut audivimus, facta, ut quidquid extra Cyaneas insulas & Chelidoni- as pateret, illuc aditus esset Persis, quum citeri- ora accenseri juberentur Græciæ. Jam & Aristides ad classis & exercituum Græciæ tutelam constituerat, quantum pecuniæ con- ferretur. Erat Græcæ originis urbs insulis Cyaneis apposita ver- sus orientem, & quoniam illic ab Bœotis vel Megarensibus condita, Persicam ipsa quidem amicitiam magni fecerat; nunc tamen censebat princeps Græciæ Attica illam quoque Græci ge- neris habendam collationemque exigendam: quam *ob amicitiam* (vel ut habent nonnulli etiam optimi codices *sub amicitia*) *re- gum Persicorum* abnuentes Heracleenses ex more ab Athenien- sibus solitis suadelam & necessitatem admovere futurum erat ut cogerentur Lamacho duce misso cum navibus; nisi causam hanc improbantes dii tempestate duntaxat damno navium Atticarum intercessissent, & simul Heracleensibus dedissent honestissimam mentem, ut ultione rejecta redderent sibi amicos, quos infestos hostes experti erant. Historiam narrat Justinus; eamque sic in auctore illo tractant Bongarsius & Berneccerus & Gevartius in Papinianis Lectionibus, tanquam obscura prorsus esset & vix ex uno Justino nota, ut inde in suo Lamacho & Malcho dubitan- tes hæreant. At vero certum est id contigisse anno octavo bel- li Peloponnesiaci, & manifeste rem narrat Thucydides libro IV.¹, ut scias, licet in nonnullis MSS. & illis bonis exstet *Malachus*, tamen *Lamachus*, quod in aliis perinde bonis legitur, veram le- ctionem simul & historiam esse. Quam eximia fide confirmat hic nummus, ut existimo, cusus, quum post reditum Lama- chi, insperatam simul navium amissionem, simul salutem ab il- lis partam renuntiantis, arctissima amicitia inter Athenienses & Heracleenses juncta & constituta fuit, scribente Justino & te- stante hoc nummo. Thucydides omittit occasionem amicitiae inde ortæ, Justinus viam quam servati ab Heracleensibus tenu- erunt; nummus fideli monumento, sed tacito, fatetur, quid in- de exstiterit, ita tribus velut tabulis historiam explentibus.


Vol. II.

65

Cujus

1. Εἰς τὸ Πόντον ἐσπλῆσας Λάμαχος, ἐν τῇ Ηρα- κλειίδι ὁρμίσας ἐς τὴν Καλχικὰ ποταμὸν, ἀπὸ τοῦ πο- τῆος αἰρετὶς τοῦ πρύματος* αὐτὸς τε καὶ ἡ στρατιὰ πρὸς τὴν Βιθυνίων Ὀρχικῶν, οἱ εἰσι πέραρ ἐν τῇ Ἀσίᾳ, ἀ- φικνεῖται ἐς Χαλκηδῶνα.

Cujus propterea nummi signati tempus sic annotavisse recte videor, & restituti recognitique gloriam benignitati & elegantiae præstantissimi nostri Jacobi de Wilde acceptam refero.



S O C R A T E S

Ex Pythiae oraculo unus vere sapiens

Apud. Ant. Augustinum in gemma.

S O C R A T E S .




ED tandem mediis Athenis infedit ipsa Philo-
sophia, ipsa animi humani constantia & in quibus-
cunque undis securitas plane inconcussa . Hæc e-
nim obtinuit Socrates, nec in eo negari possunt
nimium multis argumentis firmata , eaque ipsa nul-
lo unquam genere ne per ipsam quidem mortis ne-
cessitatem violata. At is tamen parentes habuerat

statuarium & obstetricem, & satistenui illos in re; corporis quo-
que formam & ipsam faciem non sane gratissimam, ut sæpe con-
tumeliarum origo esset. Inde & modus adolescentiæ transactæ du-
buis; nunc statuis poliendis intentum legas, nunc Anaxarcho
& Archelao auscultantem, nunc & militia exercitum, eaque lau-
dabiliter & gloriose, etiam in cladibus, peracta. Mira prorsus e-
thnicismi ostentatio; & cui quod par in hac parte obducatur, ni-
hil est. Hinc nomine ejus, sententiis, dictis, discipulis, beatitu-
dine omnia plena, quibus exhauriendis institutum nostrum non
est. Vultu ejus continenter & ubique spectando videntur hinc
quoque certavisse populi, urbes, hominesque non minus, ac cæ-
latores fingendo & sculpendo. Certe tam multi ac varii reperi-
untur, ut nec finis nec modus sit. Collegerat hos tres Hermas
numeris 1. 2. 3. notatos cum imagine sedentis sub numero 4. Ful-
vius Ursinus: repetitusque prior ab Gallæo, qui notat esse apud
Card. Farnesium in marmore, etsi locet in rotunda basi. Ex pri-



ore Urfini editione reposuit Bellorius, ita tamen, ut vitiose to-
Vol. II. 66 tum

tum faciat calvastrum, & sine ulla ruga frontem. Idem quoque Bellorius ita scribit, ut in quarto neget se videre, cur Socrati tribuant istam imaginem; quum Urfinus causam suam egerit his verbis: *Socrates facie Silenis simili, pressis naribus. nudum autem dextrum humerum habere consuevisse narrat idem Xenophon in Symposio, qua forma in tabella quoque e marmore sculptus Socrates videtur, volumenque manibus tenens, quod cum Xenophonteo etiam quodam loco in supra adducto libro convenit, in quo cum Critobulo pervolvens librum quendam Socrates inducitur.* Ad hæc connivet iste, eo indignius, quod ambiguitas illa quæcunque moveatur jam quoque apud Jo. Fabrum, & ita repellitur, ut ipse inde videatur sumere aliquid in rem suam. Numeros 5. & 6. præbet Caninus. Septimum ex nomismate æreo desumpsit Gallæus, ubi tamen adscripsit Gevartius *in gemma*. Octavum dedit manus Gevartiana, quæ sic Socratem & Platonem *Apud F. Urfinum in gemma* repertos delineavit, de qua sic ante scripserat Jo: Faber: *Exstat insuper apud eundem Fulvium una cum effigie Platonis ejus discipuli, in corniola anulari gemma artificiosissime incisa, quam credibile est a quopiam utriusque studioso gestatam fuisse.* Hæc quidem ad Socratem. Sed ad Platonem notat quoque illam fuisse olim Prosperi Cardinalis sanctæ Crucis. Verum præter hæc omnia remittendus est Socratophilus ad collectionem gemmarum, quæ vultum hunc exprimunt, factam ab Joan. Chiffetio, ubi etiam ista ipsa gemina facies apparet; sed penes quem exstiterit, non additur.




ALCIBIADES

Dux Athenensium.


ALCIBIADES.



HIC jungendus omnino est Alcibiades, qui magnam juventutis partem in Socratis consortio fecit, & mox mutabilem fortunam expertus varieque inter bella jactatus, etsi non sententia eorundem tyrannorum & in carcere, certe ope & interventu, circa idem tempus longissime ab patria renuntiare vitæ coactus fuit. Interim quum haberet omnia naturæ ac fortunæ dona, sic vitam quoque instituit, ut experiretur omnia. Id certe est, quod jure mireris. Quum hic juvenis ita agglutinatus fuerit Socrati, qui non didicerit ejus exemplo, ut injustas civium iras tempori potius permitteret, quam ita cruenta & impie ultum iret? Habuit igitur perspecta virtutis humanæ bona, sed usui adhibere infelix nequivit. Verum nec charta hæc expectat, ut millies alibi dicta rursus illi inscribantur, nec calamo meo vacat recensere illa tandem malo miseroque fine recisa. Alcibiadem quis non dixit? Quæ res nostra est, hujus Hermam capite truncatum edidit ipse Urfinus cum literis ΑΛΚΙΒΙΑΔΗΣ ΚΑΙΝΙΟΥ ΑΘΗΝΑΙΟΣ. Sed postea Gallæus vultum edidit professus ita exstare *Apud Fulvium Urfinum in gemma*: quod sic prosequitur Jo. Faber: „Caput Alcibiadis in gemma, quam Italico idiomate Corniolam „vocant, visitur forma ovali ab artificiosa manu expressum, ut „& alterum, quod forma est quadrata; ut non absimile vero videatur, si dicamus utrumque gemmæ anularis loco fuisse. Hanc „autem esse ipsam Alcibiadis imaginem, ex comparatione alterius Corniolæ apparet, quam Petrus Bembus Cardinalis habebat; in qua præter Alcibiadis effigiem Socratis quoque caput „cum ejus nomine Græcis literis insculpto videbatur. Extabat etiam superioribus annis antiqua statua marmorea in forma Socratis Alcibiadem amplexantis, quæ inter antiquitates Angeli Colotii Episcopi Nucerini prope aquam Virginem conspiciebatur; „cujus mentionem facit Andreas Fulvius tempestatis illius antiquarius: quæ sane statuæ Socratis & Alcibiadis, non absimiles „iis, quas modo nominavimus, repræsentant imagines. Ad hæc posteriora respexit Chifletius gemmam quartam earum, quibus Socrates depingitur, commentans.



ΑΡΙΣΤΟΦΑΝΗΣ
ΦΙΛΗΠΠΙΔΟΥ
ΑΘΗΝΑΙΟΣ



ARISTOPHANES

Poeta Comicus

Apud Magnum Etruriae Ducem


A R I S T O P H A N E S.



ED quantopere iste dilexit ac reveritus est illum barbatum justi magistrum non minus quam tenacem ejus in tota vita exercendi ; tam fanna & risu eundem excepit hic Aristophanes . Vir ille quidem doctissimus , & Atticarum rerum pergnarus ; sed qui præsentia modo respiciens , modo ut erant corrupta fastidiens , ostendit & bo-

nos & malos perinde ab procacibus posse atteri , & ne in re publica quidem deesse , qui vel Eprii Marcellis subserviant ; certe susque deque habeant , sive Cleonem sive Socratem nominent . Illud *ΙΟΥ ΙΟΥ Ω ΖΕΥ ΒΑΣΙΛΕΥ* quis non horreat potius quam revereatur ? Ille tamen ea ratione ad ipsius philosophiæ & honestatis vocem execrabili cicuta subripiendam tulit adjutorium . Itaque si Platonis est illa testificatio , quæ Gratias æternum templum quærentes ait mentem unam Aristophanis ad id probasse ; eam ante istud facinus compositam credo , & ut forsân probavit acumen Comici , & Atticam linguam , ut in mortui lecto ille sit repertus ; ita amare parum potuit . Et sane parva laus erit Joannis Chrysostomi , si Aristophane tam studiose usus fuit , ut acer & vehemens fieret in notandis ac perstringendis moribus , mulierum præsertim , prout scribitur ab nonnullis . Sed videlicet debebat inimica esse illi faciei contractæ & , ut sic loquar , Silenicæ hæc recta & oblonga , & ad scomma adsidue velut efflandum ita coeunte inferiore ejus parte , ut ore corrotundato sibilavisse semper appareat . Id quod non satis accurate videtur observavisse Gallæus latiore oris rictu eam exporrigens , quam fecerat Achilles Statius . Quum enim Urfinus solum Hermmam decollatum proferat , quem notat esse *apud Ferdinand. Card. Medic.* Statius ipsum caput hoc quoque protulit cum inscriptione in pectore , quale conspici notat *in hortis Cardinalis de Medicis prope villam Julii III. Pont. Max.* Itaque relicto Gallæo Statianum exemplar quoque retulit Bellorius , & inde hic locatum ; nec facile dixero , quid decerni oporteat , aut qui Urfinus faciem Aristophanis non viderit .





L Y S I A S.



UDICIO Socratis adhæret hic Lyſias, tantæ facundia orator, ut diffidens ingenio illius & ſe judicans aliquid dignum Socrate, atque etiam utile magis illi futurum, quam ſi ipſe Philoſophus ſe advocaviſſet, exarare poſſe, ſuſtinuerit hanc cauſam meditari. Sed quum nihil iſte innocentiffimus vir amiſiſſet excuſandum aut patrociniſe egens, quod tamen meditationis ſuæ caput fecerat Lyſias, ut colligi poteſt ex auctoriſus reſponſum Socratis referentibus; nedum ut alienos la-certos exſpectaret; arrogantia ejus nil niſi rejici meruit. Et alio-quin hæc magis exercitatio facultatis ſuæ placebat huic Lyſiæ, ut ſcriberet orationes, quam ut ipſe in forenſibus cauſis verſaretur. Id quod magna cum laude fecit, quam ſine invidia decantarunt præſtantiffimi apud antiquos & harum rerum peritiſſimi arbitri. Neque tamen hac ſolum virtute cenſendus fuit Lyſias ſive Atticus, prout Ciceroni fertur, ſive Syracuſanus, ut ex Trogo Juſtinus ait, orator; ſed & magnifica abundantium opum adminiſtratione, qua quingentos milites ſtipendio ſuo inſtructos in auxilium patriæ communis eloquentiæ miſit. Ad quam rem mirifice confe-rebat officina ſcutaria, quam ab hoc Lyſia legimus fuiſſe ſuſten-tatam. Hinc igitur & vivo & mortuo honores habiti, ex quibus ad Fulv. Urſinum pervenerunt hæc tria marmora, detruncatus nempe Herma, ac duo capita, ſingula nomen oratoris præſeren-tia. Et Urſinus quidem notat in indiculo *Lyſias* 75. apud *Alexan-drum Cardin.* non diſtincto, quem inde habuerit, an omnes. Hinc Gallæus publicat *Lyſian apud Cardinalem Farnesium in marmore* ſub vultu prorfus alieniſſimo, naſo nimis longo cum fronte omnino relicina, ut loqui volunt Apulejum, vel magis tota nuda ac or-namento crinium deſtituta, quum Urſinus eam conſpicua pilo-rum nota inſignem oſtendat, ut merito deſeruerit Gallæum Bel-lorius, quem nos quoque ſequimur. Jo. Faber alium *Lyſian* no-verat apud Horatium Victorium etiam in Herma, quem noluit publice aſpici.




C R A T E U A S.



IPPOCRATES ipse est, qui ætatem hujus Crateuæ facit nostro tempore manifestam, quippe quum exstet principis illius Medici epistola ad eum scripta, & quidem talis, ut prorsus in pretio videatur illum habuisse. Nam & laudatur ibi proavus ejus simili nomine, & peritiam rei herbariæ in eo mirari se solitum fatetur, & adiutorem adsci-

scit in Democrito ad sanitatem revocando. Et alioquin antiquitati probe notum ac celebratum fuisse plurima testimonia declarant, quæ collegit Pet. Lambecius in Libro 11. Bibliothecæ Cæsareæ Vindobonensis; ex quibus omnibus constat incubuisse præsertim doctrinæ herbarum, ita ut etiam composuerit hujus studii sui monumentum, quod inscriptum ivit ΠΙΖΟΤΟΜΙΚΟΝ, etiam inter manus priscas fatis usurpatum. Itaque quum ex memorabili Dioscoridiani voluminis pictura vir ille doctissimus revocaverit facies quorundam Medicorum, quas Bellorius etiam annexuit choro Rhetorum; prout Chiron & Machaon præcesserunt, ita porro augeatur hic catalogus conspectibus insignium istorum hominum, quæcunque etiam sæcula his lineamentis eos conspiciendos dederint.





ΗΡΟΔΟΤΟΣ

HERODOTVS

Herodote tuis dant scriptis nomina Musee, Lique doces

Musas dulcius ore loqui


Ex Bibliotheca Fulvii Vvini in marmore.

HERODOTUS.



ED præ reliquis profutura in omnem posteritatem opera oblectarunt isto tempore lucubrationes suas Herodotus, & Thucydides. Quorum imagines junctas quum unus lapis ad nos propagaverit, eademque ætas simul utrumque ostenderit, idem quoque labor utrumque demeruerit, etiam vicina relatio in hoc catalogo eos jungat. Herodotus,

illud nomen historiæ & omnibus hanc veritatis partem amantibus venerabile, mihi certe sacratissimum, quæ fata quasque migrationes subierit ex Asia in Europam, ubique jam dictum scriptumque est. Hujus Herodoti imaginem non nisi unam notam habuerunt Achilles Statius & Fulv. Ursinus, certe quum primum ediderunt has imagines: hinc simul uterque fatetur in *adibus Cæsii*, vel *apud Cardinalem Cæsium* exstitisse. Bellorius hanc ipsam cælaturam imitatus est. Quæ quum sit admodum rotunda, Gallæus aliam mire oblongam & ingratis coactam faciem cælavit, pariter hic adjectam. Et tamen Jo. Faber sic scribit; Imago Herodoti



„historici, ex marmore est repræsentata, & in pectore inscriptum „nomen habet ΗΡΟΔΟΤΟΣ. Alia similis in marmore penes Fulvium „exstat, quæ & in pectore idem nomen habet; sed pone affixa „ei est Thucydidis effigies, ex uno eodemque marmore. Quasi quæ depicta esset ab Gallæo, ipsa foret Cæsiana; & supprime- retur Fulviana: quum hæc tamen videatur ab Gallæo delineata ob summam differentiam, qua distat ab Cæsiana. Sed & Fulvi- anam postea depinxit Cl. Gevartius num. 2. unde patet dissimi- les valde esse, non similes, ut dicebat Faber. Boissardus quoque ex hortis Julii IIII. Pont. Max. Herodotum in æs coniecit, a- lienis fane notis, & ideo hic non insertum. Verum ampliora sunt in Herodoto spectanda, qui præcipue homines devinxit va- rietate historici argumenti, quod non tam Musarum nominibus distinxit, quam potius ipsas Musas rem gestam aut relationem multiplicem enarrantes ex Parnasso devocavit, maxime ut Jonici

characteris suavitas gustari posset. Id notum est publice, & non nostri modo, sed etiam prisca, Romani aequae ac Graeci, multos se ostendunt in laudibus Herodotei scripti: atque etiam fatentur esse aliquid singulare, quod tantopere in eo placet; praesertim in Ionica loquutionis exemplo per eum servato: quum tamen si attendas, quantum illic occurrit ab Ionismo vel remotissimum? Adeo ut si veteres non alium agnoverunt Herodotum, quam prout hodie exstat, mirari non oporteat quibusdam displicuisse; praesertim quum in narratione etiam ipsa toties sit inamoenus. Itaque ferme luisse operam dixeris, qui multiplicandis ejus exemplaribus praefederunt. Ut veniam, quo tendo, & Herodoti conditionem tibi notam faciam; an credimus etiam legisse apud eum veteres tam certos ejus laudatores verba Tomyridos reginae ad cadaver Cyri: *tu quidem meum viventis & in pugna viri filium perdidisti dolo captum: at ego te, prout interminata sum, cruore saturabo.* Haec priora tali sale sunt condita, ut potuerit melius auctor ea omisisse; quum & nihil in se habeant, nisi quod narratio praemisit, & nihil amplius conferant ad insequentia. Pingue totum est sine ulla acrimonia, praesertim in dubio etiam Graecismo. Ita scias corrupte Herodotum vulgo in Europa haberi, nescio quo tantae labis auctore. Nam Herodotus audierat longe falsiore acumine reginam dixisse *στ' ἔμεν ἐμε ζῶσαν τε καὶ νικῶσαν σε μάχῃ ἀλώεσας, παῖδα τὸν ἐμὸν ἐλὼν δόλω.* *tu quidem me vivam & vincentem te praelio perdidisti, filium meum intercipientem dolo.* Agnoscis leporem, quem Herodotus dignum duxit, ut memoraret. Hoc est pretium membranæ Mediceae, unicæ ad hanc rem fidelis; unicæ, ad quam restitui Herodotus potest. Id si intelligis precare. Sed & notari debet, quod fere in oblivionem secessit, quemadmodum Urfinus monuerit de patre Herodoti Xylo nominato, & epigrammate apud Stephanum Byzantium v. *ΘΟΥΡΙΟΙ* corrigendo (vide quam nullus inter Stephani editores vel attigerit, nec in Historicis Graecis Vossius) ut legatur *ἩΡΟΔΟΤΟΝ ΣΥΛΕΩ*, non *ΑΥΣΕΩ*, quippe quod integrum de vetere libro Joannis Zezæ descripserit, qui Xylum Herodoti patrem non Lyxum nominandum doceat, adductis multorum testimoniis, & inprimis Zenonis auctoritate, a quo id epigramma accepisse se Zezes scribat. Ac tamen apud Lucianum de Domo etiam dicitur *ἩΡΟΔΟΤΟΝ ΤΟΥ ΑΥΣΟΥ ΑΛΙΚΑΡΝΑΣΣΟΘΕΝ*: unde si vera est annotatio Urfini, etiam Lucianus restituendus est, nisi is pravo codice in errorem inductus ipse etiam prave scripserit.

1. Σὺ μὲν ἐμεῦ ζῶσας τε καὶ νικῶσας ἐς μάχην ἀπώλεσας παῖδα δ' ἐμὸν ἐλὼν δόλω· σὲ δ' ἐγὼ, κατὰ περ ὑπέλησα, αἰμάρτος κορέσω.



ΘΟΥΚΥΔΙΔΗΣ

THUCYDIDES


Secundus post Herodotum historiae scriptor, veritate primus

Apud Publium Vasinum in marmore.

T H U C Y D I D E S.



HERODOTO Thucydidem junxerunt olim quidem varia. Nam & legentem Musas suas Herodotum dicitur audivisse, & materiam scribendi proximam sumpsit: etiam vicina sepulchra exuvias eorum in Attica terra texerunt; & continua hinc veterum comparatio alterum alteri apposuit. Itaque & ipse Florentiæ post perlustratum Herodotum convertēbar ad vetustissimum Thucydidis exemplar, quod pluteo LXIX. servabatur, inspiciendum, nisi ex aliquot foliorum specimine deprehendissem diligenter istum scriptorem ad veteres membranas exactum fuisse. Unde tanto minus abire nobis licet, quod utriusque faciem ad nostros annos unum marmor tulerit; ne dicam ab sola ætate vindicari in hujus operis serie, quo minus separentur. Hic igitur Olorides & fati & generis magni, indolem pariter ab Anaxagora & Antiphonte politam ad vitæ actum adferens, rei militaris quidem incerta sustinuit quocunque eventu; sed æternam nomini suo famam dedit collocatio otii post missionem & patriæ iram in scribenda historia dissidiorum Græciæ, quorum nonnullis interfuerat, propter & veritatis studium & ipsam scribendi rationem verbis sententiisque mirabili delectu illustribus celebratissima, veterum simul recentiumque consensu, & hinc omnibus chartis loquentibus, unde illa peti possunt. Hæc vero facies occipiti suo jungens Herodotum Casio nomini debetur: attamen placuit Bellorio testari *Apud Fulvium Ursinum in marmore*. Atqui Fulvianum marmor cum averso Herodoto id est. In utra-



que autem sicut satis conspicitur ΕΙΔΟΣ ΣΤΗΝΟΤΗ ΤΟ ΠΡΟΣΩΠΟΝ, ut in eo narratum fuisse observat Marcellinus; sic ΚΕΦΑΛΗ ΚΑΙ ΤΡΙΧΕΣ ΕΙΣ ΟΣΤΙ ΠΕΦΥΚΤΑΙ in Casiano non satis apparent, quum sit vel maxime rotundum caput; nec scio, an vitiose exceptum. Certe apud Boissardum part. VI. ex hortis Julii III. Pontif. longe altior

tior fingitur frons & comæ bene inflexæ, ut patet ex secundo exemplo . Cui quoniam ipse conferre nihil queo , aperiam quod ex patre didici , nempe male haberi verba ejus libro v. pag. 182. ista ¹ quæ intelliguntur Latine *declarato victore Bæotorum tribuno plebis, ipse progressus in locum ludorum Lacedæmoniis interdictum* . At significat Thucydides *quum Bæotorum commune pronuntiaretur a præcone vicisse, quia non licebat Lacedæmoniis certare* . Xenophon lib. III. hist. Græc. pag. 490. pro Bæotis ponit Thebanos .

1. Καὶ ἀνακρυχθέντος Βοιωτῶν δημοσίου καὶ τῶν ἐκ ἐξουσίας ἀγωνιστῶν, προελθὼν εἰς ἀγῶνα .






MOΣΧΙΩΝ


MOSCHION COMICVS POETA
Apud Fulvium Ursinum in marmore.

M O S C H I O N .



AD hanc ferme ætatem placet conferre hunc egre-
gium virum , cujus nihil mansit residuum præter
solum nomen , & honorandam certe statuam ,
unde judicia antiquitatis in eo patent . Itaque quid-
quid de eo dici potest , sic contulit Ursinus , qui
primus etiam edidit ; *Moschion poeta Comicus , quo*
tempore vixerit , quoque loco natus fuerit , nondum repe-
rire apud antiquos scriptores licuit . Ejus autem versus ex Comædiis quas
scripsit , multi adducuntur a Clemente Alexandrino Stromatum lib. vi. &
Joanne Stobæo , qui fabularum quoque nomina , Themistoclem scilicet &
Pberæos , adjiciunt . Nec diversa nec meliora sunt , quæ de eo pro-
fert aut Faber aut Bellorius . Sed graviter quidem mox uterque
errat ; quum Ursinus in indiculo diserte notet apud Hieronymum Ga-
rumbertum , sustinent illi scribere Bellorius Ejus statua marmorea ex-
tabat apud Fulvium Ursinum , in cujus basi nomen ΜΟΣΧΙΩΝ legitur ; Fa-
ber autem Apud Fulvium Ursinum in marmore . Alteri debetur cu-
stodia & conspectus statuæ , ex indicio ipsius Ursini . Itaque quum
omnia nos deferant , nec vel Vossius inter poetas eum voluerit
agnoscere , id saltem ex comædiarum titulis discimus eum post
Themistoclem vixisse , sive hoc ipso , seu seriore & remotiore sæ-
culo : quod quum accurate definiri vix etiamnum queat , huic ar-
ticulo præfiscine infulciam . Equidem nomen possêt videri idem
Moscho , ut Moschus & Moschion eadem forent , perinde ac Te-
lesphorus , Telesphorion , nisi materia carminis , quam Moschioni
huic attribuunt scriptores , & altera quam ex Moscho reliquam
habemus , longe eos separaret . Nec alioqui licet hoc temere sta-
tuere . Certe noster isto nomine etiam notus fuit Plinio lib. ix.
Natur. histor. cap. 4. Scripsit & Moschion Græcus unum de raphano
volumen .





ΛΑΜΑΣ

LAMAS

Nerois Victor Aeseniis Praeceptor.


Apud Cardinalem Aesenum.


LEODAMAS.



N hoc ipsum incertum simul conjiciatur hic, quem ex arbitrio & exemplo hominum doctorum ita appello, Leodamas ex ædibus Cæsis progressus, ut aperit Ursinus, quum Gallæus subscribat esse *apud Ducem Aquæ Spartæ in marmore*. Hoc nomine quum edatur Æschinis præceptor, judicavit eruditus ille Ursinus in fragmento literarum quæ salvæ sunt, istum demonstrari, ita scribens: *Leodamantisne, an Alcidadantis hæc imago sit, cum ex mutila nominis scriptura affirmare non liceat, labor tamen ut credam Leodamantis effigiem indicari: quod trium tantum literarum vel minus spatium abruptum esse e marmore appareat, non quatuor, quæ in Alcidadantis nomine desiderantur. Fuit autem Leodamas dicendi magister & Æschinis oratoris præceptor, ut scribit Plutarchus in Æschinis vita. Alcidas vero rhetor antiquus & nobilis, qui mortis laudationem scripsit, ut Cicero ait in Tuscul. libro primo. Ubi vides hæsitacionem viri optimi, & magno cum pudore ac moderatione conjectantis. At non ita posteriores; quorum Bellorius notat: Tres primæ nominis literæ ΛΕΩ desunt in marmore, temporis vi deletæ, sed ipsas supplevit antiqua gemma viridis Diaspri, in qua sculpta erat eadem Leodamantis imago cum ejus integro nomine ΛΕΩΔΑΜΑΣ* Utinam hanc quoque protulissent! Sed ista habet ex Fabro. Quid tamen est, viri boni, quod ab Ursino vix trium literarum spatium abruptum dicatur aut minus etiam? Et certe minus spatium isti pectori datur in editione Achillis Statii, ubi editur ΔΑΜΑΣ, primæ vocali attributa alia forma, quam retinet Gallæus, nisi quod Δ præmittat. Quid igitur? an non Damas potuit scriptus fuisse in medio pectore, reductius ab extremitate positam primam literam habens, perinde ut in Herma Platonis vox ΠΛΑΤΩΝ magis in medium secessit, quam altera vox ΑΡΙΣΤΩΝΟΣ? Porro an non infinita apud antiquos fuit nominatio Damas, notissima & in libris & in nummis? adeo ut frivola etiam suspicione in nummo Ciceronis Laodiceno apud Seguinum Harduinus vocem ΔΑΒΑΣ audeat mutare in ΔΑΜΑΣ, *hoc est, Damafias*, ut ipse dicit, perinde ut in nummo Acrafiotarum ΔΑΜΑ ΑΤΤΑΛΟΥ explicuit *Damafia Attalo* vel *Attali F.* quasi nemo Græcus dictus fuisset Damas. An non in inscriptione Thyatirena apud Sponium legimus ΜΑΡΚΟΥ ΟΥΛΠΙΟΥ ΔΑΜΑ ΠΑΡΑΔΟΞΟΥ? ubi male vertit egregius ille vir *Marcus Ulpius Dama-Paradoxus*, (nisi vitium editionis est) quum vox ΠΑΡΑΔΟΞΟΣ nihil ad nomina pertineat, sed ipsum virum describat, ut in inscriptione Smyrnenfi novimus ΠΥΛΑΔΗΝ appellari ΠΑΡΑΔΟΞΟΝ respectu certaminum in ludis. Apud eundem Sponium in lapide Eleusinio ΑΡΧΙΑΣ ΔΑΜΑ ΤΑΝΑΓΡΑΙΟΣ. In nummo Rhodio Thesauri Palatini ΔΑΜΑΣΡΟ. Talis est Regis Galliæ nummus sub Licinio

Valeriano præferens nomen ΑΥΡ. ΔΑΜΑ , hoc est, Aurelii Damæ,
ubi iterum Harduinus videt Damasiam. At ipse Horatius Da-
mam quoque noverat. Quod si trium literarum lacuna est, in
fabulis Græcis celebratur ΙΦΙΔΑΜΑΣ Busiridis filius, ut id quoque
sit nomen. Adeo anceps est saxis nomina dare.





ARISTOMACHIVS

Apum Speculator et amator

Apud Leonardum Augustinum in gemma Corniola.

A R I S T O M A C H U S .



N hoc obscurum incidit quoque vita hujus hominis ad Thesei imitationem æternum sedentis in hac gemma & in subjectum alveare circumvolantibus apibus despicientis, quem Leon. Augustinus judicavit esse Aristomachum, quia hoc nomine vir sapiens a Plinio memoratur duodesexaginta annis nihil aliud egisse; imitaturque Bellorius tum in Philosophorum imaginibus, tum in additamentis ad Symbolicam Dianam Ephesiam tab. VII. Et Plinius quidem in loco per Augustinum & mox Bellorium citato dicit fuisse Solensem. Sed in libro XIII. cap. 24. dum scribit *Apes quoque nunquam defore cytisi pabulo contingente; promittunt Democritus & Aristomachus*, ubi paulo ante dixit cytisum ab Aristomacho Atheniensi miris laudibus prædicatum; satis innuit Plinius etiam jure civitatis ab Atheniensibus donatum atque adeo celebrem fuisse. Simul quia apponit eum Democrito, subsignificare etiam videtur post eum viguisse, etsi forsan non diu; ut merito hunc locum ei tribuam. Etsi mirificus quodam modo videatur ille habitus nudi superioris corporis inter volantes apes, manusque sinistræ impositio in caput pilis suis contra apes satis vestitum. Non contigit mihi gemmam ipsam inspicere. Certe tamen & frontem hanc animadverto varie effingi, & quanquam Augustino libet applaudere, vix potest eripi, quin hic conspectus optime conveniat Sileno in fabula apud Ovidium lib. III. Fast.

*Ecce nova coeunt volucres timnitibus actæ,
Quaque movent sonitus æra, sequuntur apes.
Colligit errantes, & in arbore claudit inani
Liber, & inventi præmia mellis habet.
Ut Satyri lævisque senex tetigere saporem,
Quærebant flavos per nemus omne favos.
Audit in exesa stridorem examinis ulmo,
Adspicit & ceras dissimulatque senex.
Constitit ipse super ramoso stipite nixus,
Atque avidè trunco condita mella petit.
Millia crabronum coeunt, & vertice nudo
Spicula desigunt, oraque summa notant.*


Neque enim asellus simul requiritur, quem idcirco fastis illis & poemati reliqui, quum Silenus etiam sine eo potuerit nemus omnes perquirere.




C. MARCIUS CORIOLANUS.



ic dum Græcia se armorum & ingenii laudibus extollit, Romana libertas jam hæcenus stabilita ut magis divinitus retineretur, quam modestia & temperato ordinum jure, fines per Latium proferre continuis bellis nitebatur. Jam mirus invaserat urbem Romam ardor cognominum vel quærendorum ex quibuslibet causis vel addendorum, jam tunc molles ad hanc rem auriculas illic supponente Horatio. Unde evenit, ut qui oppido expugnando operam præcipuam navaverat, etiam proprium & familiæ nomen tertio auctum gesserit, Cæsusque antehac Marcius captum Coriolos oppidum induceret nomini, ut scribit Florus, & Coriolanus libenter audire voluerit, velut assiduam militaris virtutis admonitionem exosculans; etsi Livius non illi, non populo id imputans, scribere maluerit simpliciter id ei cognomen postea fuisse. Hujus temporis memoriam isto marmore custodiri statuerunt viri docti. Quippe vir laude bellica insignis, sed ferus & in civicis dissidiis vix temperans ab hostilibus machinis, maloque & fame domandos inimicos quum censuisset, irritavit iram civium, cui & sustinendæ invalidus & perferendæ impatiens, ad se ulciscendum potuit hostium quoque implorare opem, nisi ab uxore fuisset mitigatus. Hanc enim videtur auctor hujus lapidis prætulisse, utpote prorsus viridem juvena, quum ex scriptoribus alii id attribuant matri, quam magno natu mulierem tunc vocat Livius. Quæcunque igitur illa virum torvo aspectu & Martem ipsum paulatim exarmat.







CN DOMITIVS AHENOBARBVS
Classi præfectus

L. DOMITIUS AHENOBARBUS.




TA enim malo concipere prænomen, & in hanc quoque ætatem referre, quam cum Urfino intelligere proavum Neronis, cui prænomen Cnæo fuit, quod testatur Suetonius, & exhibetur in denarii uno latere. Unde etiam Gallæus ita inscripsit, & eadem fide hinc commentatur Jo. Faber, idemque ipse subscripsi. Sed quum in ejusdem nummi altera parte hic ponatur cum solo notabili cognomento Ahenobarbus; non tam videtur ille præfectus classis se ipsum curavisse exprimi, quam quidem auctorem simul gentis, simul cognomenti, tam mirabilem ob causam parati. Id quod inde fit probabilius, quod & ipse Antonius in altero nummo fingitur imberbis, & constet Romanos tunc non aluisse barbam: unde nec Cn. Domitio placuisse jure credas. Itaque est hic ille Domitius ipse, quem Suetonius vocat Lucium, cui rure quondam revertenti juvenes gemini augustiore forma ex occurso ita permulisse dicuntur malas, ut e nigro rutilum ærique assimilem capillum redderent. Hunc divinæ majestatis contactum commemorari in stemmate suo gloriosum erat, & ut in longissimum tempus fieret, ita triumvir monetalis vel ipse vel quicumque alius aut amicitia aut usu beneficiorum conjunctus perfecit. Deberi autem illi hunc locum, & fere, imo certe, ante Marcium, inde constat, quod Castorum ille occurfus contigerit post victoriam de Latinis & Tarquiniis teste Plutarcho. Ad ista Suetonii verba etiam Torrentius nummum illum advocavit, quamquam nihil speciatim explicet. Et tum ipse, tum Gallæus videntur voluisse accurate faciem istam exhibere, quum diligenter observant sinum illum ab latere frontis nudum ac destitutum pilis, neglectum indecenter in Patiniana editione, ubi Urfinus & alii nescio quam grandem curvaturam circa tempora concipiunt. Igitur & Musei Romani auctor edidit hoc specimen,



plane delirans ab vero. Propterea rem existimans dignam hac temporis & historiæ luce, ut cujus quosdam posteros legimus

Romæ fuisse eximia certe dignitatum & virtutum ornamenta, is spectaretur integer ac sine ulla fucati commenti nota; quam anxie potui, ex ipso nummo meo hunc verum conspectum frontis Domitiæ publicandum curavi.






L. QUINTIUS CINCINNATUS.



ON diu post multis & pro copia ista magnis rebus gestis inter summos honores eminuit in urbe Roma hic L. Quintius Cincinnatus; cujus idcirco memoria grata fuit posteris & vario artis genere servata. Certe statuam ejus in vinea Peretti dedicatam exstare annotavit Cl. Sponius. Unde indutus Leon. Augustinus, & nactus hanc sculpturam in onyxe, sub illo ipso nomine publicavit. Ubi is conspicitur, non qualis sedit Dictator in foro & Servilio magistro equitum injunxit, ut ad se vocaret Sp. Mælium: sed qualis ab quatuor jugerum aratro ad dictaturam reversus in urbem, aptavit arma, & post lorica, galeam ac paludamentum induta, cum maxime ocreis inducendis occupatus est adfixa prope hasta vel belli, vel imperii signo, etiam adstantibus clypeis rotundo & altero anguloso ad columnam; unde etiam pharetra dependet. Ita certe intellexit vir eximius. Sed quum plures hujusmodi occurrant gemmæ insculptum habentes militem ocreis attrahendis incurvatum, qui Achilles esse post Patrocli mortem ex Homeri descriptione existimatur; videndum, an non is ipse nunc quoque exhibeatur: tanto probabilius, quod & columnæ cernatur imposita urna, tanquam Patrocli reliquias continens, & apud Græcos etiam mos fuit, ut violenta morte defuncti sepulchrum sic adfixa hasta honoraretur, ut discimus ex Harpocrate in verbis ΕΒΕΝΕΓΚΕΙΝ ΔΟΡΥ.





C. SERVILIUS AHALA.



UÆCUNQUE illa Quintii Cincinnati mentio evocat hunc C. Servilium Ahalam, quem ab eo postea Dictatore exacta ætate, & quod sciebat, obtruculentissimam causam creato magistrum equitum dictum fuisse constat. Et vix liquide decrevis, uter horum ad trepidas res in concordiam & quietem restituendas plurimum adjuverit. Sicut enim senex ille dictatorio jure & auctoritate sola reverendus committere se foro & ad turbas excitis jam civibus, interque eos tribunal ponere & sedere ausus fuit; ita hic dicto non magis illi audiens, quam contra vel minimam violationem succurrere non dubitavit. Res certe observatu digna, & ad dictatoriam majestatem ac consuetudinem considerandam efficax. Magister militum non lictore misso, sed apparitore, ut diserte vocat Livius, qui non modo vocandi jus haberet, sed etiam arripiendi, ut duceret; nec tamen ultra; (nam quod agendum ultra restabat, sciebat magister equitum, quid juris & muneris sui esset) hunc dico apparitorem abigente factione Mæliana, ipsi Servilius auctorem turbarum in ea latitare conantem & ideo recedentem adsequutus obtruncat; non utique securi, sed gladio, (& confodisse hinc scribit Florus) ut hinc scias non fascibus sed armis instructum magistrum equitum in urbe quoque incessisse. Tali modo civem indemnatum ac seditiosa inescatorum ad nefas & largitione corruptorum civium multitudine succinctum occidere ausus fuit hic Ahalam, cessitque impune, immo etiam honori, etsi quoque iram civium tamen in hoc incensam fuisse memoret alibi Cicero. Hujus igitur statua quoque si non publice fuit dedicata, utique in stemmate habuit Brutus posterior, ut eam quotidie adspici potuisset ab illo testetur idem Tullius. Hinc & ejus imago per nomisma ad nostrum usque tempus propagata fuit, edita per Urfinum, Patinum & Caninum, ex quo hoc exemplum petiit. Sed nec scio cur disyllabum ille cognomen fecerit, quum in argento sint tres syllabæ, nec cur ipsum caput adeo rotundum. Sane etiam pessime ediderunt duo priores. In Flori quidem nitida editione non intelligo, unde arrecti illi & exstantes capilli sint arcessiti.





C. SERVILIUS AHALA


turbatae ab Maelio reipublicae vindex.

C. SERVILIUS AHALA.




TERUM enim vocandus ille ad partes, cujus constantiam in negligendo, quicquid etiam ab factiosis & turbulentis civibus commoveri aliquando adversus ipsum posset, admiratus fuit Romæ, quifquis libertatem patriæ ab insidiis & fraude tutam & immunem optavit, & præcipue summa ejus tutela Marcus Tullius. Hinc neque nos pœniteat

duas tabulas impendisse, ut caveamus ne vel frons ejus violetur, cujus animum in ea velut metoposcopi cernere desideramus. Itaque quum sic fere rotundum caput ejus publicatum sit ab Canino, ut vidimus, cum nomine truncato: oblongius idem, prout fuit, ab Gallæo depictum exiit, sed nequaquam similitudine ad verum expressa. Istud grande spatium inter rugas, quas ad oculi canthum ex nummo accurate observavit, & capillum; iste sinus barbæ infra os pertinens ut inde versus malam illa ascendat, plane vitiant conspectum faciei hujus, & in ea consuetudinis per hæc tempora Romanæ. Ab ipso ore incipit maxima lanuginis densitas, omnemque inferiorem cutem habet obsitam, ut nihil ejus queat adspici. Sed & imam eamque magnam satis partem auris versus occiput nulli attingunt pili, in quo religiosius actum ab Canino. Hoc pacto lineas ducere tanti esse opinor, quanti parturire versus. Itaque ut tandem charta ad amussim simulet argentum Romanum, & verum Ahalam; quam fieri potuit per-



fecte anxieque exhibeo, tum illis, quæ dixi, sedulo curatis, tum pondere barbæ demissæ, tum capillo ad cervicem non descendente ultra os, ita ut ista bene sit nuda, quam prorsus non attendunt priores.



ΙΣΟΚΡΑΤΗΣ
ΒΕΘΔΩΡΟΥ
ΑΘΗΝΑΙΟΣ

ISOCRATES

Suavi eloquio Graeca Siren

Apud Magnum, Etruria. Duxem in marmore


ISOCRATES.



ERUM ab isto horrido virtutis Romanæ cultu revertamur ad polita Græciæ pectora, quæ idcirco etiam numerosiora. In quibus primas omnino tulit non modo ratione temporis, cum cujus lapsu decurrit hoc opus, sed & laude ac præstantia studiorum hic Isocrates; cujus eruditum os utinam modo adspicere liceret! Est quidem ita, ut Achil-

les Statius hoc caput testatus reperiri in hortis Cardinalis de Medicis ita ediderit, unde imitati sunt & Gallæus & Bellorius; verum monuerat Ursinus in præfatione hunc Isocratem esse inter eos, quorum aliena capita non suis pectoribus imposuerint. Idcirco quum de hac fronte nihil queam promittere; tum quoniam Herma cum literis nomen ejus servantibus exstat Romæ, & ab Ursino non solum visus, sed & editus fuit, detur id Isocrati, ut elogium ejus ex eodem hic quoque legi possit, quum & Faber & Bellorius in eo fuerint ita versati, ut vix quidquam dicant, „quod non eidem referre acceptum debeant. Isocrates, Theodori filius, natus est Athenis, Lyfimacho archonte, Olympiade „LXXXVI. sex annis, ut Diogeni placet, natu major, quam Plato. Audivit adolescens Prodicum Chium, & Tisiam Syracusanum, nobiles tunc dicendi magistros; & in Thessalia Leontinum „Gorgiam jam senem. confirmata autem ætate ad forum non accessit, quod grandem, plenamque vocem, qualem subsellia desiderant, non haberet: tantum autem laudis cum in scribendo, tum „in docendo est consecutus, ut ipse eloquentiæ pater, domus autem ejus officina appellaretur. *primus enim* (ut inquit Cicero) *instituit dilatare verbis, & mollioribus numeris explere sententias*. Orationes scripsit permultas, sed non omnes supersunt. librum qui „Panathenæicus inscribitur, quarto & nonagesimo ætatis suæ anno scripsisse dicitur, & quinquennium postea vixisse. alii vero centum annorum numerum expleisse tradunt. Sepultus est prope „Cynosarges patrio monumento, variis tabellis exornato; e quibus unam Isocratis sepulchro superimpositam fuisse, in qua poetæ, præceptoresque ipsius, & Leontinus Gorgias, sphaeram in- „tuens, ipseque una Isocrates sculpti essent. Plutarchus quoque scribit, Timotheum Cononis filium Isocrati præceptoris suo, memoriam causa, statuam æream Leocharis opus, in Eleusine positam: Apharetem autem filium æream similem columnæ super- „impositam in Rheæ cognomento Olympiæ templo Athenis collocasse, cujus in Atticis Pausanias meminit. Erat autem Isocratis imago Athenis picta in Pompio, & in Arce, ut idem refert „Plutarchus.





EVCLIDES

Philosophus, Socraticus,


Ex numismate 1000 in Thesoro Christiano Reine. Arg.

E U C L I D E S.



Lam spectata doctrinas Græciæ magis multiplices
 variasque , certe post Socratis femina vel uberri-
 mas , quarum inclitam unam condidit Euclides ;
 tanto celebratiore fama , quod patriam subfannan-
 tium proverbiorum , etiam , ut quidam voluere ,
 ipsorum oraculorum dictariis vexatam ingenio suo
 illis exemerit . Hic igitur Megarensis ex schola So-
 cratis progressus , sic ut Parmenideis interim quoque studiose at-
 tendisset , atque adeo melioribus inde scintillis ardens lucensque
 pectus possidens , specimina sui præclara debuit exhibuisse . Et si
 enim Diogenes Laertius satis brevi relatione eum transmittat ;
 tamen ut morem docendi novum condere & ad ejus cultum tra-
 here posset alios , eosque singulari nomine ab tot jam introductis
 sectis distinguere , id certe non tenuis & communi genere labo-
 randi utens obtinuit , sed admiranda ingenii solertia & sedulitate .
 Itaque & nobilem Megaricorum disciplinam Tullius ut opinor
 ex vero appellavit . Ipse hinc etiam de bono pronuntiare ausus
 & illud UNUM vehementer inculcans , non ita id contemplatus
 est , ut non sibi præcipue applicaret . Quod facile colligas , dum
 Plato & Socratici nefaria doctoris sui nece perculsi & exemplum
 metuentes , hunc dicuntur elegisse , ad quem solatii vel securita-
 tis causa decurrerent . Talis Euclides ut laudem ab suis favorem-
 que habuit ; sic certe meritus est , ut posteritas eundem admira-
 tione & plausu prosequatur , ipsumque vultum grata recordatio-
 ne adspiciat : utque fieri possit , quantum scio , uni Bellorio de-
 bent literæ , qui nummum ab Angelono & aliis possessoribus sup-
 pressum , denique in cimelia Dominae Christinae translatum sic
 honoravit , quo inclitum hoc caput ita palliolatum (notabili , ut
 opinor , hoc ænigmate significans illum ΕΥΚΛΕΑΤΜΜΕΝΟΝ ab Dio-
 gene Laertio memoratum & ab Menagio enucleatum) inde ex-
 ceptum publicaret , etsi ipso Euclidis nomine non adscripto , fa-
 tis tamen indicato per patriæ nomen , quum in altero latere ef-
 set figura gradientis .





ΠΛΑΤΩΝ

PLATO


Hic solus in Philosophia divini nomen, meruit.

Apud Fulvium Ursinum ex marmore.

P L A T O .





ED adest, ecce, ipse Philosophorum antistes ex magna concursatione, quam juvenus ferme errabunda per varia nunc corporis, nunc ingenii parrerga egerat, forte temere in Socratis sinum delatus, ut aliquid humano major præstaret, fieretque ille Plato, quem nullus homo satis suspexit, quod tamen certatim factum est. Hoc ille meruit ista facundia, cui nonnisi fabulosa origo assignari potuit: hoc illa conjunctione omnium sapientiæ partium non minus, quam decenti meditatione singularum: hoc illa post primum ejus admisum amorem immensa profectione ad omnes terras aliqua studiorum fama inclitas, ut nihil non audiret sciretque. Sed quis exitus encomii mei fieret, si inciperet modo deduci? Etiam difficile est aliquid indictum proferre, quum tot de eo dicta sint, & recocta reponere non libet. Sufficit scire illum Platonem esse, cujus eruditione repleta sunt omnia; cujus statuas & imagines amaverunt omnia. Ex iis quæ reliqua exstant ad eum contemplandum, hæc collegi. Majus illud exemplum productum fuit primum ab Bellorio ex marmore, quod ait fuisse apud Fulvium Ursinum. Et sane testatur quoque Faber existisse in marmore apud Fulvium Platonis effigiem stupendi artificii. Id si ita est, miror cur ab Gallæo id non fuerit expressum, quam potius ex gemma sarda sive corniola, quam vocat pulcherrimam insignis artificii, quam ab ejus tempore Cl. annis Cardinalis Julianus Cæsarinus attulit ex Græcia. Sane illud tale syrma capillorum per cervicem tam longe dependentium dubito an habuerit Plato, etsi fuerit comatus. Utique in aliis non apparet. Cæterum Cl. Gevartius Platonem in marmore apud Fulvium Ursinum longe aliter pinxit, quod est in hac tabula num. 2. quum prius debeatur Canino, qui in eo



spectat luctantem; & id caput habuit quoque in corniola Causæus, sed absque humeris: tertium Miscellaneis Cl. Sponii; quartum ex gemma edidit ipse Ursinus. Sed hæc illi. Nos quod pos-

sumus adjuvemus Platonem in ea parte, quam ex eo citavit Apulejus in pulcherrima Apologia, ubi postquam Casaubonus sine ullo fundamento inserit quædam ex Platone Græca, omnes editores ea imperitissime retinent, quæ nos ex membrana Medicea, qua nihil veracius, ita restituimus: *Ut qui hoc negotium ex lectione & emulatione Aristoteli nactus sim: nonnihil & Platone me adhortante, qui ait, cum qui ista vestiget, AMETAMEΛHTON ΠΑΙΔΙΑΝ ΕΝ ΒΙΩ ΠΑΙΖΕΙΝ.* Hoc aureum supplementum deerrat isti incomparabili Apologiæ pag. 300. editionis Elmenhorst.





ARISTIPPVS

Socratis auditor Voluptatis assertor,
Ex Cornelia Apud Picturum Provenit.

A R I S T I P P U S .



EN gloriam Socratis ! Hunc enim ut audiret , abus-
que Cyrenis navigavit Athenas iste Aristippus . In
quo condiscipulatu sicut familiaris illi Plato , ita
post eodem tempore uterque adsecla Dionysii . Sed
ut pro feminibus insitis plerumque fructum fert do-
ctrina ; sic magna uterque differentia . Hic enim
considerans nihil suum nisi præsens , diem indue-
bat , quem causa poscebat ; imo varium in horas , modo præsen-
tia convenienter disponderet . Itaque omni colori aptus , & frequen-
ter Socraten oblitus alia quædam præoptabat . Unde passus con-
tinua fere æqualium scommata , ita se ad retorquendum compara-
vit , ut vel præcipue agilis ad altercationes atque ingeniosissimus
evaserit , ubique in veterum scriptis commemoratus . Ad cujus fa-
ciei notitiam viros doctos duxisse notat Jo. Faber Pyrrhum Ligo-
rium , qui ex marmore vultum descriptum habuerit cum illo no-
mine assimilem gemmæ Ursini , unde hic Aristippus exceptus fu-
it . In quo sane cernis capillos magis arte quam ingenio suo ad
speciem flexos , ut agnoscas hominem non utique Philosophiæ , et-
iam Laidi se ornantem . Inter quæ disciplinas etiam Grammaticæ
non negligens , vocibus quoque Græcis suam vim describere cona-
tus fuit , cujus specimen servarunt scholia ad Apollonium Rhod.
II. 77. inter voces ΘΑΡΣΟΣ & ΘΡΑΣΟΣ ¹ . quæ tamen ad versus 332.
ejusdem libri notant istam literarum enallagen , etsi in alia voce ,
esse Doricam .

¹. Θάρσος ἢ τὸ εὐλογεῖν , Θράσος δὲ τὸ μετ' ἰσχυρότητος . ἔτι καὶ Ἀρίστιππος ὁ φιλόσοφος .





ASPASIA PERICLES

Socratis Magistra.

Apud D. D. Rondaninos in Iaspide.

A S P A S I A .




RÆCIA nunc latis finibus est terminata : unde ex Europa quoque oportet paulum excedere aliorum , si qua forsitan illic memoranda suppeditentur . Hæc enim ætas quum sit , qua in Persis dominabantur Artaxerxes & Cyrus : præteriri nequit mentio Aspasiæ , tunc celebratissimi nominis & Græcæ profapiæ , etsi fortasse jam ante circa

Periclem (ad illum certe trahunt istam viri docti) narrari id oportuit . Est enim nota antiquariis sculptura , quam vides , pri-



mo publicata ab Canino , ubi hanc quoque alteram profert , repetitaque ab Bellorio ; nec ullus horum dubitat , quin hæc sit ipsa Aspasia . Non multo dissimilem edidit in Museo Romano Causseus , sed hærens Minervam an Aspasiam inscribat ; cujus exemplum vides amplioris nostri angulo innexum . Sed Cl. Menagius in historia mulierum philosopharum negat se videre ; quomodo ΑΣΠΑΣΟΣ pro ΑΣΠΑΣΙΑ dici possit . Addit nomen illud virile nusquam in veterum libris reperiri ; quod si reperiretur , nomen fore viri , non mulieris . Quæ censeo verissima . Quid enim ille secundus casus indicat aliud , quam nomen artificis ? Prout Sponius in Miscellaneis edidit tres gemmas cum nominibus , ΑΙΟΣΚΟΠΙΔΟΥ , ΑΠΟΛΛΩΝΙΟΥ , ΝΙΚΩΝΟΣ : prout in hac altera apud Caninum legitur nomen ΑΠΟΛΛΩΔΟΤΟΥ . Talem crediderim fuisse gemmam Ursini , unde Hylam fecit Gallæus cum Fabro , quia insculptum est nomen ΤΑΛΟΥ nempe cælatoris : quod tunc quum de Hyllo Herculis filio agi oportebat , obiter notatum nunc putavi occasione data palam significandum . Ita pulcherrimam istam Pallada Medusæo capite etiam serpentibus armato instructam fecit ille Aspases vel Aspasus talium artifex . Nam alterutrum vocabulum rectum est , nec cum Cl. illo viro libet cogitare ΑΣΠΑΣΩ . Multa equidem nomina fuerunt Græca , quo-

rum in nostris fragmentis non occurrit usurpatio. Satis est, quod
in gemma verissimæ vetustatis exstet; & in Polybio notus est
ΑΣΠΑΣΙΟΣ.




M. MANLIUS.



OTO magis quam re præstari posse crediderim quod sic promittitur. Labuntur quidem hi anni Romani, quos insignivit Gallica expeditio ad incendium urbis usque; & si discesseris ab Camillo, nihil ea ætate nobilius nomine M. Manlii, quem in hoc gestu videre sibi imaginabantur, qui antiquas statuas quondam ediderunt. Itaque ut res in Italia

tunc gestas memoremus, advocari forsitan id nomen potest, & utinam quoque ipsa ingentis viri imago! Sed postea satis perceptum est nihil hic ad Manlium istum; ac potius exploratorem incurvari saxo ferrum exasperantem. Ulterius perrexit Leon. Augustinus, statuens esse Scytham acuentem ferrum ad pellem Marfyæ percindendam. Acumina cogitationum satis opportuna, sed ex quibus me vix expedio. Scilicet quum Apollo tradit ferrum Scythæ, id supponi oportet adeo obtusum fuisse ac hebes, ut prius debuerit acies ejus acrior reddi, adque eam rem illic fabulæ dicant appositos statim fuisse lapides. Et cur mera acies ea non fuit, ut loquar cum Plinio? quum utique in gemmis, ubi fabula illa exhibetur, rem statim aggredi videatur. Præterea aut aliud marmor similem figuram referens habuit in animo, aut valde aliena censuit, quoniam prorsus non hac forma illud ferrum fingi solet, quod Scythæ ab Apolline præbetur. Et hoc quidem exemplum petitum est ex Jo. Baptista de Cavalleriis in Palatio Magni Ducis Etruriæ. Verum Perrerus similiter ingeniculantem & longe alterius formæ ferro, imo fere cultro famiando intentum profert ex Hortis Mediceis. Quidquid sit, Manlianum quidem aliquid non video; sed hortulani alicujus nudi ex more rustico quasi ligonem acuentis figuram.





ANTISTHENES


Princeps Cynicae sectae

Apud Laetium Pasqualinum in Amethijsto.

ANTISTHENES.



ÆTERUM non sufficebat Athenis gloria Platonici Lycei : illustre etiam fieri Cynofarges non per Herculem modo in suburbanis agris debebat. Id potuit facere hic Antisthenes, postquam aliis diu indulserat, simul Socraten audivit, cum tota schola ad eum transgressus. Itaque & Socraticum appellat Plutarchus in Lycurgo. Nec tamen istam vitæ ac disciplinæ sortem adamans, mox peram, mox baculum, mox duplex amiculum usurpavit. Hinc illa corpusculi mirifica tenuitas & prærogativa tabis ; sed in lætissima mentis mirabiliter ab eo per literas ΚΑΙΝΟΥ commendatæ agitatione, quam & repentinis dictis jaculando liberrime testatus fuit non sine ingenti sale, in quibus propterea sicut placuit Diogeni Laertio laute luxuriari, ita alii libenter versantur : atque interim vias novas de variarum rerum sententiis etiam in philosophia munire tentavit, præsertim ut fulgeret ΣΟΦΙΑ, ΠΑΡΡΗΣΙΑ, ΑΛΗΘΕΙΑ, ΑΤΤΑΡΚΕΙΑ, ΕΛΕΥΘΕΡΙΑ, ut jactavit ejus schola, & ab multis enarrantur. Cujus magni hominis & Cynicorum patris hanc imaginem servavit amethystus ex dominio Lælii Pasqualini, cui similem narrat Faber exstitisse apud Fulvium, quam tamen hic non edidit.





DIOGENES CYNICVS

Dolio & fortunæ contemptu celebris .

Ex Bibliotheca Fabii Ursini in marmore .

DIOGENES CYNICUS.



SPECIMEN hominis memorandum . Qui in ditissimo oppido educatus natusque, prolapsus quacunque occasione ad nefarium pecuniæ temperamentum, & ideo solum vertere compulsus, denique id quod tam male cesserat, non tralaticio odio pertæsus, simul ab ejus, simul ab omnium, quæ per id comparari solent, rerum, denique & ipsorum hominum, imo & sacrorum usu se segregavit. Hic enim est iste Diogenes. Ille aliquamdiu sedis incertæ postquam reperit Athenis Antisthenem auctorem sectæ, quæ ab ingenio ejus nequam abhorrebat, interiora & leges rimatus, nunquam deinde non dico patriam Sinopen, sed ne alios quidem homines visere dignatus fuit, aut pro homine se gerere; sed dolio ac testa in Matris Deum sano accepta usus pro habitaculo in canis & nomen & indolem degenerare gavisus est. Nam & latratu procace nunc ultro aggredi quemcunque, nunc responsi instar prosequi non cunctatus fuit, ut sine discrimine quemlibet viliorē suā fortuna crederet. Certe specimina quæ plurima sic placuerunt Laertio ut copiose acervaret, ultra modum pronam ejus in talia mentem declarant. Ita quum circa Corinthum Cranio, Athenis porticu Jovis pro mansione uteretur; interim primordia Antisthenis fulciens & docendi potens, quippe cujus sermonibus dicunt vim illam ad-



fuisse, quæ ferme defigeret audientes (*infra* vocant, & singulari
Vol. II. 88 cura

cura habitum ab discipulis tradunt) valuit illa scita vel plurimum promovere, rumoremque nec eum sine laude nancisci, ut & plurimi se ad illum conferrent erudiendi causa, & cum Philippo, Alexandro, Antipatro, Euclide, Platone, Demosthene aliisque primarii nominis familiaritatem exercuerit. Unde seu ridiculi seu reverentiæ causa satis apparet quam plurimiscordi fuisse, ut Diogenem quoad possent haberent. Ex quibus residua ad nos pervenerunt ista quæ vides monumenta; quorum maximum testatur Faber ex marmore sculptum fuisse, & quidem ex indicio Gallæi apud ipsum Fulvium Ursinum, in quo Diogenem colligit ex pallio duplici superinjecto, ut ille ipse sit ab Horatio descriptus, quem *duplici panno patientia velat*, simile tegumentum præbente etiam nummo, in quo sedet cum hujusmodi pileolo rotundo Diogenes baculum velut clavam manu tenens hac scilicet in re Herculem imitatus ex observatione Theonis Sophistæ, scribentis imitorem esse voluisse Herculis cum scipione obambulantem & quærentem quos reddere meliores posset. Hunc sedentem Diogenem exprimit posterius schema ex Alberti Rubenii de Re Vestitaria petitum, duplicem etiam pannum illic explicantis aliter. De reliquis ita habe. Prius petitum est ex Miscellaneis Sponii, qui non aliud de eo indicavit nisi esse marmor antiquum Romæ. Itaque debuit secundum apponi, de quo quum id ipsum dici quoque debeat, tum notavit Boissardus (nam ex eo simulatum est) servari in hortulo Palatii Carpensium hortorum, & quidem cum insigni varietate, quam non tango. Tertium est editum ab Leon. Augustino, deinde etiam addi suo Diogeni jussit Bellorius, qui Cynicum illic cum Cynico differentem dicit, nihilque præterea, Leonardo prorsus remisso & abhorrente ad istum alterum Cynicum vestigandum. Sed esse opinor Cratetem unum ex præcipuis Diogenis discipulis, cui ille persuasit, ut agrum compascuum consecraret, argentumque quod habebat in mare abjiceret. Reliqui duo sunt ab Achille Statio, qui edidit & priorem scribit exstare apud Achillem Masseum; alterum in amphitheatro Vaticano. Verum in utraque Diogenis imagine notat Ursinus contigisse, quod veteribus quibusdam imaginibus, ut non sua nomina addiderint.




MARCUS CURTIUS
Interpres ejus quo plurimum
Populus Romanus posset.

M. C U R T I U S .



NSERAMUS etiam hoc Romanæ magnanimitatis exemplum, quod si Livium sequi placet, jam ante oportuit conspici. Interim inter antiquas statuas congestas & editas ab Jo. Bapt. de Cavalieriis depingitur hoc marmor, quod in Capitolio servetur, sub nomine Q. Curtii, quum nemo queat ignorare prænomen ab Livio datum Marcum.

Scilicet quum anno urbis cccxci. incerta causa forum Romanum in profundam voraginem defecisset, nec expleri posset, nisi indicantibus Diis immitteretur in eam id, quo plurimum populus R. posset, idque cum denuntiatione, si rempublicam R. perpetuam vellent; hic juvenis bello egregius se peti judicans, equo quam maxime exornato insidens narratur armatum se illuc demisisse. Itaque & lacum Curtium ab hoc, non ab antiquo Tatii milite appellatum non quidem contendit Livius, quia id negat fieri posse: sed tamen quum scribit lacus nomen insignitius ab hac fabula esse, quum prodigii tanti procurationem istam tunc factam memorat, satis aperte mentem suam declarat: immo etiam quod eo anno ista omnia contigisse dici memorat. Itaque ex sententia Livii militem istum huc retraho, qui præmissa in voraginem hasta, quum jam equus prioribus pedibus nihil solidum & stabile calcaret, ornatus armis equestribus, sed vere Romanis (ut marmoris hujus artificem cum Livio convenire scias) pronus insilit. Ipsa galea prorsus Romanum equitem indicat.



ARISTOTELES

Peripateticorum Princeps .

Ex Bibliotheca Fildri Vindob. in marmore.


ARISTOTELES.



GRÆDIUS multo & mirabilius quid atque instar solis oritur in Græcia, & ipsa tunc stupente, & toto orbe postea semper ad id lumen converso non sine continuis doctrinæ ac sapientiæ optatisque auctibus. Aristoteles hic est supergressus omnia, quæ unquam Græcis contigerant. Veneratio æterna hominum, sed doctorum, id testatur. Id firmat discipulus ejus Alexander primus dictus Magnus; post quem quum cognomen istud velut rapinæ expositum tot sibi arrogarint Principes, quis ei fuit similis? Id docet contemplatio admiranda rerum ferme omnium & maxime societatis humanæ, quam nemo sapientius adspexit. Sed hoc agendum est. Illius incomparabilis viri duos Hermas quum invenisset Urfinus inscriptum habentes

ΑΡΙΣΤΟΤΕΛΗΣ ΝΙΚΟΜΑΧΟΥ ΣΤΑΓΕΙΡΙΤΗΣ & ΑΡΙΣΤΟΤΕΛΗΣ Ο ΑΡΙΣΤΟΣ ΤΩΝ ΦΙΛΟΣΟΦΩΝ ΣΤΑΓΕΙΡΙΤΗΣ, sed ambos sine capitibus; caput, quod in summa tabula positum vides, cum illis edidit expressum e tabella marmorea, Neapoli Romam allata, & in Galliam deinde a Joanne Cardinale Bellajo translata, cujus antiquitatem notat & aliis rerum antiquarum peritis probatam, & inprimis Hieronymo Ganimberto, cujus apud ipsum auctoritas valuerit plurimum. Id caput videtur etiam depictum fuisse ab Gallæo, quia sub num. 35. Faber id ipsum describit commendatque satis copiose. At num. 27. Gallæus finxit caput alterum, raso scilicet barba, idque ipsum in sequentibus ab Fabro pro veriore laudatur, ut ætate provectioris, quum rasura usus fuit, atque adeo rejicit priorem vultum. Summopere in his turbavit Bellorius, sustinetque scribere nasum pene aquilinum esse in ea imagine, quæ barbam habet erasam; quod alienissimum ab vero. Cæterum priorem ex nostris censet minime perantiquam, sed insigni mendacio ab aliquo hujus vel superioris ævi sycophanta ex ingenio effictam. Citat quoque alias ejus imagines, quas ego nullas novi. Hinc ista facies electa quoque est ad Diogenem Laertium. Quidquid sit, in ea non videtur ab Gallæo satis expressus ille ΜΙΚΡΟΜΜΑΤΩΣ, ut scribit eum fuisse Laertius; quum par plane sit aliis. Etiam tot alios recenset idem Laertius isto nomine insignes viros, ut illorum neuter potuerit fuisse noster Peripateticus.






XENOKRATES
ΚΑΛΚΑΔΟΝΙΟΣ

XENOCRATES
Continentiæ ac Philosophicæ frugalitatis fama nobilis.
In Aedibus Marchionis Fabritii de Musinis in marmore.

XENOCRATES.




MAGNO isti philosopho non alius apponi debet, quam Xenocrates, quippe quem ipse legatus ad Philip-
 pum Lyceo suo vicarium dederit, ac postea mu-
 tatis sententiis negaverit sibi tacendum esse, quum Xenocrates loqueretur. Itaque Academiae praeses mansit in Platonici doctrinis, quas in Lyceo Ari-
 stoteles ex ingenio & arbitrio suo tractabat; et-
 iam Platone hos ita comparare solito, ut iners quid in Xenocra-
 te agnosceret, quod longe agilius appareret in Aristotele. Et cer-
 te apparet corporis rationem in Xenocrate fuisse seigniorum aut
 utique non ita gratam pulchramque, quum mens tamen experi-
 mentis affatim grandibus & doctam se & sanctam satis exhibue-
 rit. De quo quum diu nihil publice notum restaret, nisi Herma
 capite absciso; Cl. Sponius primus fuit, qui observatum Romae
 caput hoc in ædibus Fabricii de Maximis cum aliis Miscellaneis
 publicavit, postquam in itinerario notavisset hunc cum Theophra-
 sto & Pyrrho in eodem palatio servari. Nec tamen hujus indicii
 gratiam ullam reddidit Bellorius, qui secundus id ipsum protulit,
 ex cujus exemplo insertus est editioni Diogenis Laertii, sed per
 ridiculam indecentiam subnexo titulo, qui ex truncato Herma re-
 fertur ab Ursino & Fabro, non qui ad Fabricianum spectat (ne-
 que tamen illic legebatur ΧΑΛΚΗΔΟΝΙΟΣ, sed ΚΑΛΧΑΔΟΝΙΟΣ, ut ab u-
 troque est editum, male citante Sponio ΧΑΛΚΑΔΟΝΙΟΣ) quum cer-
 te deberet Sponius consuli. Nam & nimis calvum finxit Bello-
 rius, & angulum barbæ in mento velut per novaculam de indu-
 stria factum impingit, & degressos ante aurem crines ab temporibus
 vane promittit. Talis si fuisset vultus Xenocratis, potuisset
 Gratiis litare. Sed alium illum & rudem ostendit marmor, & ex
 marmore Sponius, atque ideo Sponianum Xenocratem appono



finimul cum altero, qui vehitur asino, ubi pariter non valde gratam faciei prominentiam vides, ut recte cum agresti Mario propterea ab Plutarcho compositum agnoscas: cujus interim lauda-

tio plane singularis hic celari non debet ¹, tantam venerationem virtutis Xenocratis fuisse gloriamque & celebritatem apud omnes, ut existimaverint nec contumeliam esse, nec sævitiam, neque iracundiam animis humanis innasci solitam, quæ Xenocrate adspectato solum, aut pudoris aliquid aut reverentiæ non sentiret.

1. In Phoclone. Τοσούτον ὑπὸ ἀξίωμα ἡ ἀρετῆς μὲν ἐν ἀνδραπείῃ ψυχῇ φυόμενον, ὃ Ξενοκράτης πᾶσι Ξενοκράτης ἢ δόξα ἢ λόγος παρὰ πᾶσιν, ὥστε μόνον ἀφθόντος, καὶ ἀνὰ αἰδῶς τι καὶ τιμῆς ἐγγένοιτο εἶδαι μὴτε ὕβριν εἶναι, μὴτε ὀμότητα, μὴτε θυμὸν πρὸς αὐτόν.



ΘΕΟΦΡΑΣΤΗΣ
ΜΕΛΑΝΤΑ
ΕΡΕΣΙΟΣ

THEOPHRASTVS

Peripateticus ob Atticæ eloquentiæ gravitatem divinus nuncupatus

In Aedibus Marchionis Fabræj de Mazzinis in marmore.

THEOPHRASTUS.



IC enim sæpe utriusque antecedentis comes sequi debet, vir ipsa facie venerandus, prout eam expressit Ursinus ex marmore Maximorum, ut ait, cujus vestigia recte pressit Bellorius. At quantopere hinc abscedit imago ab Achille Statio edita, cum eodem literarum charactere, &, ut scribit, servata apud Horatium Maximum civem Ro. ?

Hanc ipsam tamen imitari maluit Gallæus, ut subscribit, apud Petrum de Maximis in marmore. Quid quod etiam mirabilior Faber notat ob capilli & barbæ tonsuram perquam similem esse Aristotelis imagini, a qua per omnia prorsus lineamenta dissidet. Quæ quidem a me decerni nequeunt. Viderint alii. Verum ore inprimis ac doctrinæ studiis in famam productus existit denique ex Tyrtao Theophrastus is, quem historia ejus ab Ursino collecta optime descripsit, & ideo hic reponi meretur, dum Faber & Bellorius dicunt nihil, quod non inde correptum sit. Theophrastus, patre Melanta natus est Eresi, sed Athenis vixit. itaque, cum percontaretur ex anicula quadam, referente Cicerone, quanti aliquid venderet, & respondisset illa, atque addidisset, Hospes, non pote minoris; tulisse eum moleste, se non effugere hospitis speciem, cum ætatem ageret Athenis, optimeque loqueretur. Audivit primo Leucippum, deinde Platonem, postremo Aristotelem, cui Olympiade cxiv. successit in schola, duorum millium ad illum audiendum accurrentium discipulorum frequentia nobili. Divinitate loquendi nomen invenit, ut inquit Cicero, appellatusque est ob id ab Aristotele Theophrastus, cum antea Tyrtaus vocaretur. Multa præclare scripsit, sed inprimis quæ extant, stirpium naturas, omniumque rerum, quæ e terra gignuntur, causas, atque rationes; Aristotelem magistrum imitatus, qui animantium ortus, victus, & figuras persecutus est. Senex lætica ferri per urbem solitus fuit; &, cum ad ætatis annum octogesimum quintum pervenisset, ac labore aliquantulum superfedere cœpisset, moritur extremis his verbis, qui aderant, discipulos alloquutus: Injuste fecit natura, quod cervis, & cornicibus vitam diuturnam, quorum id nihil interest: hominibus vero, quorum maxime interest, tam exiguam vitam dedit, quorum si ætas potuisset esse longinquior, futurum fuisset, ut omnibus perfectis artibus, omni doctrina hominum vita erudiretur. Hac habita ad circumstantes oratione, animam efflavit, & ab Atheniensibus magna frequentia (ut Laertius scribit) est elatus. Fuisse dicitur Theophrastus natura beneficus, & sermone omnibus affabilis, ac jucundus, sum-

„maque imprimis præditus prudentia, atque Atheniensibus adeo
„carus, ut, cum ab Agnonide quodam, quod de Diis male sen-
„tiret, accusatus esset, parum absuerit, quin accusator ob eam
„causam illo ipso crimine sit damnatus. Quibus si placuerit ad-
dere, quæ instituit de eo conferre I. Casaubonus Vir Maximus
in Prolegomenis ad Characteres Ethicos, magnam certe partem
hujus Theophrasti bene noveris.





DEMOSTHENES

Ex Ciceronis Sententia Oratorum Graecorum clariss. viri Princeps

Marmor Taurinense inventum


DEMOSTHENES.



NON mutavit hic quidem nomen, ut ille qui antecessit, nec in ipsa appellatione aliquid speciosum prætulit; (quippe quam acceptam a patre cultorum officina quæstum sectato retinuit filius in prima ætate pupillus) sed tamen nullo genere minor ingenii vehementia & fermocinandi vis exemplo Callistrati, quem perorantem audierat, incensâ, mox continuo studio comparata & ab æmulis quoque agnita Demosthenem comitata est. Platonis enim & Isæi aliorumque doctrinis roborata tanto major fuit, quanto pretiosior & operosior materia eam exercuit, nunc singulorum civium fortunis constituendis, nunc republica ipsa fundanda, modo vel universam complectendo Græciam. Hinc licet patrimonio etiam per fidem tutorum minus diligentem dissipato destitutus, tamen non sua tantum ætate ab gloria in cælum evehctus est, sed etiam ab omni posteritate, quæ quum in reliquiis ejus vim eloquentiæ cerneret, tum Atticam semper potuit cognoscere; ad quod unice nunc quoque ille studiosos adjuvat. Sed hæc infinita sunt; & quanta voluptas adsuit omnibus, ubi Demosthenem laudare licuit, benignissimum facundiæ fontem? Neque vero minus cupide conati sunt si non ipsum, certe illum amænum vultum & undique congruentem retinere in vita, ad quam deponendam compulerat eum Archias ab Antipatro missus. Qui propterea & in Græcia & in Romanis bibliothecis dedicatus satis frequens fuit, sed execrabilis abolitio diruit & detraxit illinc omnem memoriam Demosthenis. Quod mireris, una Tarraco intercessit, ne penitus ex conspectu eraderetur. Hinc enim in suburbano repertum in disco marmoreo Antonius Augustinus narratur ab Fabro suppeditavisse eum Fulvio. Bellorius clypeum vocat. Quem vix video, qualem fingant, quum ex eo capitis vertex tantopere promineat. At vero editores operum Demosthenis dicunt se quoque curavisse delineari istud ipsum marmor, ubi idcirco intra ambitum orbis contineri pectus caputque videas. Arbitrentur, quorum ea potestas est.







ΑΙΣΧΙΝΗΣ
ΑΤΡΟΜΗΤΟΥ
ΑΘΗΝΑΙΟΣ

AESCHINES


Ob gratiam ac venustatem sermonis Græcæ suas orationes inscripsit
Apud Magnum Fibreæ Duem in minore

ÆSCHINES.



EQVE enim debet in hac congerie disjungi ab Demosthene, quicum in vita toties comparatus fuit, eloquentiæ quidem pro facultate & causâ opponens, sic tamen, ut illam actionem magni oratoris ex animo veneraretur etiam victus, cui sic nihilominus ex arbitratu Ciceronis aliorumque fuit proximus. Eo usque processerat Æschines ductu philosophiæ, quam ab Platone acceperat etiam ipse, accedente mox adjutorio seu Leodamantis seu Isocratis; uti quidem nonnulli: quum nec defint tradentes hanc vim collectam ab eo esse, dum inservit tribunalibus, ea occasione plurima huc pertinentia audiens nec minus multa legens. Quidquid sit, mox prætentans vires in scena & puerili ludo & multa alia varietate, denique ad rempublicam eas convertit, ita ut tantopere respiceret aulam Macedonicam, quam adversaretur Demostheni illibatam patriæ libertatem propugnanti. Hinc illa judicia Athenis contigerunt, ad quæ audienda & videnda ex Græcia omni concursus factos esse legimus. Itaque & honores collati, & tum legatus patriæ, tum Pythagoras creatus fuit, donec vertente fortuna coactus patriam relinquere, ut per Alexandrum reciperet, frustra Ephesum navigatione instituta post illius mortem quoque vel Rhodi vel Sami finitur. Apparet vero facies teres & bene compacta, ut inde & vox Æschinis facile colligi queat, qua dicitur fuisse ΕΥΦΩΝΟΤΑΤΟΣ: sed tamen apertus hic quoque & simplex vultus nescio quomodo pariter significat animum, ex quo processerunt ΑΠΛΟΤΕΡΑΙ ΑΙ ΔΥΝΑΜΕΙΣ ΚΑΙ ΕΥΑΗΤΟΤΕΡΑΙ ΑΙ ΚΑΤΑΣΚΕΤΑΙ, ut loquitur Dio Chrysost. orat. XVIII.





PHOCION ATHENIENSIS

Dux summus, summus Orator.

Cinguli apud D. Antonium Muriam Castiglionum.


P H O C I O N .



Nulla in his omnibus facies conservari meruit, certe gratulandum est hanc Phocionis quoque fuisse restitutam. Cujus viri vita quum inciderit in tristissimas Græciæ mutationes, non tam ex humanarum rerum incerto prognatas, quam civili insania obortas; quis non miretur illam altitudinem, qua eas omnes superavit? Vidit ille turbantem adhuc Græciam; vidit Philippum, Alexandrum, Antipatrum. Sed non illius astutæ fraudes, non alterius potentia, non tertii amaritudo spreverunt Phocionem. Unus hic ex Atheniensibus honestate sola tam varios ingenio & inæquales principes potuit demereri, non minus quam ipsum populum Atheniensem plane non sui jam nominis. Itaque dignitates & summas & crebras in patria belli domique feliciter ut suscepit ac gessit; sic muneribus externis & liberalitatibus regiis, etsi largissimis, etsi ardore offerentium violentis, impetravit tamen ut non pateret. Quid dicam de præsentis animo, quem assidue etiam in repentinis casibus ostendit munitissimum? Incredibilia ferme sunt, quæ congeffit de eo Plutarchus. Sic ille scilicet audiverat Platonem & Xenocraten. Itaque ut eundem animum servabat comem ac benevolum omnibus, ita apparet perpetuo vicem patriæ sollicitum, suspensum intentumque fuisse. Hinc enim illa mirifica perseverantia in eodem vultu semper retento, quem non risus resolverit, non luctus contraxerit, sed acri cogitatione Græciam complexus perpetuas mentis timidæ angustias & curas obductione illa fuerit confessus. Et certe id oculis nostris declarat viva specie hodieque hic conspectus, quem alioquin satis congruum & consummatum anxia laborantis Græciæ consideratio ad quendam mærorem acerbiteratemque traducit ac vultum manifestat ejus hominis, cui nihil eorum quæ fierent placeret, ut palam ipse prodidit. Hinc est, quod gratias agi oporteat vel Cl. Bellorio, qui ex Cingulo oppido Piceni latentem produxit, vel Antonio Mariæ Castalioni, Viro Eximio, qui adeo suavem vetustatis operam custodia sua dignari voluit, ut sic post patrem vulgo & olim & postea ignoratum ex Hermæ Fulviani inscriptione ΦΩΚΙΩΝ ΣΟΦΙΛΟΤ ΑΘΗΝΑΙΟΣ restitutum, nunc quoque ipse Phocion velut renatus posset adspici.







EPICURVS

Sectæ Epicuræ Auctor

Ex Cinesiarcho Clar. Viri Ercu Puteani.

E P I C U R U S.



U^t Phocionem in Italia latentem & Urfino, illi studiosissimo antiquitatum per eam plagam cognitori, ignoratum sero demum revocavit Bellorius: ita & Epicurum, quum similiter illic occultatum nequivisset deprehendere eximius ille vir, ante annos L. produxit Cl. Gassendus; non ex statua, quam Romæ testatur ad ingressum interioris palatii Ludovisianorum hortorum exstare ab Naudæo indicatam; non etiam ex cimelio, quod scribit fuisse penes Gasparem Monconisium Liervium Proprætorem Lugdunensem; sed ex gemma, quam habuit Cl. Vir Ericius Puteanus Lovanii. Et potuerunt omnes congruere, ut eandem ætatem referrent, & propterea isto uno exemplo debeamus esse læti. Sine fraude tamen & publica & sua sequuturus fuisset morem Urfini non ambigens tertio & quarto penicillo ejusdem sæpe capitis lineas ducere. Magis miror Bellorium quum tam conspicuo loco eum demonstraret jam Roma, tamen inter philosophos nomen tantopere celebratum non admisisse, negligentia dubium an indignatione. Hic certe desiderari non debuit, & quidem in vicinia Phocionis, cui fuit plane æqualis; ut similiter viderit omnia Græciæ, hoc est, ipsius humanitatis bona pedibus trahi, atque ideo laboriose circumspiciendum judicaverit, in quo acquiescere posset homo; ad quam rem id elegit, quo & ab corpore dolor & ab animo perturbatio abigeretur. Hoc ille Gargettius in hortis reperire potuit, dum ab anno ætatis XII. aut XIV. incerta causa impulsus philosophica versare cœpit, diversa præceptorum nomina adeptus, sed quod constat, Democriti plurimum lectione commotus; ita ut denique pater veri salutaretur ille noster distenta cute (quæ sunt Sidonii verba) Epicurus. Sed hæc multis jam discussa.








M O N I M U S .



Icut illi Ursino non conspecti post eum singulari-
 bus custodibus se vindicant ; ita hic quoque philo-
 sophus uni se Baudelotio d' Airvallio debere hanc
 suam imaginem fatetur . Et fuit hujus temporis ,
 quippe discipulus & ipse Diogenis , quem illi Sy-
 racusis nato frequenter deprædicabat Xeniaes em-
 ptor Diogenis . Hinc quum esset institor mensarii
 Corinthii , cupiens liberari ab hero nil nisi pecunias & lucra cogi-
 tante , simulavit insaniam , mensamque evertit nummis projectis
 plane contra morem istorum hominum , ut servum vere insanire
 tandem crederet dominus . At ille hunc argentarium cum Dioge-
 ne mutans , Cratetis alterius Cynici assæcla etiam factus , vir insi-
 gnis evasit , adeo ut & scripserit nonnulla , & Menander ejus quo-
 que meminerit . Hæc sola sunt de eo residua , quæ servavit Dio-
 genes Laertius , quum alioquin nec ipsum nominari , nec scripta
 ejus tangi sciam , crassiore obscuritate eum abscondente , quam
 Moschiona .







ΜΕΝΑΝΔΡΟΣ

ΕΧΟΥΝ ΜΕΝΑΣ ΤΙΣ ΜΕΝΕΔΟΥΣ ΕΙΣ ΤΗΝ ΔΕΞΙΝΗΝ ΜΕΝΑΝΔΡΟΥ
 ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΑΝΘΡΩΠΟΥ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΜΕΝΑΝΔΡΟΥ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΟΥΔΕΝΟΣ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΟΥΔΕΝΟΣ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΟΥΔΕΝΟΣ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΟΥΔΕΝΟΣ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΟΥΔΕΝΟΣ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ
 ΟΥΔΕΝΟΣ ΕΙΣ ΤΗΝ ΑΡΙΣΤΕΡΗΝ ΔΕ ΤΗΝ ΜΕΝΑΝΔΡΟΥ

ΜΕΝΑΝΔΡΟΣ
 Menander inter omnes nova Comediae Poetas facile Princeps.


Apud Fulvium Tarentum in aedificiis

MENANDER.



OTUISSET quidem anterior sedes huic adsignari, utpote quum jam aliquamdiu floruerit : sed tamen & huic articulo convenit, & utique Menander est, cujus nomen ubilibet tueatur facile locum & illustret. Quando enim veriora scripta sunt, quam quum chartæ ediderunt Menandrum literarum subtilitati sine æmulo genitum? Ea est confessio inge-


nua Plinii, qui plurimum hoc Menandro usus fuit, ac fere vix potuit sibi satisfacere in eo ex meritis laudando. Hinc enim evenit, ut rursus scriberet magnum & Menandro in comico focco testimonium regum Ægypti & Macedoniae contigisse classē & per legatos petito; majus ex ipso, regiae fortunæ prælata literarum conscientia. Nec quisquam ab Plinio dissentit. Quam grate enim ab Gellio scribitur is ipse humanarum opinionum vel peritissimus, aut aliquid Menandri de vita hominum media sumptum simplex & verum & delectabile? Id non intelligo, qua ratione Harduinus in loco Plinii nominet Philadelphum Ægypti & Archelaum Macedoniae. Qui duo utique non vixerunt simul, nec in ætatem Menandri inciderunt, quem sub Ptolemæo Sotere natantem in Piræo submersum dicit historia. Archelaus celebratur per Euripidem, cujus mors ab morte Menandri distabat annis cx. ex computatione Gellii. Hic igitur Menander acceptas doctrinæ primitias ab Theophrasto, ut testatur unus, quod sciam, Diogenes Laertius, non in eadem tenuit sublimitate, & Academiae aut aliis Gymnasiis dicavit, sed ad scenam tam mirabili cum plausu transfudit, ut nemo unquam melius, utque anno vitæ LII. dramata centum & quinque relinqueret, sic composita, ut scena Romana semper inde partes petere concupierit, nunc per Cæcilium, nunc suum illum Terentium, vel dimidiatum Menandrum ideo dictum ab Horatio. Ac licet ea dramata in ludis exhibita non fuerint ab



brabeutis semper coronata, posteritas judicandi verior laudibus &
Vol. II. 98 *enco.*

encomiis coronavit. Hinc & sepulchrum Piræi loco celebri, & statua in ipso theatro. Hinc isti tam læti versiculi in Herma, quos credunt esse ipsius Æliani. Quod superest, vides tabellam rotundam in postico ejus, quod ab altero latere exhibebat Sophoclen, ut suo loco dictum. Porro quam aliam effigiem sine nomine in marmore existisse apud Ursinum notat Jo. Faber, eique junctam fuisse Sophoclis imaginem, eam hic primo loco adjunxi, cui apposui specimen Gallæi, ut cernas licentiam, qua ille non dubitavit vel remotissime delirare ab Ursino, nulla crinium prominentia frontem mediam ornante & distinguente; ne dicam nimis exhaustum senectute illic prodi, quam nullam habuit. Plane autem non est, cur Bellorius hanc inscriptionem, in qua totus Menander continetur, aboleri voluerit in suo Menandro, quam Ursinus servavit, præsertim quum pag. DCCCXVII. vitiose sit ab Grutero edita. ΜΕΝΑΝΔΡΟΣ ΔΙΟΠΕΙΘΟΥΣ ΚΗΦΙΣΙΟΥ ΕΓΕΝΝΗΘΗ ΕΠΙ ΑΡΧΟΝΤΟΣ ΓΩΓΙΓΕΝΟΥΣ ΕΤΕΛΕΤΗΘΕΝ ΕΤΩΝ Ν ΚΑΙ Β ΕΠΙ ΑΡΧΟΝΤΟΣ ΦΙΛΙΠΠΟΥ ΚΑΤΑ ΤΟ Β ΚΑΙ Α ΕΤΟΣ ΤΗΣ ΠΤΟΛΕΜΑΙΟΥ ΤΟΥ ΓΩΓΗΡΟΥ ΒΑΣΙΛΕΙΑΣ.






PHILEMON.



CONVENIANT enim simul in chorum, quos sæpe scena vidit simul docentes & de corona certantes, prout de Menandro & Philemone Gellius alique referunt. Nec moretur nos patria diversimode relata, ab Strabone Soli in Cilicia, ab Suida Syracusæ. Certe enim Suidas in unam pericopen illic conjecit duos, ut patet ex discrepante mortis narratione. Itaque censuit etiam Lil. Gyraldus ex Apulejo tertium mortis genus ab utroque apud Suidam dissentiens memorante. Menandro quidem hic multo felicior fructus est & vita longa & gloria laboris, viditque sæpius coronari sua dramata. Et Quintilianus non dubitat statuere eum prave sui temporis judiciis prælatum Menandro sæpe esse, uti credo, quia Menander ipse scribitur ex illo quærentem dixisse, an non erubesceret, quum vinceret Menandrum. Habet hæc ipsa Vossius pater in scripto de imitatione. Sed profecto ignoravit Quintilianus, quæ potuerint in agendo accidisse, ut iudices de Menandro litem darent. Et utique qui consensu omnium meruit esse secundus (id testatur ipse ille Quintilianus) interdum sit primus, quum Non possint primi esse omnes omni in tempore, ut judicabat in mimo Laberius. Certe excerpta ex Philemone apud Henr. Stephanum vel de justitia vel de cultu pietatis divina sunt. De facie ambigitur. Pierius & Pyrrhus Ligorius narrantur ab Ursino vidisse imaginem, cui adscriptum erat ΦΙΛΗΜΩΝ, & exstitisse in bibliotheca Nicolai Cardinalis Rodulphi; nec tamen addit, an etiam similis fuerit vultui illi, quem ex nummo Pompejopolitarum exposuit. Is tamen cardo foret iudicii, quum in eo nummo Chrysippum & Aratum cerni credatur. Ursinum sequitur Jo. Faber, qui præter Hermen Tibure inventum & literas ΦΙΛΗΜΩΝ ΔΑΜΟΝΟΣ ΣΥΡΑΚΟΣΙΟΣ, narrat eandem imaginem in cameo factam reperiri, non distinguens, utrum illam, quam edit ex nummo, an vero quæ erat in Herma. Primus ergo qui in hac facie Philemonem significavit, fuit Leon. Augustinus, partis primæ numero xvi. eam exponens, quam vides majore forma nunc porrectam; nec tamen intelligo, qui istam dicat similem illi, quæ est apud Ursinum, qui prorsus dedit Chrysippum, ut patebit. Et hanc tamen solam fidem affert. Huic postea similem prompsit Thesaurus Palatinus, partibus bene congruis, nisi quod prominentia frontis naso proximæ sit effusior, & tota occurrat amœnior, quam hic annexam vides.







POSIDIPPVS

Poeta Comicus


In Hortis Mentalis

POSIDIPPUS.



ADHÆREANT his & pro meta hujus curriculi sint duo conspicuas sane per imagines ad nos propagati, sed quorum fata fuerunt magis sinistra, Posidippus nempe & Pytheus. Ille satis celebris inter antiquos nequivit tamen quidquam integrum ad hoc tempus promittere. Scripserat ille quidem comedias vel triginta, ut testatur Suidas, & ex eo retulerunt multi; sed & particulatim in his numerat idem auctor fabulam nomine ΔΗΜΟΤΑΙ¹ ut certe hinc pateat exstitisse. Quod quidem clarius patet ex Athenæo, similiter octo vel novem comediarum nomina citante, ut ex illis partem aliquam proferat & quod præ manu habet firmet: atque adeo probæ notæ habitus fuerit. Nec pro vili jacuisse credi potest, qui vix triennio post Menandri mortem, quum adhuc adfuetæ essent tam polito doctori aures, potuit florere, ut idem Suidas fatetur. Itaque nec tralaticio statuæ genere honoratus fuit; sed fortasse qualis præsedet theatro, & actores exercentes vidit, ut animadverteret, si quid minus apte pronuntiaretur: quam ideo servatam in hortis Montaltis læti gratulamur.

1. In voce *νεανισιδίππου*.



Pag. 2 vers. 16 consecrari, quum in arctum compellat nos non verum negligentia, sed temporis abolitio, testante Eustathio ad Dionysium ex Æliano apud Gades non anno solum, sed etiam mensi exstructam fuisse aram¹. cui statuat fuisse appositam ex more credas. Etiam

1. Αἰλιανὸς δὲ ἐν ταῖς περὶ προνοίας φησὶν, ὅτι ἐν Γαδείροις βωμὸς ἐν αὐτῇ ἵδρυται, καὶ μὴν ἄλλος, εἰς τιμὴν χρόνῳ βραχυτέρῳ τε καὶ μικροτέρῳ.

Pag. 7 vers. 14 faciem earundem

Pag. 9 vers. 11 Exstat

vers. 15 spectare

vers. 16 Cupido

vers. 29 versuti

Pag. 10 vers. 35 νόθρου δγ.

Pag. 18 vers. 17 editioni, quum tamen ex tribus eorundem nummis coronatum exhibeat quoque Patinus

Pag. 19 vers. 27 addito quinto

vers. 30 denique octavum sedentis

Pag. 21 vers. 49 cap. xi. & simul ita testetur Homerum πρόθητην
THE ΑΘΑΝΑΤΟΡ ΦΥΣΕΩΣ, ut loquitur Dio Chrysostomus. Harum

Pag. 24 vers. 36 appositum cernimus hunc ipsum,



Pag. 27 vers. 33 contigisse

Pag. 32 vers. 5 liberaverit

Pag. 33 vers. 9 Ursini, in cuius tamen prima editione de Alcæo quidem nihil exstat, neque

Pag. eadem dele istud male fictum caput, & spatium are hoc reple



Pag. 34 vers. 15 quem Ursinus in indiculo & hinc Gallæus fuisse penes Cardinalem

vers. 19 Hermæ vultus, nisi si in illo quadam ΕΜΠΛΟΚΙΑ celebrare supponatur more Græcorum. Certe

Vol. II.

101

vers. 37

verf. 37 ſedentem in eodem nummo Mytilenæo, unde vul-



tum Nauficæ produxit, & hæc ipſa eſt, quam vides, acriter ſcilicet exſultantibus Mytilenæis ob civium ſuorum utriuſque etiam ſexus celebratam mirifice indolem, quum prima iſtarum ſit donum Leon. Auguſtini. Quæ

Pag. 36 verf. 19 conditorem

Pag. 41 verf. ult. non admitterem. Sed & quum penes Urſinum foret gemma huius poetæ vultum retinens, eum delineavit Cl. Gevartius, prout num. 2. hic cernitur. Et fortæſſe qui ab Leon. Auguſtino publicatus fuit numero xxv. partis primæ, ipſe eſt Anacreon quem vides hic repositum num. 3.


Pag. 45 verf. ult. Sed quos tres illic animadvertis omiſſos nummos, in hunc locum conſeci; quum Heſperis ex primo tomo peti queat.



Pag. 46 verf. 26 moneta primum cuſa eſſe, & ad exemplum primæ renovata, ipſum habitu Imperatoris

Pag. 53 verf. ult. exiſtimaverint; & interim accipe pariter hanc ab eodem ſculpturam, ſed licet majoris laboris, ſic hiſtoriæ levioris.

Pag. 61 omiſſam illic quam tetigi, ex Geneſeva memoriam hic habe



Pag. 62 verf. 34 autem Faber aliam

Pag. 63.

Pag. 63 vers. 27 est editum, & in indice testatur apud se esse, quum Achilles Staius id ipsum quoque exhibens collocet apud Rodulfum Pium Card. Carpentem e thermarum Titi ruinis, ut ferunt, erutum, & hic

vers. 36 ΕΥΠΕΙΝΙΑΗΣ. Sed & ideo vultus ille annotandus est, quod temere & cum errore sit insertus libro secundo Alb. Rubenii de re vestiaria, ubi is agit de quatuor angulis vestium, quos dicit conspici in statua Euripidis marmorea, quæ videri possit in prima editione imaginum Ursini. At caput hoc cum pectore desumptum est ex secunda editione Gallæana, & stultum est in eo velle spectare id quod monet Rubenius. Statuam istam capite truncam retulit quoque Bellorius. Tertium

Pag. 64 vers. 35 *regnabat*, Faber ita

Pag. 65 vers. 12 urbs Heraclea insulis

vers. 40 historiam explentibus. Quæ vel ideo cognosci debet, quoniam in hac amicitia earum urbium videtur residere causa, cur Anytus post improbum iudicium Athenis Heracleam, mirum quantum inde dissitam, mutaverit exilii causa, ut in vita Socratis refert Diogenes Laert. etsi male illic exceptus.

Pag. 67 fin. commentans. Statuam vero Alcibiadis Romæ in cornibus comitii positam jam bello Samnitico testatur Plinius libro xxxiv. cui non Socrates aderat, verum alter ex Romano iudicio sapientissimus Pythagoras. Sed & alias ab se visas notat Dio Chrysostomus in Corinthiaca

Pag. 73 vers. 28 *raphano volumen*. Neque enim vetat, quominus amor docendæ comœdiæ etiam cadat in eum, qui herbas scrutatur, & fortassis eum quoque librum versibus conscripserat. Verum alia longe in isto Moschione cogitans Pet. Lambecius in parte secunda libri vi. Biblioth. Cæsareæ hoc Plinii testimonium refert ad æqualem ejus Moschiona medicum, cujus ibi librum inspicit, atque ideo longe diversum ab nostro poeta: quod sicut disjicere nolo; ita dubito an talis hominis volumen ista ratione fuerit Plinius citaturus.

Pag. 74 vers. 44 ΔΑΜΑΣ ΠΟ. Talem vides in Inscriptione Athletica apud Falconerium pag. 60. Μ. ΑΥΦΑΙΟΝ ΔΗΜΟΕΤΡΑΤΟΝ ΔΑΜΑΝ. Talis

Pag. 76 vers. 16 postea fuisse. Quem non intelligo, cur in hoc respuat originem assentationis familiaris, quæ cognomen hoc celebraverit, quum in Felice Sulla Magnoque Pompejo eam dubitans ponat præter vel militarem favorem vel popularem auram in fine libri xxx.

Pag. 82 vers. ult. gradientis. Quum denique eodem, quo Bellorius, anno etiam nummus nescio unde Hadriani perveniens in manum Cl. Sponii simul cum Miscellaneis prodiit, vultum gerens etsi aliter adornatum, tamen non admodum hinc abludentem.

Pag. 85 vers. 34 ΑΕΝΑΖΙΟΝ , quo etiam nomine notus est interpres Nicomacheorum.

Pag. 90 vers. 32 nullas novi , si ab ea discessero , quam libro 11 pag. 37 Bibliothecæ protulit Lambecius

Pag. 91 vers. 23 ut non solum ab utroque illo est editum , sed etiam ab Achille Statio , male

Pag. 93 vers. 30 Clypeum vocat Bellorius , quem mireris cur nihil dicat de corniola vetere , quam posseslam ab eo scribit Caninus inde edens hujus ipsius Demosthenis effigiem , sed ætate majorem & omnino diversam etiam in vestitu .

Pag. 94 vers. 28 orat. XVIII. Itaque quum & ex ipso vultus filo sic agnoscatur Æschines orator , & in ipso Hermæ titulo describatur manifeste filius Atrometi ; omnino caveri oportet , ne cum Æschine altero , sed Socratico illo Philosopho confundatur . Quod sicuti non opinor ab ullo paulum attento fieri posse ; ita nuper video libro II Diogenis Laertii , ubi Æschinem Charini filium describit istum philosophum , hanc ipsam effigiem turpiter & absurde insertam esse & venditari pro eodem , scilicet quia eodem censentur nomine .

Pag. 100 vers. 16 fatetur . Etiam quatuor aut quinque sententias illi adscriptas Henr. Stephanus inter Comicorum Græcorum sententias edidit . In bibliothecæ Medicæ pluteo LXXXVII. exstat volumen continens fragmenta ex Posidippo Comico de vitæ necessariis carmine Jambico : quæ an sint eadem cum editis Basileæ , nescio . Itaque

INDEX RERUM NOTABILIUM.

A

A Bderitarum vita qualis? 57
 Abydeni moneta Hero expriment 9
 Achilles Patroclum ulturus 78
 Acragas quo vultu pictus? 16
 — vir semper putatus. ibid.
 Acroceranui scopuli periculosi. 4
 Aedessa Aegeae appellata. 24
 Aeneas tractus. 6
 Aeschinis facies. 94
 — preceptores, studia, honores. ibid.
 Aethiopicae mulieris caput in nummis. 45
 Etnae horridus vomitus. 27
 Albus gallinaceus facer supplex mensis. 2
 Alcei patria & laudes. 33
 — carmina. ibid.
 — imago vindicata. ibid.
 Alcibiadis preceptor Socrates. 67
 — vitæ fors. ibid.
 — vultus & statua. ibid.
 Alcinoi pomaria. 5
 Alpheus Aetibusam sequens. 14
 — ab Heræensibus quo vultu pictus? ibid.
 Amphinomus & Anapias qui? 27
 Anacbaris quibus rebus celebris? 35
 — Cresio & Hannoni notus. ibid.
 — non Arimphæus, sed Galaëtophagus. ibid.
 — celatus in gemma. ibid.
 Anacreontis patria. 41
 — amicitia cum Polyerate. ibid.
 — doctrina & ode. ibid.
 — effigies in nummis & gemmis. ibid.
 Anaxagoras Euripidis preceptor. 63
 Antippon doctor Thucydides. 72
 Antisthenes unde Socraticus? 87
 — ejus discipline ac vitæ fors. ibid.
 — philosophiæ vocabula. ibid.
 — vultus in gemma. ibid.
 Αχιλλεύς 21
 Apollo quando genitus? 2
 — quale ferrum Scythæ præbuerit? 86
 Apollonii Rhodii scolia. 84
 Appulejo vera Platonis citatio restituta. 83
 Apum cultui studuerunt veteres. 75
 Αρρεδαίος Caranus dictus. 24
 Archytas quis, ejusque studia? 49
 — Πολυτελὸς dici meruit. ibid.
 — varie depictus. ibid.
 Arcisiprion. 3
 — a quo conditum & nominatum? ibid.
 Aretusia in Ortygia insula. 13
 — ejus facies in nummis. ibid.
 Arcus Preugenis filius. 17
 Argivi Apollinem & Homerum advocabant in so-
 lennibus sacrificiis. 20
 Aristippus auditor Socratis cum Platone. 84
 — ingenium luxurians habuit. ibid.
 — quo vultu celatus? ibid.
 Aristomachus cujas fuerit? 75
 — quando vixerit? ibid.
 Vol. II.

— quomodo in gemma celatus. ibid.
 Aristophanis laudes. 68
 — vultus vindicatus. ibid.
 Aristotelis laudes. 90
 — varie imagines. ibid.
 Aroe unde celebris? 17
 Artificis nomen in monumentis multos errores dis-
 cit. 85
 Asciburgium an ab Ulyssæ conditum? 3
 Aspasæ, Aspasus, Aspasos. 85
 Aspasia quando floruit? ibid.
 — an sculpta babeatur? ibid.
 Aspasus, nomen virile. ibid.
 Assorini acriorem pronuntiationem amant. 15
 Atbenarum & Heracleæ concordia quando & ob
 quam rationem inita? 65
 — ejus in nummo memoria. ibid.
 Atti Navii historia. 39
 — imago ex nummo. ibid.
 — statua. ibid.
 Augurum vetus habitus. ibid.

B

B Aculum decet Democritum. 56
 Barbam Romani quando non aluerint? 77
 Battiadæ apud Cyrenas. 36
 Batti lingua soluta, & quando? ibid.
 — imago. ibid.
 Bos Homero Musisque sacrificatus. 21
 Butbrotos custodia memorie Nauplii. 4
 Byzantium qui condiderit & quando? 29
 — vestigia & salsamenta celebre faciunt. ibid.
 — quæ fata tetigerint? ibid.
 Byzas heros Byzantii urbis conditor. ibid.
 — in nummo depictus. ibid.

C

K Αμυλῆς βοῦς. 21
 Campus Piorum apud Catanenses. 27
 Caput alatum fame. 1
 Carani gesta. 24
 — vultus in nummo. ibid.
 Carmina Alcaica. 33
 Castorum occurfus quando Romanis contigerit? 77
 Catane opulentia. 27
 Centuriis tribus equites auxilii Tarquinius. 39
 Cerauniorum montium statio. 4
 Ceta quæ regio? 24
 Cbarondas Pythagoreus. 47
 — de Catana bene meritis. ibid.
 — cornu gerit in nummo Catanensi. ibid.
 Cbelidoneorum nummus de Cimonis victoris. 61
 Χρυσὴν σφῆρα in fano Herculi. 62
 Chrysothomus Aristophanis studiosus. 68
 Cimonis in juventute virtus militaris. 61
 — victoriæ quæ? ibid.
 — statua. ibid.
 — vultus in gemma. ibid.
 Circe barbarum perita. 6

INDEX RERUM

Citharæ donarii loco in antris. 21
Clava succinctus dux. 46
Codrus qualis & unde celebris? 10
 — *status honoratus & monumentis*. ibid.
Cognomina Romæ quando data? 76
Columna Rægia. 51
 — *quando ita excusa*? ibid.
 — *cur in Sexti Pompeii nummis*? ibid.
Koutrus Pythagoras. 40
Comædia in exomide. 21
Cornelius Tacitus suppletus & correctus. 3
Cornu cur attributum legislatori? 47
Crates in gemma. 88. 97
Cratæus ætas unde nota? 70
 — *rei barbarie peritia*. ibid.
 — *vultus depictus*. ibid.
Kpibntæ Homeri mater qualis? 18
Cryſas Afforinorum fluvijs. 15
 — *sine aspiratione legendum*. ibid.
Cumani gloriantur Silylla sua. 43
M. Curius. 89
Cynægirus miles. 55
 — *quid memorabile ediderit*? ibid.
 — *sculptus in nummo*. ibid.
 — *Kuvæapoc poetarum*. ibid.
Cynicorum pater Antisthenes. 87
Cynofarges unde illuſtre. ibid.
Cyrenaica pecorum ferax. 36
Cyrenenſes Battum conditorem agnoſcunt. ibid.

D

Damas nomen frequens. 74
Dædali naturam aquæ ſignificant. 13 & 14.
Democritus in qua re ab Heraclito diverſus? 57
 — *quo ſtudio celebris*? ibid.
 — *ſtatus & gemmis cultus*. ibid.
 — *ejus ſenectus*. 56
Demoſthenis educatio, præceptores, eloquentia & celebritas. 93
 — *vultus in diſco marmoreo*. 93
Diana quando genita. 2
Didonis res geſtæ. 23
 — *effigies*. ibid.
Diis interpoſiti vel apoſiti bene meriti. 20
Diogenis Cynici patria, præceptor, vitæ fatum, & ſtudiorum diſciplina. 88
 — *vultus in monumentis*. ibid.
L. Domitius Ahenobarbus primus cum hoc prænomine. 77
 — *quo tempore vixerit*? ibid.

E

Egeria Dea. 28
 — *ejus domicilium*. ibid.
 — *imago*. ibid.
Elis regio jucunda. 14
Ελαιοπαιδος Hero. 9
Epicurus Phocioni coævus. 96
 — *quam philoſophiam coluerit*? ibid.
 — *ſtatua & gemma ſervatus*. ibid.
Equus frenatus non libertatis ſignum, ſed ſubjectionis. 46
Euclidis caput palliolatum. 82

— *patria, præceptor & ſtudia*. ibid.
Euripidis laudes. 63
 — *ætas ſub Archelao*. 98
 — *peregrinatio & poſtea exilium voluntarium*. 63
 — *præceptores*. ibid.
 — *imago quomodo & ubi expreſſa*? ibid.
Exomis comædiæ. 21

F

Fama peculiaris apud antiquos. 1
 — *ſpei filia*. ibid.
Fame ara Athenis. ibid.
 — *ſacrificium quando Athenis factum*? ibid.
 — *icon*. ibid.
 — *proprium volare & loqui*. ibid.
 — *caput alatum*. ibid.
Faſtauli vera effigies ex nummo. 25
Fidei effigies. 21
 — *geſtus*. ibid.
Fratres Pii Caiæ. 47

G

Gallus gallinaceus menſum iconibus adeſt. 2
Genii fabularii effigies. 21
Gemma inſcriptio explicata. 85
 — *caput designatum*. 88
Genubus veteres in ſcribendo aſſuefacti. 28
ΓΥΑΙΑΥΧΗΝ boi. 21

H

Haſta adfixa ſepulcro violenter occiſa. 78
Heraclæe concordia & Athenarum. 65
Heraclitæi unde orti? 56
Heraclitus quibus ſententiis celebris? ibid.
 — *ejus berma & vultus incertus*. ibid.
 — *baculo non ornandus*. ibid.
Hercules quando genitus. 2
Herculis imitator Diogenes. 88
Hero in nummis Abydenorum. 9
Herodotus hiſtoricus. 71
 — *inſigni loco correctus*. ibid.
 — *purgatus*. 55
Heros elegantia. 9
Hefiodi effigies prolata. 22
Hefiodus poëta Helotarum. ibid.
Himera urbi unde clara? 38
Himere annis fabula unde nata? ibid.
Hipparchus Anacreontem Athenas devehi curavit. 41
Hippocratis patria. 58
 — *laudatio Cratæus*. 70
 — *ſtudiorum diverſitas ab prioribus*. 58
 — *ſtatue & imagines*. ibid.
Homeri caput diademate cinctum. 18
 — *elogium*. ibid.
 — *vultus qualis in nummis*? ibid.
 — *nova imago indicata*. 20
 — *ſepultura in Naxo*. ibid.
 — *bronſinus in marmore*. 21
Homerum maxime imitatus Sophocles. 62
Hortulanus ligonem acuens. 86

Hyllus

NOTABILIMUM.

Hyllus artifex. 85
Hymnorum Stesibori admiratio. 38

I

I & y confusa. 61
Jamblichi locus dubius. 50
Jamblicbus correctus. 23
Ιατρείου Ἐσκαλαπίου. 12
Inscriptio apud Gruterum vitiose edita. 98
Iſocratis laus. 81
— vultus incertus. ibid.
Ipbidamas, quis? 74
I'v' & Diogenis Cynici. 88
L. Junii Bruti virtutes. 52
— unde bauſiæ? ibid.
— vultus qualis in nummo? ibid.
— ſtatue complures & earum reliquie. ibid.
Juſtini correctio firmata. 22
— lectio confirmata. 65

L

Lacus Curtius. 89
Lamachus Heracleam miſſus. 65
Λαμπρὸς. 4
Leandri & Herus amores tempore incerti. 8
— a Muſæo cantati. ibid.
Leo Battum perterrefaciens. 36
Leodamas qui fuerit? 74
Libyſſa Sibylla. 45
Luciani locus dubius. 71
Λόγῳς Herus. 9
Lyncæus ignem ſervans. 4
Lyſias orator Atticus ſeu Syracuſanus. 69
— ſcutariam officinam ſuſtentavit. ibid.
— ejus vultus. 69

M

MA ſyllaba Græcis vocibus ſæpe præpoſita. 24
Magiſter equitum armatus quoque in urbe.
79
Malchus in nummo Carthaginienſi, quo vultu,
geſtu, & quare cuſus? 46
M. Manlii nomen nobiliſſimum. 86
— vultus an celatus exiſtet? ibid.
Manlius Torquatus non Quindecimvir, ſed Trium-
vir. 44
C. Marcus Coriolanus, ab uxore exarmatus. 76
Maro Maroneæ conditor. 11
— qualis & quo vultu depiçtus? ibid.
Maronea quæ urbs & unde orta? ibid.
— Iſmaros an diçta? ibid.
Megaricorum nobilis diſciplina. 82
Memorie geſtus. 21
Menandri ætas, præceptor, ſtudia, ſcripta. 98
— imago qualis. ibid.
Menſis effigies. 2
— ornamentum gallus gallinaceus. ibid.
— Latone in deliciis. ibid.
Menta Scytharum non glabra. 35
ΜΙΚΡΟΜΜΑΤΟΣ Ariſtoteles. 90
Miles ocreas attrahens ſæpe in gemmis. 78
Milo Pythagoreus robore animi & corporis clarus.
50

Vol. II.

— ſtatuis & nummis expreſſus. ibid.
Miltiadis patria & elogium. 54
Minerva. 85
Minervæ natiuitas Stesibori inventum. 38
— provenius quo die ſignatus? 2
Monimus diſcipulus Diogenis. 97
— inſitor trapezitæ. ibid.
— ejus vultus depiçtus. ibid.
Moſebion ſola citatione notus. 73
— vixit poſt Themiftoçlem. ibid.
— a Plinio memoratus. ibid.
— ſtatua honoratus. ibid.
— alius Moſebo. ibid.
Mures Homero cur appiçti. 21
Muſæus de Leandri & Herus amoribus, quo mo-
do in MSS. inſcribatur? 8
Mutius Sævola quis fuerit? 53
— virtus ejus in gemma celebrata. ibid.
Margo verum nomen patris Didonis. ibid.
Myſgiades. ibid.
Myſilena a Pittaco liberata. 32

N

Natura inſtar pueri. 21
Nauplii ſerviiti in Græcam claſſem. 4
Nauplius facem non tenet in nummis. ibid.
Nauſicaa Ulyſſi hoſpitio clara? 5
— vultus ejus qualis? ibid.
Nicolaus Florentinus Batavus primus Pythagoram
reperit. 40
Nobilior Codro. 10
Noçtina in quorum moneta. 10
Nomina Græca varia nobis ignota. 85
Nummus illuſtratus vel expoſitus. 2. 3. 4. 11. 18.
20. 24. 36. 44. 45. 46. 51. 61. 65.

O

Olla vel Teſta flamam ejiciens. 4
Ortygia Græcum oſtentat. 13

P

ΠΑΡΑΔΟΧΟΣ ΔΑΨΑΣ. 74
Paſtorum veſtis. 25
Patreus quis? 17
Pergami junioris vultus. 12
Pergamus urbi a quo condita? ibid.
— Ἐſculapio nobilitata. ibid.
Φαῖος. 4
Phercyades ex Syro. 37
— ejus magiſtri & diſcipuli. ibid.
— vultus. ibid.
Philemonis patria & ætas. 99
— imago. ibid.
Phocionis encomium ac fata. 95
— vultus animum indicans. ibid.
Pii fratres apud Catanenſes. 27
Pileum & zona in antro. 21
Pindari patria, poeſis eximia. 60
— domus ſacra. ibid.
— ſtatua cum diademate. ibid.
Πύρρα γῆ Anacreonteum. 41
Pintaci patria & geſta. 32
— vultus examinatus. ibid.
— cognomina quænam? ibid.

104

INDEX RERUM

Plato *εὐχὴν* dixit *Anacreontem*. 41
 Platonis encomium. 83
 — imagines depictæ. ibid.
 — verba Apulejo citant reddita. ibid.
 Platonium Lyceum Athenis. 87
 Plinius imitator Menandri. 98
 ΠΟΛΙΤΙΚΟΣ Archyta. 49
 Pompiliana indigitamenta quæ? 28
 Πόρνα Venus dicta. 9
 ΠΟΣΕΙΔΩΝΙΟΝ in freto Siculo. 51
 Posidippi ætas, & scripta quænam? 100
 — statua depicta. ibid.
 Περὶον nomen locorum. 3
 Proventus Minervæ quo die signatus? 2
 Pythagoræ natales ac inventum. 40
 — imago in variis nummis. ibid.
 — statua Romæ. ibid.
 Pythagorea schola late diffusa. 47
 Pythagoricæ disciplina, quæ pignora? 48

Q

L. Quintii Cincinnati transitus ab aratro ad dictaturam. 78
 — statua, & vultus in gemma. ibid.

R

Romuli effigies. 26
 — caput comatum & lauro redimitum. ibid.

S

Salus Dea quomodo in monumentis expressa? 6
 Sapientiæ apud Græcos initia. 30
 Sappho decima Musa. 34
 — ubi nata? & vario honorata. ibid.
 Scythia Marfyam excoriavit. 86
 Serpentes Circe non demonstrant. 6
 — incantationibus inservientes. ibid.
 C. Servilii Abale facinus memorabile. 79
 — statua in stemmate Bruti. ibid.
 — cognomen trisyllabum. ibid.
 — vultus verus depictus. 80
 Sibylla triplex Romæ celebrata. 42
 — Cumana quo vultu in variis nummis depicta? 43
 — quibus nominibus nota? ibid.
 — an Tarquinio obtulerit libros? ibid.
 — Gergubia quænam & quomodo depicta? 45
 — lauro coronata in Voltii nummis. 44
 — Libyssa. 45
 — Manlia, in Manliæ gentis nummis. 44
 Sileni inventio fabulosa mellis. 75
 Siren imposita sepulchro Sopboclis. 62
 Sirenes æquales Musis. 7
 — unde natæ, ubi habitaverint & quid egerint? ibid.
 — tres in monumento depictæ. ibid.
 — quo habitu describende? ibid.
 Socratis artificium. 66
 — forma. ibid.
 — parentes. ibid.
 — præceptores. ibid.
 — vultus varii. ibid.

Solonis fata & laudes. 31
 — imagines examinatæ. ibid.
 Sopbocles ornamenta scenicis addidit magis speciosa. 62
 — luxit Euripidem. 63
 Sopboclis patria. 62
 — decus immortale ex poesi. ibid.
 — ducatus in bello. ibid.
 — sepulcrum quomodo ornatum? ibid.
 — vultus qualis in monumento? ibid.
 ΣΟΦΟΣ Anacreon. 41
 Sphinx pro quolibet monstro Africanis. 45
 Stephani locus dubius. 71
 Stesicbori hymni celebres. 38
 — imago apud Himerenses. ibid.
 — mors & honores. ibid.
 — vultus depictus. ibid.
 Stesicborus ubi natus? ibid.
 — finxit Minervæ ortum. ibid.
 — Geographiam docuit. ibid.
 — Tifas ante dictus, & unde? ibid.
 Subligaculum pelliceum pastoribus proprium. 25

T

Tarquini Prisci regnum insigne. 39
 Tbaletis Milesii laudes. 30
 — imago ambigua. ibid.
 Θάπρος & Θάρος differunt. 84
 Thebanos Xerxi non resistentes laudavit Pindarus. 60
 Themistoclis laudes. 59
 — præceptor & studia. ibid.
 — statua & vultus quales? ibid.
 Theophrasti imago depicta. 92
 — vita ab Ursino descripta. ibid.
 ΘΗΡΑΤΗΣ ΑΛΗΘΕΙΑΣ quis dictus. 48
 Thucydides in auditorio Herodoti. 72
 — discipulus Anaxagoræ & Antipbonis. ibid.
 Thucydidis locus explicatus. ibid.
 — narratio suppleta. 65
 Thyrsi male spectati. 11
 Torquatus Triumvir. 44
 Tragedia habitu virili. 21
 Τριμυλως. 2
 Triton longe diversus ab Sirene. 7
 Triumviri ad cærimonias extra ordinem creati. 44

V

Velaria. 21
 Velatus Augur. 39
 Venerari voce & manu. 21
 Venus nomine πόρνας culta. 9
 Vexillum in puppe, signum prætorie navis. 51
 Vibius Sequester illustratus. 28
 Virtutis effigies. 21
 Ulysses habitu mendici depictus. 3
 — an conditor Asciurgi. ibid.
 — Sirenes prætervebens. 7
 Ulyssis error celebris. 5
 — progenies ex Circe. 6
 — facies. 3
 — parentes & gesta. ibid.
 Volsejus an fuerit Quindecimvir Sacris faciundis? 44

NOTABILIUM.

Volumina Sibyllæ. 42

Urna columnæ imposita apud Græcos. 78

X

X *Eniades emptor Diogenis. 97*

Xenocrates quis & unde fuerit? 91

— quomodo studia & vitam excoluerit? 91

— ejus efficacia in mitigandis animis. ibid.

Xyles pater Herodoti. 71

Z

Z *Aleuci laudes. 48*

— vultus ubi excusus? ibid.

Zaleucus Pythagoreus legislator Locrensiū. ibid.

Zenonis patria. 64


— philosophia. ibid.

— robur in tormentis. ibid.


— vultus in gemma. ibid.

— vitæ tempus. ibid.

F I N I S.











SPECIAL 82-B
OVERSIZE 1304
N
F610
987
V.2

